

讀史兵略續編

讀史兵略續編序

古今運會遷變無常盛衰興廢之機與人事之措施相感召每歷一代其世界之草昧與氣象之文明必繼承流開化者敷布若何而後人事默爲之應蓋人事者所以操縱時宜得人者昌失人者亡中天之治四岳十二牧雍容揖讓喜起明良蔚成勳華之治雖以揖讓合德而導揚休美仍不能不重人才追湯武征誅而南巢之用兵牧野之誓戰始講攻守之法故商周開國後世尙論者以爲從阪泉涿鹿取法而來雖似以暴易仁而其平治天下莫安百姓之心則堯舜湯武先後同揆誠以運會所過既然自不能再守唐虞腐局也自是而後讓德日漓非用武不足矯變故自春秋戰國歷炎漢魏晉六朝唐宋五代元明以至今日凡王者承統皆以兵革之利威天下此非故事蹟武亦不得已之苦衷也然而禦侮干城操縱雖在一人而師濟則在衆職自古來名臣名將翼虎從龍或以智謀顯或以勇略聞史冊所稱浩如烟海後之讀吾籍古者往往神游心領想見運籌制勝之方不啻身在局中觀其決策惟二十四史卷帙甚繁披覽之餘不能盡得其要領近日談兵家欲以古人之方略證今人之事功者掘典章殊嫌散漫或謂兵法汗牛充棟漢書藝文志所載兵書五十三家圖四十三卷分權謀形勢陰陽技巧八門張良韓信亦合纂兵法五十三家任宏編兵書四種元鑑中以大號孫子吳子司馬法黃石公三略尉繚子李衛公問對爲兵要七書其專集如魏無忌二十一篇登壇必究五疊圖青囊括太公陰謀三軍水鑑兵家月令佐國元機兵家正史紀要新編等皆取精用宏大可供好學深思之助何必

雜取史書所載反致駁而不純哉不知專事一家者學業之精審也廣搜衆說者識見之宏通也所不足者史傳所詳兵略並無專本今

國家外交內治兵事亟須講求士子養氣讀書雖未必皆投筆從戎亦沾沾以武功自喜其平日居今稽古討論經濟安不忘危輒述往古將才若者習於防邊若者習於靖內甚至風簫對策振筆談兵歷歷如數家珍以自矜其淹博一物不知引以爲恥亦士人好名之病有以致之也益陽胡文忠公向有讀史兵略一書皆取各人之節義忠貞嫻於經略者自春秋以至有明與續學之儒節錄若干卷經始於咸豐九年十年冬全書告成在武昌官署先刻十二卷一時四海風行不脛而走其自宋至明凡十卷尙未刊行而文忠已沒於王事獨山莫友芝掌臬時在分輯之列守缺抱殘手鈔未刊之十冊詳校而編分之今友人覓得原編稿本排印成書問序於余余按前編自敘云天下之治常肇於憂勤而其亂也皆由於逸樂公以一代名大儒懸擊忠勤以天下爲己任其所識拔者皆名世之選則是書之成其興頑庸鈍望天下有治而無亂所以勵憂勤而戒逸樂用意之深非徒發潛蘊幽以編輯供後學之恒釘者吾知續集一出更將如景星慶雲先覩爲快而後之學者咸得師法而導聰明作忠義其益豈淺鮮哉

光緒二十有六年庚子花朝後三日德清俞樾序

續史兵略續編目錄

宋紀

卷一

太祖

真宗

大中

卷二

仁宗

神宗

卷三

哲宗

高宗

卷四

高宗

卷五

孝宗

光宗

卷六

甯宗

理宗

卷七

理宗

元紀

卷八

世祖

成宗

泰定

明紀

卷九

太祖

惠帝

英宗

憲宗

武宗

世宗

穆宗

神宗

卷十

熹宗

崇禎

歐史兵略續編卷之一

益陽胡林翼集

金匱宣室錄

宋紀○〔太祖建隆元年〕夏四月帝加周昭義軍節度使太原李筠中書令使者至潞州筠卽欲拊命左右以
陳乃延使者置酒張樂旋取周祖畫象懸壁涕泣不已泣佐愴懼告使者曰令公被酒失常幸甚惟北漢主
鈞聞之乃以蠟書結筠同舉兵筠長子守節泣諫筠不聽帝手詔慰撫且召守節爲皇城使筠遂遣守節入朝
伺動靜帝迎謂曰太子汝何故來守節瞋然頓地曰陛下何言此必有讒人聞臣父也帝曰吾聞汝數諫汝
父不聽故遣汝來欲吾殺汝耳汝歸語汝父我未爲天子時任自爲之我旣爲天子汝獨不能小護我耶守節
馳歸告筠筠遂令幕府爲檄數帝罪執監軍周光遜等遣牙將劉繼冲等送北漢納款求援又遣兵襲澤州殺
刺史張福據其城從事閻邱仲卿說筠曰公孤軍舉事其勢甚危雖倚河東之援恐亦不得其力大梁兵甲精
銳難與爭鋒不如西下太行直抵懷孟塞虎牢據洛邑東向而爭天下計之上也筠曰吾周朝宿將與世宗義
同兄弟禁衛之士皆吾舊人聞吾至必倒戈歸我何患不濟乎不用其計樞密使吳廷祚言於帝曰潞州巖險
賊若固守未可以歲月破然李筠素驕易無謀宜速引兵擊之乃遣石守信高懷德率前軍進討帝敕守信等
曰勿縱筠下太行急引兵扼其隘破之必矣帝召三司使清河張美調兵食美言懷州刺史大名馬令琰度李
筠必反日夜儲備以待王師帝亟令授令琰副使宰相范質曰大軍北伐藉令琰供億不可移他郡遂升懷

州爲國練以令琮充使

昭義澤潞軍名下太行則出險之莫不易收拾

五月庚子命宣徽南院使晉居潤赴潞州鎮寧節度使慕容延釗彰德軍留後王全斌率兵由東路與石守信

高懷德會辛丑以洛州國練使郭進爲本州防禦使兼西山巡檢備北漢也北漢主遣內國使李嗣以詔許金

帛晉馬賜李筠筠復遣劉繼沖詣晉陽請北漢主舉軍南下已爲前導北漢主遣使請兵於遼遼師未集繼沖

述筠意請無用契丹兵北漢主即日大閱傾國自將出國柏谷蘇臣餞之汾水左僕射趙蘅諫曰李筠舉事輕

易事必無成陛下掃境內赴之臣未見其可也北漢主不聽行至太平驛筠身率官屬迎謁北漢主命筠贊拜

不名坐於宰相衙融之上封西平王筠見北漢主儀衛寡弱內甚悔之又自言受周氏恩不忍負而北漢主與

周世繼聞筠言亦不悅筠將還北漢主遣宣徽使盧贊監其軍筠心益不平贊嘗見筠計事筠不應贊怒拂衣

起北漢主聞贊與筠有隙遣術融詣軍中和解之筠留其長子守節守上黨而自率衆三萬南出癸卯石守信

等破之於長平又攻拔其大會寨甲辰詔奪李筠官爵丁巳詔親征己未帝發大梁壬戌次滎陽西京留守河

內向拱勸帝濟河踰太行乘賊未集而擊之稽留浹旬則其鋒益熾矣樞密盧學士趙普亦言賊意國家新造

未能出征若偕道兼行掩其不備可一戰而克帝納其言丁卯石守信高懷德破李筠軍三萬餘於澤州南獲

北漢河陽節度使范守圖殺盧贊筠遁入澤州嬰城自固是月永安節度使雲中折德晟破北漢沙石寨斬首

五百級六月己巳朔帝至澤州督軍攻城旬不下帝召控鶴左廂都指揮使馬全義問計全義請併力急攻

遂率敢死士先登飛矢以臂全獲拔鐵進戰帝親率衛兵繼之辛巳克其城李筠赴火死獲衛融乙酉進攻潞州丁亥筠子守節以城降赦之升潞州爲國祿用守節爲使是日帝入潞州宴從官於行宮大赦免附潞三十里今年田租錄陳死將校子孫丁夫給復三年李筠性雖暴事母甚孝每怒將殺人母屏風後呼筠卽趨至母曰聞將殺人可免乎爲吾曹增福耳筠遽釋之北漢主閻筠敗自太平驛還晉陽謂趙華曰李筠無狀卒如卿言幸全師以歸但恨失衛融虜臂耳遽師聞潞州破不果出

潞州鎮南軍今開州也相州彰德軍今彰德府開柏谷在祁縣太平驛在長治縣西北長

平大會俱在
高平縣西北

初衛融被執帝詰融曰汝教劉鈞助李筠反何也融對曰犬吠非其主臣誠不忍負劉氏且云陛下縱不殺臣臣必不爲陛下用帝怒命左右以鐵繩繫其首流血被面融呼曰臣得死所矣帝曰忠臣也釋之以夏藥敷其瘡因使致書北漢主求周光遜等納款歸融太原北漢主不報辛亥以融爲太府卿

詔殿前侍衛二司各閱所掌兵簡其驍勇者升爲上軍而命諸州長吏選所部兵送都下以補禁旅之闕又選強壯卒定爲兵樣分送諸道召募教習俟其精練卽送闕下由是獷悍之士皆隸禁籍矣又懲唐以來藩鎮之弊立更戍法分遣禁旅戍守邊城使往來道路以習勤苦均勞逸自是將不得專其兵而士卒不至於驕惰皆趙普之謀也

周檢校太尉淮南節度使滄人李重進周太祖甥也始與帝俱事世宗分掌兵柄以帝英武心懼之恭帝嗣位

重進出鎮揚州及帝自立命韓令坤代重進重進請入朝帝賜詔止之重進愈不自安李筠舉兵澤潞重進遣其親吏翟守珣同行與筠相結守珣潛求見帝言重進陰懷異志帝厚賜守珣使說重進稍緩其謀無令二凶並作守珣歸勸重進未可輕發重進信之帝既平澤潞隨欲經略淮南徙重進爲平盧節度使又遣大宅使陳思海將銀券往賜以慰安之重進自以周室懿親恐不得全遂拘思海治城繕兵遣人求援於南唐南唐主不敢納帝聞重進舉兵命石守信爲揚州行營都部署兼知揚州行府事王審琦爲副李處耘爲都監宋延渾爲都排陳使帥禁兵討之

晉州言兵馬鈐轄荆罕儒領十餘騎抵北漢汾州城下焚其草市而還夕次京土原北漢主遣大將郝貴超領萬衆來襲黎明及之罕儒遣都監閻彥進分兵以禦罕儒錦襪甲披胡牀響士方削羊臂脯以食閻彥進小却卽上馬麾兵徑犯其鋒北漢人橫戈脊之罕儒墜馬被獲獨格鬪手殺十餘人乃遇害北漢主素畏其勇欲生致罕儒及聞其死求殺罕儒者戮之帝聞罕儒戰歿痛悼不已擢其子守勳爲西京武德副使實將校不用命者嗣二人斬二十九人罕儒輕財好施勇而善戰常欲削平太原志未果而及於敗人皆惜之

義縣西故
備郡也

京土原當作
土京原在平

帝問趙普以揚州事宜普曰李重進愚悍長淮繕修孤壘外絕救援內乏資糧宜速取之帝是其言丁亥下詔親征以光輔爲大內都部署吳廷祚權東京留守呂餘慶副之十月庚寅帝發京師百官大軍並乘舟東下甲

辰次泗州搶舟登陸命諸將鼓行而前十一月丁未次揚州城下即日拔之初城將陷左右勸殺陳思諱重進曰吾方舉族將赴火死殺此何益卽縱火自焚思諱亦爲其黨所害帝入城戮同謀者數百人重進兄重興初聞其拒命卽自殺弟重贊及其子延福並死於市帝購得程守珣補殿直俄遷供奉官賑揚州城中民人米一斛十歲以下半之爲誅爲軍者賜衣服遺詔重進家屬部曲並釋罪

南唐主遣左僕射江都嚴續來犒師庚申復遣其子蔣國公從鐸戶部尙書新安馮延魯來賀帝厲色謂延魯曰汝國主何故與吾叛臣交通延魯曰陛下徒知其交通不知預其謀反帝詰其故延魯曰重進使書館於臣家國主令人語之曰大丈夫失意而反世亦有之但時不可耳方中朝受禪之初人心未定上黨作亂君不以此時反今人心已定乃欲以數千萬合之衆抗天下精兵僭使韓白復生必無成理雖有兵食不敢相資重進卒以失援而敗帝曰雖然諸將皆勸吾乘勝擄江何如延魯曰重進自謂雄傑無與敵者神武一臨敗不旋踵況小國其能抗天威乎然亦有可慮者本國侍衛數萬皆先主親兵誓同生死陛下能聚數萬之衆與之血戰則可矣且大江天塹風濤不測苟進未克城退乏糧道事亦可虞帝笑曰聊戲卿耳豈聽卿游說耶帝使諸軍留戰於迎鑾南唐主懼甚其小臣杜蘅薛良來奔且獻平南策帝惡其不忠命斬蘅於下閤市良配隸廬州牙校南唐主乃少安終以國境感騷遂決遷都之計乙丑命宣徽北院使李處耘權知揚州時揚州兵火之餘

闕境凋敝處耘勤於撫綏輕徭薄賦揚州遂安

迎鑾今儀真縣下閤在句容北

二年是春令長吏課民種植每縣定民籍爲五等第一種雜木百每歲減二十爲差桑聚半之男女十歲以上人種韭一畦闊一步長十步無井者鄰伍爲鑿之令佐以春秋巡視其數秩滿赴調有司第其課而爲之殿最又詔自今民有逃亡者本州具戶籍頃畝以聞卽檢視之勿使親鄰代輸其租詔檢田使給事中常準奪兩官先是館陶民郭贊詣闕訴檢田不均詔令他縣官案視所隱頃畝皆實帝怒責準本縣令程迥扶杖流海島初帝既克李筠及李重進一日召趙普問曰自唐季以來數十年帝王凡易八姓戰鬪不遑生民塗地其故何也普欲息天下之兵爲國家計長久其道何如普曰陛下言及此天地人神之福也此非他故方鎮太重君弱臣彊而已今欲治之惟稍奪其權制其錢糧收其精兵則天下自安矣時石守信王審琦皆帝故人各典禁衛警徵召於帝請授以他職帝曰彼等必不吾叛卿何憂普曰臣亦不憂其叛也然熟觀數人者皆非統御才恐不能制伏其下萬一軍伍作孽彼亦不得自由耳帝悟於是召守信等飲酒酣屏左右謂曰我非爾輩力不及此然天子亦大艱難殊不若爲節度使之樂吾終夕未嘗高枕臥也守信等請其故帝曰是不難知居此位者雖不欲爲之守信等頓首曰陛下何爲出此言今天下已定誰敢復有異心帝曰卿等固然設麾下有欲富貴者一旦以黃袍加汝身汝雖欲不爲其可得乎守信等頓首涕泣曰臣等愚不及此惟陛下哀矜指示可生之途帝曰人生如白駒過隙所爲好富貴者不過欲多積金錢厚自娛樂使子孫無貧乏耳卿等何不釋去兵權出守大藩擇便好田宅市之爲子孫立永遠之業多致歌兒舞女日飲酒相歡以終其天年朕且與卿等結爲

婦嫗君臣之間兩無猜嫌上下相安不亦善乎皆拜謝曰陛下念臣等至此所謂生死而肉骨也明日皆稱疾請罷帝從之賞賚甚厚以石守信爲天平節度使高懷德爲歸德節度使王審琦爲忠正節度使張令鐸爲鎮南節度使皆罷軍職獨守信兼侍衛指揮使如故其兵權不在也

鄆州天平軍今東平州宋州歸德軍今歸德府壽州忠正軍今壽州

女真國遣使貢名馬女真之先居古肅慎地元魏時號勿吉至隋改號靺鞨唐初有黑水靺鞨未兩部後靺鞨未盛疆號渤海國黑水因役屬之五代時遼盡取渤海之地黑水部民居混同江之南者聚籍於遼號熟女真居江之北者不繫籍於遼號生女真至是以馬入貢詔調登州沙門島居民租賦令專治舟船渡所貢馬

女真今南古塔地在

混同江南黑水今黑龍江在混同江北沙門島在遼東縣西北海中

西山巡檢使郭進敗北漢軍於汾西殺馬牛驢數千計進威令嚴肅帝每遣戍卒必諭之曰汝輩謹奉法我猶貸汝郭進殺汝矣嘗有軍校輕訟進不法事帝詰知其情送進令殺之會北漢來寇進語其人曰汝敢論吾信有膽氣今貸汝罪汝能掩殺敵兵當卽薦汝其人踴躍赴戰大捷進具其事送之於朝請賞以官帝曰爾誣害我忠臣此纔可贖罪耳命以其人還之進復請曰使臣失信則不能用人矣帝乃從之

郭進駐廣平府宋曰洺州

(三年)命淮南道官吏發倉廩以賑饑民初戶部郎中沈義倫使吳越歸言揚泗饑民多死郡中軍儲尙百餘萬可貸民至秋乃收新粟沮之者曰若歲稔饋將無所取償孰執其咎帝以詰義倫對曰國家以賑粟濟民自宜感召和氣立致豐稔爾復憂水旱耶帝悅故有是命

遷鶴右兩都指揮使尹勳配隸許州爲教練使勳督浚五丈渠陳留丁夫夜潰勳攬斬其隊長十餘人又迫獲亡者七十餘人皆誅其左耳有諸閼仲寃者兵部尙書李濤臥病家居力疾草奏乞斬勳以謝百姓濤家人曰公久病宜自愛朝廷事姑置之濤憤然曰死者人之常吾豈能免但我掌兵柄軍校無辜殺人豈得不論帝覽

其奏嘉之

五丈河古南漢遼縣周時浚之以入汴水其廣五丈故名

以趙贊爲彰武節度使別受密旨許便宜行事贊將至延州乃分置步騎前後絡繹林莽之中遠見旌旂荒澤迎者莫測其數無不畏服贊延壽子也帝注意謀帥既命贊屯延州又命董遵誨守環州王彥昇守原州馮繼業鎮靈武以備西夏李漢超屯關南馬仁瑀守瀛州韓令坤鎮常山賀惟忠守易州何繼筠鎮棣州以拒契丹又以郭進控西山武守琪戍晉州李謙溥守隰州李繼勳鎮昭義以禦太原諸臣家族在京者撫之甚厚郡中號權之利悉與之恣其國回貿易免所過征租由是邊臣皆富於財得以養募死士使爲間諜洞知敵情每入邊必能先知預備設伏掩襲自此累年無西北之虞得以盡力東南取荆湖川廣吳越之地

延州彰武軍今延安府環州今環縣

原州今固原州隴南今隴縣南
靈州今河蘭縣州今武定府

武平節度使兼中書令周行逢疾革召將吏屬其子保權曰衡州刺史張文表與吾同起庸畝以不得行軍司馬志常快快吾死必爲亂當令楊師璠討之行逢薨保權領軍務時年十一張文表聞周保權立恐曰我與行逢俱起微賤立功名安能北面事小兒乎會保權遣兵更戍永州路出衡陽文表遂驅以叛僞縉素若將奔喪

武陵者過潭州時行軍馬廖簡知留後張文表不爲之備方宴飲外白文表兵至簡殊不介意謂四座曰
文表至則成擒何足慮也飲笑如故俄而文表率衆徑入府中簡不能執弓但笑罵大罵遂害文表取其印
綬自稱權留後具表以聞保權即命楊師璠悉衆討文表告以先人之言感激泣下師璠亦泣願請其衆曰汝
見耶君乎未成人而賢若此軍士皆誓保權又乞師荆南且來求援文表亦上疏自理明州武平軍今常德府澧州長沙府也
詔縣復署尉一員在主簿下凡盜賊關訟先委鎮將者命令與尉領其事自萬戶至千戶各署弓手有差五代
以來節度使補署親隨爲鎮將與縣令抗禮凡公事專達於州縣吏失職至是還統於縣鎮將所主不及鄉邨
但郭內而已從樞密使趙普言也

蜀主命官追督四鎮十六州進稅龍游令田浩上疏諫曰今甲子欲交陰陽變動天運人事合有改更如采厚
斂之末議必亂經國之大倫又言四海財貨盡屬至尊百姓足則君莫不足今務奪百姓專聽大軍非本計也
蜀主不能用四鎮兩川興元武定也十六州當作四十六州此等四字龍游今嘉定府樂山縣

（乾德元年）以山南東道節度使兼侍中慕容延釗爲湖南道行營都部署樞密副使李處耘爲都監發兵會
襄陽以討張文表先是盧懷忠使荆南帝謂曰江陵人情去就山川向背吾盡欲知之懷忠使還報曰繼沖控
控之士不過三萬年數雖登民困於暴斂其勢日不暇給取之易耳於是帝召宰相范質等謂曰江陵四分五
裂之國今假道出師因而下之蔑不濟矣遂以成算授處耘等楊師璠之討張文表也兵稍失利相持既久文

表出戰師璫大敗之遂取潭州執文表初文表聞宋師來伐潛送款於趙璫具言奔喪朗州爲廖簡所薄因卽私鬪實無反心璫自以奉詔論文表得其歸順甚喜卽遣使撫慰之師璫兵旣入城縱火大掠而璫亦繼至明日李將吏於庭指揮使高超語其衆曰觀中使之意必活文表若文表至闕國害朗州吾輩無遺類矣乃斬文表於市燔其肉及宴罷璫召文表超曰文表謀爲亂已斬之矣璫太愚久之

高繼沖自以年幼未能民事刑政賦役委節度判官孫光憲軍旅調度委衙內指揮使矯廷誦謂曰使事事得中人無聞言吾何憂也李處耘至襄州先遣閭門使丁德裕諭繼沖以假道之意請薪水給軍繼沖與其僚佐謀以民庶恐懼爲詞願供芻餼百里外處耘又遣德裕往光憲及廷誦請許之兵馬副使李景威說繼沖曰王師雖假道以收湖湘恐因而襲我願假兵三千設伏荆門險隘處候其夜行發伏攻其上將王師必自退却回軍收張文表以獻於朝廷則公之功業大矣不然且有搖尾乞食之禍繼沖不聽曰吾家累歲奉朝廷必無此事孫光憲曰景威峽江一民耳安識勝敗且中國自周世宗時已有混一天下之志宋興凡所措置規模益宏逮今伐文表如以山厭卵爾湖湘旣平豈有復假道而去耶不若早以疆土歸朝廷則荆楚免禍公亦不失富貴繼沖以爲然景威知計不行而嘆曰大事去矣何用生爲因扼吭而死景威歸州人也繼沖遣廷誦與其叔父保寅率牛酒來犒師且覘師之所爲師至荆門處耘見廷誦等待之有加廷誦喜馳使報繼沖以無虞荆門距江陵百餘里是夕廷誦召廷誦等宴飲於其帳處耘密遣輕騎數千偕道前進繼沖但俟保寅廷誦之還遽

宋師奄至師惶惑出迎遇處耘於江陵北十五里處耘檄繼冲令待延釗而率親兵先入登北門比繼冲與延釗俱宋師已分據衝要布列街巷矣繼冲大懼遂棄其三州十七縣十四萬二千三百戶率表來歸三州府縣也今荆州府屬

李處耘等益發兵日夜趨朗州周保權懼召觀察判官臨桂李觀象謀之觀象曰文表已誅而王師不遠必將盡取湖湘之地今高氏束手聽命晉齒既亡朗州勢不獨全莫若輒巾歸朝幸不失富貴保權將從之指揮使張崇富等不可乃相與為拒守計庚子荆南表至帝復命高繼冲為荆南節度使遣樞密承旨王仁贍赴荆南巡檢帝聞李景威之謀回忠臣也命仁贍厚卹其家帝遣使諭周保權及將校言大軍既拯爾難何為反拒王師自取塗炭保權不答遂進討之慕容延釗大破其軍於三江口遂取岳州三月張崇富等出軍澧州南與宋師遇未及戰望風先潰李處耘逐北至敷山寨賊聚寨走俘獲甚眾壬戌慕容延釗等入朗州擒崇富於西山下梟其首大將汪端刳周保權置江南岸僧舍處耘遣麾下將田守奇捕之端棄保權走守奇獲保權以歸湖南平凡得州十四監一縣六十六戶九萬七千二百八十八庚午命戶部侍郎呂餘慶權知澧州三江口即利北湖水入江處也敷山寨在澧州市州十四當作十五曰朗州衡連岳永辰道全邵界賊儲候敵也監一桂陽監也以華州國隸使張暉為鳳州國隸使兼西面行營巡檢張暉使暉前在華州治有善狀帝既誅李筠將事河東召暉入觀問以策暉曰澤潞藩鎮未起軍旅梓與民不堪命當俟庶庶後圖之帝慰勞遣還於是始謀伐蜀乃

徙隴鳳州隴縣得其山川險易審疏進取之計帝覽之甚悅

鳳州今屬隴入蜀咽喉也

以秦州關隴使楊英爲潭州防禦使南漢人數寇桂陽及江華英擊走之紹洞蠻獠自唐末之亂不供王賦頗恣侵掠爲居民患英帥兵深入窮其巢穴斬首百餘級餘黨散潰英悉令招誘貸其罪以已俸市牛酒宴犒賜金帛撫慰之夷落遂定

二年李繼勳等攻北漢遼州北漢告急於遼二月戊申朔遼州刺史杜延祐舉城降壬子遼主遣西南面招討使耶律達里舊作達里今改率六萬騎趨北漢敗繼勳兵於石州達里用兵貴簡信明得士卒心河東單弱不遠見吞併者達里有力焉先是遼主知達里沈厚多智有任重才卽位初卽擢南院大王達里在治所不修邊幅均賦役勸耕稼戶口豐殖時耶律烏珍爲北院大王與達里俱有政迹朝議以爲富民大王故遼主雖暴虐而境內粗安

乾德二年帝素謀伐蜀會蜀山南節度判官張延祐說知樞密院事王昭遠曰公素無勳業一旦位至樞密不自建立大功何以壽時論莫若通好并門令發兵南下我自黃花子午谷出兵應之使中原表裏受敵則關右之地可據而有也昭遠然其言勳即主遣孫繼瑨廖紹楊滿等以鐵丸兩背間行虢北漢主言已於褒漢增兵約北漢濟河同舉過等至都下廖紹潛取其書以獻廖紹興州人也有移昭遠者初以方伎事高氏於是爲翰林醫官帝數召問蜀中地理昭遠曰荆南即西川江南廣南都會也今已克此則水陸皆可趨蜀帝大悅後

數日得喜報所獻書笑曰吾西討有名矣并赦過國使指隴山川形勢戍守處所道里遠近得圖以進十一月甲戌命忠武節度使王全斌爲西川行營鳳州路都部署武信節度使孫彥進副之樞密副使王仁贍爲都監南江節度使劉光義爲歸州路副都部署樞密承旨曹彬爲都監合步騎六萬分路進討給事中沈義倫爲隨軍轉運使均州刺史曹翰爲西南轉運使帝諭行營所至毋得焚劫廬舍騷略吏民開發邱墳戮伐桑柘違者以軍法從事命將作司度右掖門南臨汴水爲蜀主治第以待其至乙亥全斌等辭宴於崇德殿帝出祖餞授全斌等因謂曰凡克城寨止籍其器甲芻糧悉以饋帛分給戰士吾所欲得者其土地耳蜀主聞有北師命王昭遠爲西南行營都統趙崇勳爲都監韓保正爲招討使李進爲副招討使帥兵拒戰蜀主謂昭遠曰今日之師卿所召也勉爲朕立功昭遠頗以方略自任始發成都蜀主命宰相李昊等饒之城外昭遠手執鐵如意指揮軍事自方諸萬亮酒酣攘臂謂昊曰吾此行何止克敵當領此二三萬雕面惡少兒取中原如反掌耳十二月辛酉王全斌等攻拔乾渠渡萬仞燕子等寨遂取興州敗蜀兵七千人獲軍糧四十餘萬斛蜀刺史鄭思綰退保西縣全斌又攻石陂魚關白水關二十餘寨皆拔之蜀韓保正聞興州破遂棄山南退保西縣馬軍都指揮使史延德以先鋒至保正懼懼不敢出遣兵數萬人依山背城結陣自固延德擊走之追擒保正及其副李進獲其糧三十餘萬斛孫彥進與馬軍都監唐延澤等逐北過三泉山遂至嘉州殺蜀軍燒絕棧道退保龍駒劉光義等入峽路連破松木三會巫山等寨殺其將南光海等死者五千餘人生擒戰梓都指揮使袁

德宏等奪戰艦二百餘艘又斬獲水軍六十餘衆初蜀於夔州鎖江爲浮梁上設敵棚三重夾江列砲具光義等行帝出地圖指其處謂光義曰沂江至此切勿以舟師爭戰當先遣步騎潛擊之俟其稍却乃以戰棹夾攻可必取也光義等至夔距鎖江三十里許舍舟先奪浮梁復引舟而上遂破州城頓兵白帝城西蜀甯江節度使高彥俦謂副使趙崇勗監軍武守謙曰北軍涉險遠來利在速戰宜堅壁待之守謙曰寇據城下而不擊又何待也戊辰守謙獨領麾下千餘人以出光義遣馬軍都指揮使張廷翰等引兵與守謙等戰於猪頭鋪守謙敗走廷翰等乘勝至其城拔之彥俦力戰不勝身被十餘槍左右皆散去彥俦奔歸府第整衣冠望西北再拜登樓縱火自焚後數日光義等得其骨於灰燼中以禮葬之王全斌以蜀人斷棧大軍不得進議取羅川路入蜀康延澤潛謂彥進曰羅川路險衆難並濟不如分兵修棧約會大軍於涪州也彥進遣白全斌全斌許之不數日關道成遂進擊金山寨又破小漫天寨而全斌亦以大軍由羅川至深渡與彥進會蜀人依江而陳彥進遣步軍都指揮使張萬友等繼之奪其橋會莫夜蜀人退保大漫天寨明日彥進延澤萬友分兵三道擊之蜀人悉其精銳來拒又大破之乘勝拔其寨擒寨主義州刺史王審超監軍趙崇凝及三泉監軍劉延祚大將王昭遠趙崇勗引兵來戰三戰三敗追奔至利州北昭遠等遁去渡枯柏津焚浮梁退保劍門王申晦全斌等入利州獲軍糧八十萬斛是月京師大雪帝設饗帳於講武殿衣紫貂裘觀事忽謂左右曰我被服如此體尚覺寒念西征將帥衝犯霜雪何以堪此卽解裘覆道中黃門馳驛賜全斌且諭旨諸將以不能遍及也

全斌拜賜感泣并門謂太原劉氏也黃花應縣在今鳳縣東北子午谷在洋縣褒城漢漢中中忠武軍許州武昌軍遣州南江軍義州興州今界志縣乾渠渡萬仞燕子等寨皆在其北石岡魚關白水關皆在沔縣西北西縣今沔縣西三泉在沔縣西南嘉州疑孟嘉所置治嘉牟縣在昭化州南取嘉陵江名也蓋明今廣元縣松木三會巫山等寨皆在巫山縣東羅川在廣元東南深渡在廣元北小漫天嶺之西嘉陵江上金山寨在小漫天西大漫天嶺在其南蜀無州未詳利州今廣元枯柏渡在其西南嘉陵江上劍門在劍州北

(三年)蜀主聞王昭遠等敗甚懼乃益募兵守劍門命太子元詰為元帥侍中李廷珪同平章事張惠安副之帶甲萬餘旗幟悉用文繡綴其杠以銳將發而雨元詰慮其沾濕悉令解去俄雨止復節之則皆倒懸杠上元詰又覺其姬妾及伶人數十以從見者莫不竊笑王全斌等自利州趨劍門次益光以劍門天險會議進取之策侍衛軍頭向賴曰得降卒言益光江東越大山數重有狹徑名來蘇蜀人於江西置櫓對岸可渡自此出劍門南二十里至青鹽店與官道合若大軍行此路則劍門之險不足恃也全斌等即欲卷甲赴之康延澤曰蜀人數戰數敗膽氣奪矣可急攻而下也且來蘇狹徑主帥不宜自行但可遣一偏將往耳若抵青鹽北與大軍夾擊劍門昭遠等必成擒矣全斌等然之命史延德分兵趨來蘇跨江為浮梁以濟蜀人見之棄寨而遁延德遂至青鹽王昭遠引兵退駐漢原坡留其偏將守劍門全斌等以銳兵奮擊破之及漢原趙崇韜布陳策馬先登昭遠據胡床不能起崇韜戰敗猶手斬數人乃被執昭遠免胄棄甲而逃甲戌全斌等遂取劍州殺蜀軍萬餘人昭遠投東川閬民會為追騎所獲蜀太子元詰與李廷珪等日夜嬉遊不恤軍政至縣州聞劍門已被將退保東川翼日棄軍西奔所過盡焚其廬舍倉廩乃去蜀主知劍州已破元詰亦奔還惶駭不知所為問左右

計將安出有老將石韋頽者對曰東兵連來勢不能久請聚兵堅守以弊之蜀主嘆曰吾父子以豐衣美食養士四十年一旦遇敵不能為吾東向發一矢今雖欲閉壁誰肯效死者李吳勸蜀主封府庫以請降蜀主從之因命吳草表遣伊審微奉降表詣軍前初前蜀之亡也降表亦吳所為蜀人夜書其門曰世修降表李家王全斌等次魏城伊審微以蜀主降表至全斌受之遣通事會人田欽祚乘驛入奏又遣康延澤趨成都見蜀主諭以恩信慰撫軍民初劉光義等發夔州萬施開忠遂等州刺史皆迎降光義入城盡以府庫錢帛給軍士諸將所過咸欲屠戮獨曹彬禁之乃止故峽路兵始終秋毫無犯帝聞之喜曰吾任得其人矣賜彬詔褒之辛卯王全斌至升仙橋蜀主備亡國之禮見於軍門全斌承制釋之孟昶降表以其先人墳墓及老母為請帝優詔答之并諭西川將吏百姓使皆安堵自全斌等發京師至昶降纔六十六日凡得州四十六縣二百四十戶五十萬四千二十九

益光即益昌後唐避諱更名即廣元也來蘇皆在劍州東南七十里漢原城在劍州東三十里魏城在綿州東北州四十六者益蜀彭嘉岷眉綿漢資簡梓遂黎雅陵瀘維茂昌榮果關

渠合龍普興利文巴劍遂豐樂忠萬集開渝涪黔施達洋戎興元也

全斌既平蜀欲乘勢取雲南以圖獻帝鑒唐天寶之禍起於南詔以玉斧畫大渡河以西曰此外非吾有也全斌等入成都後數日劉光義等始至孟昶餽遺光義等及犒師之禮並如初已而詔書頒賞諸軍亦無差降兩路將士爭功始相疾矣先是全斌受詔每制置必與諸將僉議因是雖小事亦各為異同不能即決全斌及崔彥進王仁贍等日夜宴飲不恤軍務縱部下擄掠子女貨財蜀人苦之曹彬屢請旋師全斌等不聽二月癸卯

命參知政事呂餘慶權知成都府樞密直學士馮瓊權知梓州餘慶至成都時盜四起將士獨恃功驕恣王全斌等不能禁一日藥市始集街吏馳報有軍校被酒持刃奪賣人物餘慶立命捕斬之以徇軍中畏服民乃甯居瓊至梓州視事繼數日會僞蜀軍校上官進嘯聚亡命三千餘衆剽劫民數萬夜攻州城瓊曰此烏合之衆乘夜奄至必無固志宜持重以鉏之且自潰矣城中兵止三百分守諸門瓊坐城樓密令促其更籌未夜分擊五鼓賊驚遁去因縱兵追之擒進斬於市招降千餘人並釋其罪州境遂安丙午以西師所過民有調發供億之勞賜秦鳳隴成階襄荊南房均等州今年夏租之半安復鄧州光化漢陽軍十之二居坊郭者勿輸半年屋稅

大渡河在清溪縣南時入滇率由此入也

初詔發蜀兵赴闕並優給裝錢王全斌等擅減其數仍縱部曲侵掠之蜀兵憤怨行至緜州遂作亂劫閬縣以叛推蜀將全師雄爲帥衆至十餘萬號興國軍全斌遣馬軍都監朱光緒往招撫之光緒盡滅師雄之族納其愛女及竄裝師雄怒遂無歸志引衆急攻緜州不克攻破彭州入據之成都十縣皆起兵應師雄師雄自號興蜀大王開募府置節度二十餘人分據要害程彥進高彥暉等分道攻討爲師雄所敗彥暉戰死賊衆益熾師雄分兵斷劍閣緣江置寨聲言欲攻成都自是隨師雄爲亂者一十七州郵傳不通全斌等大懼彭州今自唐天寶以來方鎮屯重兵多以賦入自贍名曰留使留州其上供秣鮮五代方鎮益驩率令部曲主場院厚斂以自利其屬三司者補大吏臨之輸額之外輒入己或私納貨賄名曰貢奉用冀恩賞帝始卽位獨循前制

牧守來朝皆有貢奉及趙普爲相勸革去其弊申命諸州度支經費外凡金帛以助軍實悉送都下無得占留又方鎮關帥稍命文臣權知所在場院間遣京朝官廷臣監臨復置轉運使爲之條禁文簿漸爲精密由是利歸公上而外權削矣建隆初貢賦悉入左藏庫及取荆湖下西蜀儲積充足帝顧左右曰軍旅饑饉當豫爲之備不可臨事厚斂於民乃於講武殿後別爲內庫以貯金帛號曰封樞庫凡歲終用度贏餘之數皆入焉

初孟昶母李氏隨昶至京師帝數命肩輿入宮謂之曰國母晉自愛無戚若懷鄉土異日當送母歸李氏曰使妾安往帝曰歸蜀耳李氏曰妾家本太原倘獲歸老并門妾之願也時帝已有北征意聞其言喜曰朕平劉鋹卽如母所願因厚加賞賜及昶卒李氏不哭舉酒酹地曰汝不能死社稷食生至今日吾所以忍死者爲汝在耳今汝既死吾安用生因不食數日而死

劉光義曹彬等屢破全師雄賊鋒稍削未幾虎捷指揮使呂翰又以嘉州叛與師雄僞署將劉澤合衆至五萬殺運刺史通判曹彬率兵會仁贍等圍翰於嘉州翰棄城走追襲大破之殺戮數萬人翰走保雅州帝聞西川行營有大校剽民妻乳而殺之者亟召至闕斬之都市近臣營救頗切帝因流涕曰興師弔伐婦人何罪而殘忍至此當速置法以償其冤

嘉州今嘉定府雅州在其西北

詔以西川兵馬都監康延澤爲普州刺史延澤詣王全斌請兵護送全斌才給以百人延澤至簡州招集逃亡凡得千餘人教習戰陳擁以去及賊境揭示威信所招集又得三千人遂破劉澤三萬餘眾賊勢稍沮延澤入

普州先是州城悉被焚劫乃依山設棚且行且戰取棚於遂州復城普州既而劉渾領眾來降詔以延渾無東

川七州招安總檢使

普州今安岳縣在
遂州南備州東

(四年)丁德裕同西川兵馬都監張通通帥師破賊擒其僞都統康祚璣於市延渾縣城人也康延渾既城普
州王可儉復合數州兵來攻延渾擊走之追奔至合州全師雄病死金堂德裕及王全斌等分往招輯賊眾悉

平

合州今屬重慶府
金堂縣屬成都府

(五年)蜀臣民請開王全斌王仁贍彥進等破蜀時請不法事於是諸將同時召還仁贍先入見帝請之
仁贍歷陳諸將過失冀自解免帝曰納李廷珪妓女開鹽運庫取金員此豈諸將所為邪仁贍惶恐不能對帝
以全斌等新有功不欲付吏令中書門下追仁贍及全斌彥進與訟者證凡所取受贓沒共錢六十四萬六
千八百餘貫而蜀宮珍寶及外府他藏不籍籍者不與焉并按以擅克削兵士裝錢殺降致寇之由全斌仁贍
彥進皆具伏令御史臺集百官於朝堂議全斌等罪百官言三人法當死帝特赦之初王仁贍歷陳諸將獨曰
清廉畏謹不與陛下任使者惟曹彬一人耳帝於是性彬特優彬入辭曰諸將俱獲罪臣獨受賞何以自安帝
曰卿有功無過又不自矜伐苟爾繼芥之眾仁贍豈為卿隱邪彬勸國之常典可無辭也

以西川轉運使沈義倫為戶部侍郎充樞密副使初義倫隨軍入成都獨居佛寺蔬食蜀臣有以珍異奇巧
之物獻者皆却之東歸隨中所有圖書數卷而已帝嘗從容問曹彬官吏賢否彬曰臣止監軍放至於采察官

更非所知也固問之曰曩倫可任帝亦聞曩倫清節過人因擢用之

以前安國節度使張美爲橫海節度使美至滄州久之有告其驕取民女爲妾又略民錢四千餘緡帝召告者詰之曰張美未至滄州安否對曰不安既至何如曰無復兵寇帝曰然則美之有造於滄州大矣朕不難黜美但念汝滄州百姓耳因命官爲給直還其女復賜美母錢萬緡使謂美曰乏錢當從朕求勿取於民也美懼

恐折節爲廉謹未幾以政績聞

橫海軍今滄州

〔開寶元年〕帝自卽位數出微行或過功臣家趙普退朝不敢脫衣冠一夕大雪向夜普關叩門聲甚急出則帝立雪中普皇恐迎拜帝曰已約吾弟矣已而開封尹光義至卽普堂中設重榻地坐熾炭燒肉普與行酒帝以嫂呼之普從容問曰夜久寒甚陛下何以出帝曰吾睡不能著一榻之外皆他人家也故來見卿普曰陛下小天下邪南征北伐今其時也願開成算所向帝曰吾欲取太原普默然良久曰非臣所能知也帝問其故普曰太原當西北二邊使一舉而下則邊患我獨當之何不姑留俟削平諸國彼彈丸黑子將何所逃帝笑曰吾意政爾姑試卿耳因謂普曰王全斌平蜀多殺人吾今思之猶耿耿不可用也普薦曹彬潘美可用後悉從其言帝嘗因北漢界上驛者謂北漢主曰君家與周氏世仇宜其不屬今我與爾無所聞何爲因此一方人也若有志中國寧下太行以決勝負北漢主遣驛者復命曰河東土地甲兵不足當中國之十一區區守此舊懷漢室之不血食也帝哀其言笑謂驛者曰爲我語劉鈞開爾一路以爲生故終其世不以大軍北伐

北漢主繼恩與郭無備事欲絕之而宋果繼恩置酒宴諸大臣及宗子飲罷以關中供奉官侯霸榮以刃堪其胸殺之無爲遣兵以梯登屋入殺霸榮并其黨迎立繼恩弟太原尹繼元或謂無備實使霸榮作亂詎謂霸榮以賊口故人無知者繼元始立宋師已入其言乃亟遣使上表於遼且請兵爲援又遣侍衛都虞候劉繼業馬進珂領軍扼關柏谷以將作監馬峰爲樞密使監其軍至河過河與李繼勳等遇何繼筠以先鋒擊破之斬首二千餘級高其將張瓌石斌等汾河橋傳太原城下焚延夏門繼元遣殿直都知郭守斌領內直兵出戰又敗守斌中流矢退入城中

關柏谷在鄆縣河過河在榆水

二年二月乙卯帝幸彬堂進等各領兵先赴太原戊午詔親征彰德節度使韓重寶來朝帝謂之曰契丹知我是行必率衆來援彼意鎮定無備將由此路入卿可爲朕領兵借道兼行出其不意破之乃以重寶爲北面都部署車駕次潞州以霖雨駐蹕時諸州餽餉畢集城中車乘塞路帝聞之以爲非理稽留將罪轉運使趙普曰大師方至而轉運使獲罪敵人聞之必謂儲備不充非所以威遠之道但當擇治劇者洺州此州耳丙子命王祐權知潞州祐帥發遣車乘行路無阻北漢劉繼業馬進珂屯於關柏谷遣衙隊指揮使陳廷山領數百騎來偵邏會李繼勳等前軍至廷山帥所部降繼業進珂知衆寡不敵亦奔還晉陽北漢主繼恩其兵柄繼勳等遂圍城帝駐蹕潞州凡十有八日獲北漢驛者問之對曰城中民糧盡久矣日夜望車駕恨其遲耳帝笑給衣服繼之三月壬辰發潞州戊戌次太原庚子觀兵於城南始命築長連城辛丑臨汾河作新橋帝至城東南命築

長堤澠汾水先是有欲增兵攻城者左神武統軍陳承昭進曰陛下自有數千萬兵在左右何不用也帝未痛承昭以馬策指汾水帝大笑因使承昭董其役丙午決晉祠水灌城丁未命李繼勳軍於城南趙贊軍於西營彬軍於北營進軍於東爲四塞以逼之北漢人乘勝夾門潛犯西寨趙贊率衆與戰弩矢貫贊足未退時贊進遣東寨都監李繼博伐木西山以給軍用賊聞鼓聲即引所部兵赴之北漢人乃退帝遽至戰所怪赴援者非精甲問之則賊博也甚悅劉繼業復以突騎數百犯東寨贊挺身逐繼業麾下數人隨之繼業走匿壩中北漢兵出援之繼業緣繩入城獲免初棣州防禦使何繼筠爲石嶺關部署屯陽曲帝聞邊兵分道來援北漢其一自石嶺關入乃驛召繼筠詣行在所授以方略并給精兵數千使往拒之且謂繼筠曰翌日亭午俟卿捷奏至也時已盛夏帝命太官設麻漿粉餌繼筠食訖辭去戰於陽曲縣北大敗邊兵禽其武州刺史王彥符斬首千餘級繼筠遣子承睿來獻捷承睿未至帝登北臺以俟見一騎自北來逆問之乃承睿也北漢陰恃遠援城久不下帝以所獻首級示之城中人氣奪五月戊寅遣分兵由定州來使韓重寶陳於嘉山以待之遣人見旗幟大駭欲遁去重寶亟擊之大破其衆癸未使來告捷帝大喜手詔褒之甲申帝臨城北引汾水入新堤灌其城戊子臨城東南命水軍乘小舟載礮弩進攻其城內外馬步軍都軍頭王廷藝親鼓之竟宵先登流矢中其腦而殞庚寅賊卒辛卯殿前都指揮使都虞候石漢卿亦中流矢溺死丁酉帝幸城西命諸軍攻其西門遣偏師圍冀州賊宏信感帝降太原國公郭無爲謀出奔因請自將出關北漢主信之選精甲千人命劉繼業

郭守斌爲之副北漢主登延夏門自送之且待其反會夜雨晦冥無爲行至北橋駐馬召諸將繼業以馬傷足先收所部兵入城守斌迷失道呼之不獲無爲不能獨前乃與麾下數千人亦還闕月戊申太原南城爲汾水所隔水穿外城注城中中大驚擾帝臨長堤觀焉水口漸闊北漢人緣城設障爲宋師所射障不得施俄有積草自城中輒出直抵水口而止宋師弩矢不能徹北漢人因以施功水口遂塞郭無爲復勸北漢主出降北漢主不聽闕人衛德貴極言無爲反狀明白不可赦北漢主殺之以徇城中稍定北漢人俄自西長連城潛出將焚攻戰之具宋師擊走之斬首萬餘級夜半忽傳呼壁外云北漢主降帝令衛士環甲將開壁門入作使趙璘曰受降如受敵詎可夜半輕諾乎帝使問之果謀者詐爲也已四帝臨城南命水軍乘輕舟焚其門太原城久不下都指揮使李懷忠率衆攻之戰不利中流矢幾死殿前都虞候趙廷翰率諸班衛士叩頭願先登急擊以盡死力帝曰汝嘗嘗吾所訓練無不一當百所以備肘腋同休戚也我甯不得太原豈忍驅汝曹冒鋒刃蹈必死之地乎衆皆感泣時大軍頓甘草地中會暑雨多被腹病會遼道北院大王烏珍舊作國今改自白馬嶺率勁卒夜出間道疾馳駐太原西鳴鼓舉火北漢賴以自固太常博士李光贊言於帝曰陛下戰無不勝謀無不臧四方恃險之邦僭竊帝王之號者昔與中國爲鄰今與陛下爲臣矣曩爾晉陽豈須親討重勞飛輓取怨黔黎得之未足爲多失之未足爲辱國家貴靜天道惡盈所慮向來恃險之邦固是役也竭府庫之財盡生民之力中心踴躍各有窺覷傳曰鄰之厚君之薄也豈若回鑾復都屯兵上黨使夏取其麥秋取其禾既寬力役之征

便是蕩平之策惟陛下裁之帝覽奏甚喜復問趙普普亦以爲然始譚瑋師徙太原民萬餘家於山東河南給粟分命使者十七人發禁軍護送之因屯於鉅潞等州用絳人薛化光策也化光言伐木先去枝葉後取根柢今河東外有契丹之助內有人戶賦輸竊恐歲月閒未能下宜於太原北石嶺山及河北界西山東靜陽邨樂平鎮黃澤關百井社各建城寨扼契丹援兵起其部內人戶於西京襄鄧唐汝州給閒田使自耕種絕其供饋如此不數年間自可平定帝嘉納之

長連城關城壘也晉祠水晉水也出太原縣西南懸壘山東入汾石嶺關在陽曲縣東北百二十里并代雲朔要衝也嘉山在曲陽縣東十里靜陽

村梅并樂平俱在樂平縣黃澤關在遼州東

是月北漢主決城下水注之憂貽澤水已落而城多摧圯遼使者韓知範猶在太原歎曰宋師之引水浸城也知其一而不知其二若知先浸而後涸則并人無類矣時遼南院大王耶律色珍率援師屯於太原城下劉繼業言於北漢主曰契丹貪利棄信他日必破吾國今救兵驕而無備願襲取之獲馬數萬因籍河東之地以歸中國使晉人免於塗炭陛下長享富貴不亦可乎北漢主不從數日色珍北還贈遺甚厚

襄陽澤在太原城南

靈武節度使馮繼業殺兄代父領鎮頗驕恣戎人不附又撫士卒少恩部下多攜貳朝譚擇可使代馮繼業者時考功郎中段思恭知泗州帝以思恭常有功眉州乃召赴闕命知靈州先詔之曰馮繼業言靈州非蕃帥主之戎人不服雖衛霍名將必見逐矣意謂非我他人不能治也汝能治之乎思恭曰謹奉詔帝壯之又謂曰唐李靖郭子儀皆出儒生立大功豈我朝獨無人邪厚賜遣之仍以途涉諸戎令別齎金帛以遺之思恭既視事

矯繼業之失悉心緩機事安靜國訪利病多所條奏甚得吏民之情

武今靈州

(三年)雄州刺史侯仁矩奉帝特遣中使護喪官給葬事仁矩子延廣亦有勇略仁矩在雄州日方飲宴忽數千騎入城居民驚擾延廣引親信數騎馳出射殺部長一人斬首數級悉禽其餘黨仁矩喜拊其背曰與吾門

者必汝也事聞詔賜錦袍銀帶

雄州今雄縣

以忠正節度使王審琦為忠武節度使審琦鎮壽春凡八年歲得租課量入為用未嘗有所誅求民頗安之所部邑令以罪停其錄事史幕僚白令不先詣府請案之審琦曰五代以來諸侯疆橫令宰不得專縣事今天下

治平我忝守藩維而部內宰能斥去黠吏誠可賞也何案之有

史言審琦知治體

以隰州刺史李謙溥為濟州國練使謙溥在隰州十年敵人不取犯其境有招收將劉進者勇力絕人謙溥撫之甚厚常往來境上以少擊衆北漢人患之為蠟丸書以間進伴遺其書道中晉州節度使趙贊得之以聞帝令械進送闕下謙溥召詰其事進伏於庭請死謙溥曰我以恩宗四十口保汝矣即上言進為北漢人所逼此乃反間也奏至帝悟遠釋之賜以禁軍都校戎帳服具進感激願擊賊自效帝審命有司為洛州防禦使郭進治第凡庭堂悉用甃瓦有司言惟親王公主始得用此帝怒曰郭進控扼西山逾十年使我無北顧憂我視進豈滅兒女邪亟往督役勿妄言帝寵異將帥類此故能得其死力

史言帝善將

南唐主復作書諭南漢主銀鐔中國銀鐔得壽大怒驛書答南唐主甚不遜南唐主以其書來上帝始決意伐之

九月己亥朔以潭州防禦使潘美爲賀州道行營兵馬都部署朗州團練使尹崇珂副之道州刺史王繼勳爲行營兵馬都監仍遣使發諸州兵赴賀州城下潘美等克富州先是南漢將多以醜死宗室翦滅殆盡羣兵惟宦者數輩城壁壞隳俱飾爲宮館池沼樓艦器甲輒腐敗不治及師次白霞賀州刺史陳守忠遣使告急內外震恐南漢主遣龔澄樞馳驛往賀州宣慰時士卒久在邊多貧乏聞澄樞至以爲必加賞賚而澄樞出空詔撫諭衆皆解體宋師前鋒至芳林澄樞惶懼乘輕舸遁歸癸丑聞賀州南漢主召大臣議皆請以潘崇徹將兵禦之崇徹自罷兵柄常怏怏於是辭以目疾南漢主怒曰何須崇徹伍彥柔獨無方略邪遂使彥柔將兵來援宋師聞彥柔至退二十里潛以奇兵伏南鄉岸彥柔夜泊南鄉遲明挾彈登岸據胡牀指揮而伏兵猝起彥柔衆大亂死者十七八彥柔斬之梟其首以示城中城中人猶堅守弗下隨軍轉運使王明言於潘美曰授兵將至當急擊之諸將頗猶豫明乃率所部腹送輜重卒百餘人丁夫數千舂鉦皆作堙其聲直抵城門城中人大懼開門以納遂克賀州潘美等聲言順流趨廣州南漢主憂迫計無所出乃加潘崇徹爲內太師馬步軍都統領衆三萬屯賀江會宋師徑趨昭州崇徹但擁衆自保而已冬十月辛卯潘美等破南漢開建寨殺數千人禽其將新暉昭州刺史田行樞棄城還桂州刺史李承珪亦奔還遂取昭州桂州帝覽桂陽監歲入白金數謂宰相曰山澤之利雖多頗聞采納不易詔減額三分之一以寬民力

富州今昭平縣白霞在富州縣南百二十里芳林在賀縣北南鄉在賀縣南開

初遼聚大萬騎攻定州命判四方館事田欽祚領兵三千禦之帝謂欽祚曰彼衆我寡但背城列陣以待之敵至卽戰勿與追逐欽祚與遼戰於滿城遼騎小卻乘勝至遂城欽祚馬中流矢而踣騎士王超以馬授欽祚軍復振自旦至晡殺傷甚衆夜入保遂城遼人圍之數日欽祚度城中糧少整兵開南門突圍一角出是夕至保寨軍中不亡一矢北邊傳言三千打六萬衆奏至帝喜謂左右曰契丹數入寇邊我以二十四緡購一契丹人首其精兵不過十萬人止費二百萬緡則敵盡矣自是益修邊備

遂城在安肅縣保寨軍今消縣縣

師克連州南漢招討使盧收率其衆退保清遠南漢主閻之謂左右曰昭桂連賀本屬湖南今北師取之足矣其不復南也潘美等長驅至韶州南漢都統李承渥領兵十餘萬屯蓮華峯下教衆爲陳每象戰十數人皆執兵仗戰則置陳前以壯軍威美盡索軍中勁弩射之象奔踴乘者皆墜反踵承渥軍軍大敗承渥僅以身免遂取韶州禽其刺史辛延渥及諫議大夫鄒文遠延渥聞道遣使勸南漢主迎降觀軍器使李託深沮其議國中震恐南漢主始命監東壕爲拒守計願諸將無可使者宮嬪梁贊其養子郭崇岳可用乃以爲招討使與大將植廷曉統衆六萬屯馬廐列柵以抗宋師崇岳無謀勇惟日禱於鬼神而已

韶州今平樂桂州今桂林實州今賀縣蓮華峯一作蓮華

峯在韶州南五里馬廐在廣州北六里卽馬鞍山

是冬南唐南都留守建安林仁肇密表言淮南諸州戍兵各不過千人宋朝前年滅蜀今又取嶺表往返數千里師旅罷敝願假臣兵數萬自壽春北渡徑據正陽因思舊之民可復江北壽境彼縱來援臣據淮對壘而禦

之勢不能敵兵起之日請以臣舉兵外叛聞於宋朝事成國家享其利敗則族臣家明陛下無二心南唐主懼不敢從初宜春人盧絳詣樞密使陳喬獻言喬吳之擅沿江巡檢召募亡命習水戰屢要吳越兵於海門魏舟艦數百嘗說南唐主曰吳越仇讎也他日必爲北朝鄉導犄角攻我當生滅之南唐主曰大朝附庸安敢加兵絳曰臣請詐以宣歙州叛陛下聲言討伐且乞兵於吳越兵至拒擊臣驕而攻之其國必亡南唐主亦不能用

史言南唐之亡非由無信

(四年)潘美克英雄二州南漢都統潘崇徹來降潘美師次瀧頭南漢主遣使請和且求緩師瀧頭山水險惡潘美等疑有伏兵乃挾其使而速度諸險甲子至柵口乙丑至馬逕屯雙女山直瞰郭崇岳柵游騎數出挑戰崇岳不從但堅壁自守而已南漢主取船船十餘艘載金寶妃嬪欲入海未及發宦官樂範與衛兵千餘盜船船以走南漢主懼乃遣右僕射蕭灌中書舍人卓惟休奉表詣軍門乞降潘美卽令部送赴闕灌等不反南漢主益懼復令崇岳戒嚴二月丁卯朔又遣其弟禎王保興率國內兵來拒植廷曉謂崇岳曰北軍乘席卷之勢其鋒不可當吾士旅雖衆然皆傷痍之餘今不驅策而前亦坐受其斃矣庚午廷曉乃領前鋒據水而陳令崇岳殿後禦其奔衝旣而宋師濟水廷曉力戰不勝遂死之崇岳奔還其柵美謂王明曰彼編竹木爲柵若篝火焚之必擾亂因而夾擊之此萬全之策也遂分遣丁夫各持二炬間道造其柵及夜萬炬俱發會天大風煙埃益起南漢兵大敗崇岳死於亂兵保興逃歸龔澄樞李託與內侍中薛崇譽等謀曰北軍之來利吾國中珍寶

耳今盡焚之使得空城必不能久駐當自退也乃縱火焚府庫宮殿一夕皆盡辛未師至曰田南漢主素服出降潘美承制釋之遂入廣州俘其宗室官屬九十七人與南漢主皆繫於龍德宮保與初置民間後乃獲之有聞人百餘輩盛服請見美曰是祿人多矣吾奉詔伐罪正為此等命悉斬之美以露布告捷己丑至京師庚寅羣臣稱賀遂賜宴凡得州六十縣二百十四戶十七萬二百六十三英州今英德雄州今南雄瀘頭在英德南北八十里雙女山在廣西十七里東即白田寨舊田也六十州者廣韶潮循英雄連封端惠康清勳興新高潯雷羅解桂賓昭梧蒙蒼象富融宜柳嚴澄資鬱賓賓欽潯容牢白康肅廉廣實義順瓊萬振崖萬安思唐也

初帝征晉陽命塞州防禦使馬仁瑒率眾巡邊至上谷漁陽遼人素聞其名不敢出因縱兵大掠而還明年羣盜周弼等起兗州紹仁瑒掩擊仁瑒領帳下十數人入泰山禽弼盡獲其黨徙仁瑒為瀘州防禦使仁瑒兄子因醉誤殺平民繫獄當死民家願以過失傷論仁瑒曰我為長吏而兄子殺人此乃恃勢恣橫非過失也豈敢以私親而亂國法哉遂論如律

初帝擇孟昶親軍習兵馬者百餘輩為川班內殿直廩賜優給與御馬直等至是郊禮畢行賞帝以御馬直廩從特命增給錢人五千而川班內殿直不得如例乃相率擊登聞鼓陳乞帝怒遣中使諭曰朕之所與即為恩澤又安有例哉命斬其妄訴者四十餘人餘悉配隸許州遂廢其班時內臣有左飛龍使李承進者逮事後唐帝問曰莊宗以英武定中原享國不久何也承進曰莊宗好畋獵務姑息將士每出次近郊禁兵衛卒必控馬

首告兒郎望寒冷望與救接莊宗卽隨其所欲給之蓋威不行賞賚無節也帝撫髀歎曰二十年來河戰爭得天下不能用軍法約束此輩縱其無厭之求以茲臨御誠爲兒戲朕今撫養士卒固不吝惜爵賞若犯吾法惟有劍耳

(五年)江南林仁肇有威名中朝忌之潛使人畫仁肇像懸之別室引江南使者觀之問何人使者曰林仁肇也曰仁肇將來降先持此爲信又指空館曰將以此賜仁肇國主不知其間煥殺仁肇陳喬獻曰國勢如此而殺忠臣吾不知所稅駕矣

初江南人樊若水舉進士不中第上書言事不報遂謀北歸先釣魚采石江上用小舫載綵繩維於南岸而疾棹抵北岸以度江之廣狹凡數十往反而得丈尺之數遂詣闕自言有策可取江南帝令送學士院試賜及第授舒州團練推官若水啟帝以老母及親屬皆在江南恐爲李煜所害願迎至治所帝卽詔國主護送國主聽命詔若水爲贊善大夫且遣使詣荆湖如若水之策造大艦及黃黑龍船數千艘

(七年)命潁州團練使曹翰領兵先赴荆南遣使召李煜入朝擇取臣可遣者以左拾遺知制誥李穆使江南穆至諭旨國主將從之陳喬曰臣與陛下同受元宗顧命今往必見留其若社稷何臣雖死無以見元宗於九泉矣張洎亦勸國主無入朝國主遂稱疾固辭且言諸事大國者蓋望全濟之恩今若此有死而已穆曰朝與否國主自處之然朝廷兵甲精銳物力雄富恐不易當其鋒宜熟計之無貽後悔使還具言其狀帝以爲所諭

要切帝幸迎春苑登汴隄發戰艦東下又幸東水門發戰艦東下曹彬與諸將入辭帝謂彬曰南方之事一以委卿切勿遽掠生民務廣威信使自歸順不須急擊也且以匣劍授彬曰副將而下不用命者斬之潘美等皆失色自王全斌平蜀多殺人帝每恨之彬性仁厚故事任爲曹彬等自衡陽過江破峽口寨初宋師直趨池州緣江屯戍皆謂每歲朝廷所遣兵皆閉壁自守遣使奉牛酒來犒師等覺異於他日池州守將戈彥達棄城走聞月己酉曹彬等入池州先是帝遣八作使郝守濬率工匠自荆南以大艦載巨竹緇并下朗州所造黃黑龍船於采石磯跨江爲浮梁先試於石牌口既成命前汝州防禦使靈邱陸萬友往守之丁巳曹彬等及江南兵戰於銅陵敗之獲戰艦二百餘艘生擒八百餘人壬戌曹彬等至當塗進軍判官魏羽以城降宋宋師先拔蕪湖又拔當塗遂屯采石磯丁卯曹彬等敗江南二萬餘衆於采石生擒馬步軍副都署楊收兵馬部監孫震等又獲戰馬三百餘匹十一月詔移石牌鎮浮梁於采石磯繫纜三日而成不差尺寸大兵過之如履平地己丑知漢陽軍李恕敗江南鄂州水軍三千餘人獲戰艦四十餘艘甲午曹彬等敗江南兵於新寨獲戰艦三十艘鄭彥華杜真與宋師遇真以所部先戰彥華擁兵不救真衆大敗十二月金陵始戒嚴下令去開寶之號公私記籍但稱甲戌歲益募民爲兵民以財及粟獻者官爵之丁未漢陽兵馬監押甯光祚敗鄂州水軍於江北岸吳越王俶率兵圍常州己酉曹彬敗江南軍於白蠡洲癸亥吳越兵拔利城皆丙寅曹彬等破江南兵於新林港口吳越王俶敗江南兵於常州北境

利南利州也居長江上游故使赴以會師汴隄在開封府城北戰艦巨由汴水東水門宜爲營濟水門惠民河通也戰艦小故由蔡河駛

口寨在興國州江濱石門口在懷甯縣西九十里新寨當依宋史作新竹寨彬已過采石而下至
今江南縣銅井鎮也利城寨在常州南白鳳洲在江南縣西南江中新林港在江濱今曰西善橋

〔八年〕正月樞知池州樊若水敗江南兵四千人於州界初曹彬等師未出帝命王明爲黃州刺史密授方略
明既視事亟修葺城壘訓練士卒至是以明爲池州至岳州江路巡檢戰棹都部署辛巳明遣兵馬都監武守
謙等渡江敗江南兵於武昌拔樊山寨是日行營左廂戰棹都監田欽祚敗江南兵於溧水江南都統李雄謂
諸子曰吾必死於國難爾曹勉之父子八人皆沒於陳庚寅曹彬等進攻金陵行營馬軍都指揮使李漢瓊率
所部渡淮南取巨艦實以葭葦順風縱火攻其水寨拔之初次秦淮江南兵水陸十餘萬背城而陳時舟楫未
具潘美率所部先濟大兵隨之江南兵大敗江南復出兵將汭流奪采石浮梁美旋擊破之二月癸丑曹彬等
敗江南兵於白鷺洲乙卯拔昇州關城守陣者皆遁入其城內三月庚寅曹彬等敗江南兵於江中乙巳王明
敗江南兵於江州癸丑吳越兵圍常州刺史禹萬成拒守大將金成禮劫萬成以其城降曹彬等敗江南兵於
秦淮北丁酉王明破江南兵於武昌初陳喬張洎爲江南國主謀請所在堅壁以老宋師宋師入其境國主弗
憂也日於後苑引僧道誦經講易不卹政事軍書告急皆莫得通師傳城下累月國主猶不知時宿將皆前死
神衛統軍都指揮使烏甫繼勳者暉之子也年尙少國主委以兵柄繼勳素驕初無效死意但欲國主速降
而口不敢發每與衆云北軍強勁誰能敵之聞兵敗則喜見顏色曰吾固知其不勝也偏裨有募敢死士欲夜
出營邀戰者繼勳鞭其背而拘之由是衆情懷怒是月國主自出巡城見宋師列柵城外旌旗滿野知爲左右

所敵始驚懼乃收繼勳付獄殺之軍士爭鬪其肉頃刻都盡繼勳既死凡兵機處分皆自澄心堂宣出寶消等專之也於是遣使召神衛軍都虞候朱全寶以上江兵入援全寶擁十萬衆屯湖口諸將請乘江漲速下全寶曰我今前進敵人必反據我後戰而捷可也不捷糧道且絕奈何乃以書召南都留守柴克貞使代鎮湖口克貞以病遷延不行全寶亦不敢進國主累促之全寶不從丁卯曹彬等敗江南兵於城下初江南捷書至邸吏督李從鎰入賀潘慎修以爲國且亡當待罪何賀也自是羣臣稱慶從鎰卽表奏請罪帝嘉其得體遣中使慰撫供帳牢饌悉從優給壬午復命李穆送從鎰還國手詔促國主來降且令諸將緩攻以待之

樊山在武昌縣西

淮南秦淮南也廣沈淮南西也昇州關即大關在江甯縣東虹橋西北秦淮北今上新河地

左司員外郎權知揚州侯陟受賊不法爲部下所訟追赴京師陟素習多知政事慮多逼私遣人求哀時金陵未拔帝以南土卑濕秋暑軍多疫議令曹彬等退屯廣陵休士馬爲後圖多逼爭不能得會陟新從廣陵來多逼教令上急遣旨江南事陟時被病帝令皇城卒掖入見卽大言江南平在旦夕陛下奈何欲罷兵願急取之臣若誤陛下願夷三族帝屏左右召升殿問狀遠耀前謝赦陟罪不治初江南間有宋師國主以京口要害擢素所親信侍衛都虞候劉澄爲潤州留後臨行謂曰卿未合離孤孤亦難與卿別但此行非卿不可澄泣涕辭隨盡羣金玉以往謂人曰此皆前後所賜今當散此以圖勸業國主聞之喜及吳越兵初至營壘未成左右請出兵掩之澄不肯國主尋命閩波都虞候盧絳引所部舟師八千來援時澄已通降款徐謂絳曰聞君言都城

受圍日久若都城不守此何爲緣亦知城終陷遂潰圍而出戊寅澄帥將吏開門請降潤州平李從鎰至江南諭帝旨國主欲出降陳喬張洎以爲城守甚固北軍旦夕當自退國主乃止李穆還帝復命諸將進兵及潤州平外國愈急始謀遣使入貢求緩兵道士周惟簡常以冠褐侍講周易於是張洎薦惟簡與修文館學士承旨徐鉉同使京師時國主方督朱全賢舉湖口兵入援謂鉉曰汝既行卽當止上江援兵鉉曰臣此行未必有濟城中所恃者援兵耳奈何止之國主曰方求和而復召兵汝豈不危鉉曰當置臣於度外耳國主泣下又親寫十數紙題爲奏目令惟簡乘間求哀欲謝政養病冬十月己亥曹彬等遣使送鉉及惟簡赴闕鉉居江南以名臣自負其來也欲以口舌馳說存其國於是大臣亦先白帝言鉉博學有才辯宜有以待之帝笑曰第去非爾所知也既而鉉入朝仰而大言曰李煜無罪陛下師出無名帝徐召升殿使畢其說鉉曰煜事陛下如子事父未有過失奈何見伐其說累數百言帝曰爾謂父子爲兩家可乎鉉不能對惟簡導以奏目進帝覽之謂曰爾主所言我亦不曉也帝雖不爲緩兵然所以待鉉等皆如未舉兵時王賓鉉等辭歸江南朱全賢自湖口以衆援金陵號十五萬縛木爲筏長百餘丈戰艦大者容千人將斷采石浮梁會江水涸戰艦不能驟進王明屯獨樹口遣其子驍騎入奏帝密遣使令明於洲浦間多立長木若帆船之狀以疑之己未全賢獨乘大航高十餘重上建大將旗趨至皖口行營步軍都指揮使劉遇揮兵急攻之全賢以火油縱燒遇軍不能支俄而北風反熾自焚其衆不戰自潰全賢惶駭赴火死焉其戰裨都虞候王暉等獲兵仗數萬金陵獨恃此援由是孤城

愈危感矣十一月徐鉉及周惟簡還江南未幾國主復遣入奏辛未對於便殿乞緩兵以全一邦之命其言甚切至帝與反覆數四按劍謂鉉曰不須多言江南亦有何罪天下一家臥榻之側豈容他人鼾睡乎鉉惶恐而退帝復詰責惟簡惟簡甚懼仍各厚賜遣還先是曹彬等列三寨攻城潘美居其北以圖上帝視之指北寨謂使者曰此宜深溝自固江南人必以夜來寇亟語曹彬等并力速成之不然將爲所乘矣賜使者食且召樞密使楚昭輔草詔令徙置戰棹使者食已卽行彬等承命自督丁夫掘塹成丙戌江南果夜出兵五千襲北寨人持一炬鼓譟而進彬等縱其至乃徐擊之皆殲焉又獲其將帥佩符印者凡十數人金陵被圍自春徂冬居民樵采路絕曹彬終欲降之累遣人告國主曰城必破矣宜早爲之所國主約先令其子清源郡公仲高入朝既而久不出彬日遣人督之且曰耶君不須遠適若到寨卽四面罷攻矣國主終或左右之言彬又遣告曰稍遲卽無及矣先是帝數遣使者諭彬以勿傷城中人若猶困鬪李煜一門切無加害於是彬忽稱疾不視事諸將皆來問疾彬曰余疾非藥石所愈願諸公共爲信誓破城日不妄殺一人則彬之疾愈矣諸將許諾乃相與焚香爲誓翌日彬卽稱愈乙未金陵城破將軍馬彥馬誠信及弟承俊帥壯士巷戰死勸政殿學士豫章鍾傳朝服坐於家亂兵至舉族就死不去初陳喬張洎同建不降之議事急又相要同死然洎實無死志引喬同見國主喬曰臣負陛下願加顯戮若中朝有所賄責請以臣爲辭國主曰氣數已盡卿死無益也喬曰縱不殺臣何面目見士人乎遂自經死洎曰臣與喬共掌樞務國亡當俱死又念陛下入朝誰與陛下辨明此事所以不

死者將有待也彬整軍成列至其宮城國主乃率表納降與其羣臣迎拜於門先見潘美設拜美答之次拜彬彬使人語之曰介冑在身拜不敢答卽選精卒千人守其門外令曰有欲入者一切拒之始國主積薪宮中約盡室赴火死及見彬彬慰安之且慰以歸朝俸賜有數當厚自齎裝既爲有司所籍一物不可復得矣因復遣煜入宮惟意所欲取梁迥田欽祚等諫曰倘有不虞咎將誰任彬笑而不答迥等爭不已彬曰煜素無斷今已降必不能自引決可亡慮也彬既入金陵申嚴禁暴之令士大夫保全者甚衆仍大搜於軍無得匿人妻子倉庫府庫委轉運使許仲宣案籍檢視彬一不問師旋惟圖籍衣衾而已十二月己亥朔江南捷書至凡得州十九軍三縣一百有八戶六十五萬五千六十有五羣臣皆稱賀帝泣謂左右曰宇縣分割民受其禍攻城之際必有橫種鋒刃者此實可哀也卽詔出米十萬石賑城中饑民辛丑赦江南管内州縣令太子洗馬河東呂龜祥詣金陵籍李煜所藏圖書送闕下

江陰雄遠建武也雄遠今太平府建武今建昌府

獨山口疑在黃梅縣北寨源江江南自石頭出師故可劫之十九州者昇今江甯府也餘爲宜歙池洪邵筠饒信慶吉袁撫江汀建劍潭泉三軍者

〔九年〕曹彬遣翰林副使郭守文奉露布以江南國主李煜及其子弟官屬等四十五人來獻帝御明德門受獻煜等繫服待罪詔並釋之各賜冠帶器幣鞍勒馬有差時有司譏獻俘禮如劉鋹帝曰煜書奉正朔非鋹比也寢露布不宣煜初以拒命頗懷憂患守文謂煜曰國家止務恢復土致太平豈復有後至之責邪煜乃安徐鉉從煜至京師帝責以不早勸煜歸朝璧色俱厲鉉對曰臣爲江南大臣國誠罪固當死不當問其他帝曰忠

臣也事我當如李氏臨坐慰撫之又責張洎曰汝教李煜不降使至今日因出其圍城中召援兵熾奮洎頓首請死曰嘗實臣所爲犬吠非其主此其一耳他尚多今得死臣之分也辭色不變帝初欲殺洎及是奇之曰卿大有膽朕不罪卿今事我無替昔日之忠也以李煜爲右千牛衛上將軍封違命侯其子弟宗廟悉授官

以宣徽南院使義成節度使曹彬爲樞密使領忠武節度樞密領節度自彬始山南東道節度使潘美爲宣徽北院使節度領宣徽自美始李漢瓊劉遇田欽祚梁迥李繼隆並晉秩有差賞江南之功也彬歸自江南詣閤門進勝子云奉勅差往江南勾當公事回時人嘉其不伐彬之行帝許彬以使相爲賞及還語彬曰使相品位極矣且徐之更爲我取太原因賜錢五十萬彬至家見布錢滿室歎曰人生何必使相好官不過多得錢耳

軍節
清也

帝生於洛陽樂其土風嘗有遷都之意始議西幸起居郎李符陳八難帝不從羣臣莫敢諫都指揮使李懷忠乘間言曰東京有汴渠之漕歲致江淮米數百萬斛都下兵數十萬人咸仰給焉陛下居此將安取之且府庫重兵皆在大梁根本安固已久不可動搖帝亦弗從晉主又從容言遷都非便帝曰遷河南未已久當遷長安王叩頭切諫帝曰吾將西遷者非他欲據山河之險而去冗兵循周漢故事以安天下也王又言在德不在險帝不答王出帝顧左右曰晉王之言固當然不出百年天下民力殫矣

（太宗太平興國三年）帝初卽位幸左藏庫視其儲積語宰相曰此金帛如山用何能盡先帝每焦心勞慮以

經費爲念何其過也於是分左藏北庫爲內藏庫并以講武殿後封樞庫屬焉改封樞庫爲景福內庫帝謂左右曰朕置內庫蓋慮司計之臣不能節約異時用度有缺復賦斂於民終不以此自供嗜好也初太祖別置封樞庫審密謂近臣曰石晉割幽薊以賂契丹使一方之人獨限外境朕甚憫之欲俟斯庫所蓄滿三五十萬卽遣使與契丹約苟能歸我土地民庶則當盡此金帛充其贖直如曰不可朕將散滯財募勇士俾圖攻取耳會宴駕不果

初陳洪進納土帝旣命其子文顯知泉州留後議擇能臣關寧州事起復殿中丞喬維岳爲通判維岳始至會草寇十餘萬來攻城城中兵才三千勢甚危急監軍何承矩王文寶欲屠城焚庫而遁維岳抗議以爲朝廷任以綏遠之寄今惠澤未布盜賊連結反欲屠城焚庫豈詔意哉承矩等因復堅守會兩浙西南路轉運使楊克讓自福州率屯來救圍遂解監軍王繼昇率精兵追擊禽其魁械送闕下餘寇悉平

(四年)遼主駐金川御琰耶君耶律呼圖

舊作虎
古今改

從聘宋還言於遼主曰宋必取河東當先爲之備韓匡嗣曰

何以知之呼圖曰是不難知也四方僭號之國宋皆并取惟河東未下耳今宋講武習戰意必在漢矣匡嗣詆之曰甯有是邪卒不設備正月帝召樞密使曹彬問曰周世宗及我太祖皆親征太原而不能克豈城壁堅完不可近乎彬對曰世宗時史超敗於石橫關人情震恐敵師還太祖頓兵甘草地中軍人多被腹疾因是中止非城壁不可近也帝曰我今舉兵卿以爲何如彬曰國家兵甲精銳人心忻戴若行弔伐如摧枯拉朽耳帝意

遂決宰相薛居正等曰昔世宗舉兵太原倚契丹之援堅壁不戰以致師老而歸及太祖破契丹於雁門關南
盡驅其人民分布河洛之間雖巢穴尙存而危困已甚得之不足以關土會之不足以爲患願陛下熟慮之帝
曰今者事同而勢異且先帝破契丹徙其人而空其地者正爲今日事也朕計決矣以宣徽南院使潘美爲北
路都招討制置使命崔彥進李漢瓊曹翰劉遇各攻其城之一面遇以次當攻其西面而西面直北漢主宮城
尤險惡遇欲與翰易地輪弗可遇必欲易之議久不決帝慮將帥不協乃諭翰曰卿智勇無雙城西面非卿不
能當也翰始奉詔遣主開宋師討太原歎曰呼圖殊能料事朕與匡嗣處不及此乃遣玳瑁舊作捷
曰何名而伐漢也帝曰河東逆命所當問罪若北朝不援和約如故不然惟有戰耳乙未宴潘美等於長春殿
帝親授方略以遣之二月丁卯北漢乞援於遼遼命南府宰相耶律沙爲都統冀王塔爾爲監軍赴援又命南
院大王色珍以所部從樞密副使穆濟舊作扶
擊留務開封府判官呂端言於廷美曰主上櫛風沐雨以甲甲伐王地處親賢當表率屬從若擊留務非所宜
也廷美由是請行金川卽金蓮川在多倫
諾爾西南源河源也

帝駐蹕鎮州命鄆州刺史尹勳攻隆州隆州爲北漢人依險築城以拒南師者故先分兵圍之乙未遣耶律沙
等至白馬嶺前阻大澗遇郭進兵沙與諸將欲待後軍冀王塔爾及穆濟以爲急擊之便沙不能奪塔爾等以
先鋒渡澗未半進率騎奮擊大破之塔爾等及其子華格舊作達
哥今改沙之子德琳舊作德
哥今改令衰舊作令
哥今改國敏舊作

今詳舊作詳唐舊作唐俱歿於陳沙等幾不能出會耶律色珍舊作料以救兵至萬壽齊魯宋師乃退沙

穆濟僅以身免北漢主復遣問使齎蠟丸赴遼進捕得之徇於城下城中氣始奪矣命知府州閭廐使折御卿

監軍供奉官分兵攻嵐州丙中左飛龍使史業破北漢熙揚軍乙巳夏州李繼筠乞帥所部助討北漢辛亥北

漢駙馬都尉盧俊自代州馳狀於遼告急遼人敗衄之餘不能再發兵救壬戌車駕發鎮州幸太原折御卿克

討嵐軍獲其軍使折令圖甲子解暉等攻隆州西頭供奉官袁繼忠武騎軍校許均先登陷之己巳折御卿克

嵐州殺其憲州刺史郭翽獲夔州節度使馬延忠庚午帝至太原駐蹕於汾水之東辛未幸城西面案視營壘

攻具慰勞諸將以手詔諭北漢主使降傳詔至城下守陴者不敢受壬申夜漏未盡帝幸城西督諸將攻城天

武軍校荆嗣率衆先登手刃數人足貫雙箭中手破折碎二齒帝見之急召下賜以錦袍銀帶先是帝選諸軍

勇士數百人教以劍舞皆能擲劍於空中躍其身左右承之見者無不恐懼會契丹遣使修貢賜宴便殿因出

劍士示之數百人袒褐鼓譟揮刃而入跳擲承接曲盡其妙使者不敢正視及是巡城必令舞劍士前導各呈

其技城上人望之破膽帝每擲甲冑犯矢石指揮戎旅左右有諫者帝曰將士爭效命於鋒鏑之下朕豈忍坐

觀諸軍聞之人百其勇皆冒死先登凡控弦之士數十萬列陳於乘輿前躍甲交射矢集太原城上如蝟毛焉

捕得生口云北漢主城中市所射之箭以十錢易一矢凡得百餘萬聚而貯之帝笑曰此箭爲我蓄也及城降

盡得之甲戌幸諸寨乙亥幸連城視攻城諸洞時李漢瓊率衆先登矢集其腦又中指傷甚獨力疾戰帝促召

至輒履視其創傳以良藥帝欲親幸洞屋中勞士卒流淚泣曰矢石注洞屋如雨陛下奈何以萬乘之尊親往臨之若不聽臣請先死乃止丁丑幸西連城樓五月己卯幸城西南隅夜督諸將急攻遲明陷羊馬城北漢宣徽使范超來降攻城者疑其出戰禽之以獻斬於驕下既而北漢盡殺超妻子梟其首投於城外辛巳幸城西北隅北漢馬步軍都指揮使郭萬超來降壬午帝幸城南謂諸將曰翌日重午當食於城中遂自草詔賜北漢主夜漏上一刻城上有蒼白雲如人狀癸未幸城南督諸將急攻士奮怒爭乘城不可遏帝恐屠其城因麾眾少退城中人猶欲固守左僕射致仕馬峯以病臥家昇入見北漢主流涕備言興亡之理夜漏上十刻北漢主乃遣客省使李勳上表納款帝喜即命通事舍人薛文寶齎詔入城撫慰夜漏未盡幸城北冀從臣於城壘受其降甲申迎明劉繼元率其平章事李俸等素服紗帽待罪臺下詔釋之召升殿勞問繼元叩頭曰臣自聞車駕親臨即欲束身歸命蓋亡命者懼死劫臣不得降耳帝命籍亡命者至悉斬之顧謂淮海國王錢徽曰卿能保一方以歸於我不致血刃深可嘉也北漢平凡得州十軍一縣四十一戶三萬五千二百二十兵三萬

威云祁縣東南之隆島城也白馬嶺在太谷縣東南澤州在靜樂縣北連城即長連城十州者并汾折代嵐憲隆沁遼石軍一資興即團柏谷縣城也

初攻太原累月饋餉且盡軍士罷乏劉繼元降人人有希賞意而帝將遂伐遼取幽薊諸將皆不願行然無敢言者殿前都虞候程翰獨奏曰此一事不容再舉乘此破竹之勢取之甚易時不可失也帝悅即命樞密使曹彬議調發屯兵六月庚申車駕北征發鎮州慰從六軍有不即時至者帝怒欲置於法馬步軍都軍頭趙延

博遠進曰陛下巡幸邊疆本以契丹爲患今敵未殄滅而誅譴將士若舉後國誰爲陛下戮力乎帝竊納之內

寅次金臺頓遼境也丁卯帝躬擐甲青率兵次岐溝關遼之東易州刺史劉禹以州降留兵千人守之東易州

卽岐溝關也遼北院大王耶律希達統軍使肅託古舊作討古今改伊實王薩哈迎戰於沙河東西班指揮使傅潛孔

守正先至擊之後軍繼至大敗希達軍生擒五百餘人戊辰帝次涿州判官劉原德以城降庚午次遼南京之

城南駐蹕寶光寺遼南院大王耶律色珍患南軍之銳以希達新敗爲南軍所易也取其青幟軍於得勝口以

誘敵帝麾兵擊之士皆鼓勇斬首千餘級色珍襲其後宋師始却色珍軍於清沙河北爲南京聲援壬申部分

諸將攻城遼南京權留守韓德讓懼甚與知三司事劉宏登城日夜守禦而城外招誘甚急人懷二心會迪里

都舊作韓都今改指揮使李扎勒燦舊作李札燦今改出降城中益懼遼御盡耶君耶律學古聞南京被圍急救之師

方解乃穴地以進偕韓德讓等整器械安反側隨宜備禦志不少懈宋兵三百餘人乘夜奪城學古戰却之益

修守備以待撓師丁丑遼主始知南京之圍命南京宰相耶律沙救之遣使責託果等曰卿等不嚴偵候用兵

無法遇敵卽敗奚以將爲特里長舊作長今改耶律休格知事急自請赴援遼主乃以休格代希達將五院軍並發

帝日督諸將攻城而將士多怠遼耶律沙以援師至戰於高粱河宋師擊之沙敗走會薄暮休格自問道馳至

人持兩炬宋師不測其多寡有懼色休格與色珍合軍分左右翼奮擊休格被三創戰益力學古聞援師大集

開門列陳四面鳴鼓居民大呼聲震天地休格乘之宋師大敗帝乘輿車南走休格創甚不能騎輿車追至涿

州獲兵仗符印糧餉貨幣不可勝計丙戌帝次金臺驛歸師大潰命殿前都虞候崔翰往撫之衆遂定庚寅命崔翰及定武節度使孟元喆等留屯定州彰德節度使李漢瓊屯鎮州河陽節度使崔彥進等屯關南得以便宜行事帝謂諸將曰契丹必來侵邊當會兵設伏夾擊之可大捷也

金臺驛在易州岐溝關在涿州西南三十里沙河卽涑水也得勝口在昌平州天壽

山西北北沙河出昌平州西北清河出昌平州西至順天府北二十里而合流

曰清沙河高桑河自京城西山導源東流入都城積水而下流爲大通河

北漢將劉繼業素驍勇及繼元降繼業猶據城苦戰帝欲生致之令繼元招之繼業乃北面再拜大懼釋甲來

見帝喜慰撫之甚厚復姓楊氏止名業授領軍衛大將軍丁巳以業爲鄆州防禦使

鄆州舊作鄆州

遼南京留守燕王韓匡嗣與耶律沙耶律休格南伐以報圍燕之役鎮州都鈐轄雲州觀察使劉廷翰帥衆禦之先陳於徐河崔彥進潛師出黑龍隄北緣長城口銜枚襲敵後李漢瓊及崔翰亦領兵繼至先是帝以陳圖授諸將俾分爲八陳及軍次滿城遼師大至右龍武將軍趙延進乘高望之東西互野不見其際翰等方案圖布陳陳相去各百步士衆疑懼略無鬪志廷進謂翰等曰主上委吾等邊事蓋期於克敵耳今敵騎若此而我師星布其勢懸絕彼若乘我將何以濟不如合而擊之可以決勝違令而獲利不猶愈於辱國乎翰等曰萬一不捷則若之何廷進曰倘有喪敗延進獨當其責翰等猶以擅改詔旨爲疑鎮州監軍六宅使李繼隆曰兵貴適變安可預定違詔之罪繼隆請獨當之翰等意始決於是改爲二陳前後相副先遣人詐約降匡嗣信之休格曰彼衆整而銳必不肯屈此誘我耳宜嚴兵以待匡嗣不聽俄而宋師鼓譟躍起漲天匡嗣倉猝不知所爲

遂敗績潰兵悉走西山投坑谷中追奔至遂城斬首萬餘級獲馬千餘匹生擒其將三人俘老幼三萬戶及兵器軍帳甚衆匡嗣棄旗鼓遁回餘衆走易州獨休格整兵而戰徐引遼主怒匡嗣數以五罪曰遼衆深入一也行伍不整二也棄師鼠竄三也偵候失機四也捐棄旗鼓五也即令誅之皇后力救得免以休格總南面戍兵冬十月庚午鎮州捷書聞帝手詔褒之

徐河在滿城縣北黑龍院徐河隄名長城口在安肅縣西北昔燕趙分界處也

初西南夷不供朝貢刑部郎中許仲宣爲西川轉運使親至大渡河諭以順逆夷人皆率服在職逾三歲會有言仲宣當江表用兵時乾沒官錢者是月召還令御史覈悉索財計簿鈎校歲餘而畢卒無欺隱乃以仲宣爲嶺南轉運使仲宣有心計江表用兵軍中需索百端皆預儲蓄無闕曹彬怪之嘗夜攻城取陶器數萬事分給攻城卒然燈自照仲宣已預料置如其數付之其才幹類此

〔五年〕帝將巡北邊己丑詔自京師至雄州發民除道修頓庚寅遼主次固安己亥自將圖瓦橋關十一月庚

子朔南師夜襲遼營遼節度使蕭幹詳襄耶律赫德舊作痕德今改戰却之王寅遼北院大王休格禦宋師於瓦橋東

守將張師突圍出遼主親督戰休格躍馬入陳斬師餘衆披靡退入城戊申南師陳於水南欲戰遼主以休格馬介獨黃慮爲敵所識亟命以元甲白馬易之休格遂率精騎渡水奮擊南師大敗追至莫州橫屍徧野生擒數將以歸遼主賜以御馬金盞勞之曰卿勇過於名若人人如卿何憂不克

鄭州在雄縣瓦橋關南

詔巡北邊壬子發京師癸丑次長垣縣關南言大破契丹萬餘衆斬首三千餘級即以河陽節度使穆彥進爲

關南兵馬都部署丙辰遣主引兵還戊午駐歸大名府十二月丁丑以楊業領雲州觀察使知代州事業自馬門之役遼人畏之每望見業旗卽引去主將屯邊者多練之或潛上誘書斥言其短帝皆不問封其奏以付業帝因遼師退遂欲進攻幽州復命宰相問翰林學士李昉寇等事之可否昉等請養驍勇廣積儲寬諸期歲之間用師未晚帝深納其說卽下詔南歸命曹翰部署修雄霸州平戎破魯乾甯等軍城池開南河自雄州達莫州以通漕運築大隄以捍水勢調校夫數萬人於北境伐木以給用先是遼人南侵必舉烟翰分遣人舉烟境上敵疑有伏卽引去不敢近塞得巨木數萬負拖而進大濟用度數旬功畢庚辰車駕發大名乙酉至京師議者皆言宜速取幽薊左拾遺直史館張齊賢上疏曰聖人舉事動在萬全百戰百勝不若不戰而勝自古疆場之難非盡由戎習亦多邊吏擾而致之若緣邊諸寨撫御得人但使邊疆深溝高力養銳以逸自處如是則邊鄙甯寧運滅河北之民獲休息矣然後務農積穀以實邊用敵人之心固亦擇利避害安肯投諸死地而爲寇哉臣聞家大合者以天下爲心豈止爭尺寸之土角疆弱之勢而已是故聖人先本而後末安內以養外內安本固則遠人斂衽而至伏望審擇通儒分路采訪兩浙江南荆湖四川嶺南河東凡僞命日賦斂苛重者改而正之諸州有不便於民者委長吏開奏使天下皆知陛下之仁戴陛下之惠則契丹不足吞燕薊不足取也

平戎軍涿州也破魯軍霸州也乾甯軍滑州也自雄州至之南河導蓮花條從水南流爾

〔六年〕交州行營破賊軍於白藤江口斬首千餘級時候仁寶率前軍先發孫全興等頓兵花步七十日以

俟劉澄仁寶屢促之不行及澄至并軍由水路抵多羅村不遇賊復擅還花步賊詐降以誘仁寶仁寶信之遂爲所害時諸軍皆受瘴人多死者轉運使許仲宣馳奏仁寶戰歿且乞班師不待報卽以兵分屯諸州開庫賞賜給其醫藥謂人曰若俟報則此數萬人皆積屍於廣野矣乃上章自劾詔許昂納之就劾澄等會王傑病死澄與寶湜並戮於邕州市徵全興下獄伏誅贈仁寶工部侍郎官其二子

白廉江蔡卽昌江餘未聞

以左拾遺直史館嘉州田錫爲河北南路轉運副使錫因入辭直進封事言軍國要機者一朝廷大體者四略曰一不踰時國之令典頃歲王師薄伐克平太原未賞軍功逮茲二載請因郊禋耕籍之禮議平晉之功而賞之駕馭戎臣莫如錫重此要機也交州瘴海之地得之如獲石田願陛下無屯兵以費財此大體之一也帝嘉其言降詔褒諭仍賜錢五十萬或謂錫今宜少晦以遠讒忌錫曰事君之誠惟恐不竭且天植其性豈一宜可奪邪至河北復驛書言邊事略曰今北鄙驛驢蓋以居邊在者規羊馬細利爲捷矜捕斬小勝爲功起釁召戎實由此始伏願申飭將帥謹固封守還所俘掠許通互市使河朔之民得務農桑不出五載可積十年之儲又曰國家國燕以來兵連未解財用不得不耗人臣不得不憂願陛下精思慮決取舍使曠日持久

八年高陽關獲遼偵騎送至闕下言遼於近遼築城帝謂宰相曰此爲自全之計耳又曰幽州四面平川無險固可恃難於控扼異時收復燕薊當於古北口諸隘據其要害不過三五處屯兵設堡寨自絕南牧矣宋琪對曰范陽前代屯兵之地古北口及松亭關野狐門三路並立保障至今石堡基堞尙存將來止於此數處置

戊可矣高陽縣在今高陽縣東北口在密雲縣東北百二十里楊李國在滿化州喜峯口北野狐門在今萬全縣北二十里

（雍熙元年）知夏州尹憲襲擊李繼遷斬首五百級獲其母妻俘千四百帳繼遷僅以身免於是賜李繼遷姓

的名保忠授夏州刺史定難節度使以討繼遷管夏銀宥五州繼遷至銀數日上言繼遷悔過歸款帝以爲銀州刺史西南巡檢使繼遷本無降心復誘戎人爲寇夏州今榆林府銀州今米脂縣西北宥州在鄂爾多斯右翼前旗西南五州縣兼鹽勝二州鹽州今靈州東南勝州

在鄂爾多斯左翼後旗界

（二年）夏州李繼遷誘殺都巡檢使曹光寶於葭蘆川繼遷自地斤澤之敗轉徙無常西人多歸之漸以強大

於是率衆攻麟州使人給光寶期日會於葭蘆川納降光寶信之且欲擅其功不與人謀至期從百騎赴之繼

遷所設伏兵盡起光寶被害遂襲據銀州遣知秦州田仁朗等將兵討繼遷繼遷既殺曹光寶遂圖三族皆陷

之帝大怒徵田仁朗下獄問貸死軍商州是月副將王侁等出銀州北破悉利諸砦斬其代州刺史時郭守

文與侁同領邊事與知夏州尹憲擊鹽城諸蕃焚千餘帳山是銀夏三州蕃百二十五族悉內附戶二萬六

千餘葭蘆川即古條水在夏州西鹽州在神木縣北三族皆在米脂縣西悉利砦在米脂縣北鹽城鹽州城也地斤澤之敗事在七年

（三年）先是知雄州開封賀令圖等相繼上言契丹主年幼國事決於其母韓德韓德僭用事國人疾之請乘

其釁以取幽薊帝始有意北伐詔議親征參知政事李至上言曰幽州契丹之右臂王師往擊彼必拒張攻城

之人不下數萬兵多費廣勢須廣備餼糧假令一日克平當爲十旬準計未知邊庾可充此乎又范陽之旁坦

無陵阜去山既遠取石尤難金湯之堅非石莫碎臣愚以爲京師天下根本陛下不離輦轂恭守宗廟示敵人
以閒暇慰億兆之仰望者策之上也大名河朔之衝衛或暫駐鑾輿揚言自將以壯軍威者策之中也若乃遠
提師旅親抵邊陲北有敵兵可虞南有中原爲慮則屯紆之懇切斷軼之狂愚臣雖不肖恥在二豎後也庚寅
北伐以曹彬爲幽州道行營前軍馬步水陸都部署崔彥進副之米信爲西北道都部署杜彥圭副之以其衆
出雄州田重進爲定州路都部署出飛狐以潘美爲雲應朔等州都部署楊業副之出鴈門三月癸酉曹彬與
遼兵戰固安南克其城重進破之於飛狐北潘美自西陘入與遼戰又勝之逐北至寶州刺史趙彥平舉州降
彬又敗遼師於涿州東乘勝攻其北門克之潘美進圍朔州其守將趙希贊舉城降遼以南京留守耶律休格
當曹彬之師以耶律色珍爲都統率師當潘美等遼主以親征告於陵廟山川與太后駐軍臨瀛口趣諸部兵
以爲應援又命林牙勤德率兵守平州之海岸以備南師田重進至飛狐北遼冀州防禦使大鵬翼康州刺史
馬贊馬軍指揮使何萬通率衆來援重進命荆嗣出戰一日五七合遼師不勝將遁去重進遂以大軍乘之生
禽萬通贊萬通等曹彬入涿州遣都將李繼宣等領輕騎渡涿河覘敵勢遼將率衆來攻繼宣擊破之潘美轉
攻應州其守將舉城降田重進圍飛狐令大鵬翼至城下諭其守將馬步都指揮使呂行德等行德與副都指
揮使張繼從馬軍都指揮使劉知進舉城降詔升其縣爲飛狐軍重進又圍靈邱其守將步軍都指揮使穆超
舉城降夏四月己亥遼主次南京北郊辛亥潘美克雲州壬寅米信大破遼師於新城己酉田重進又破遼師

於飛狐北殺其二將田重進至蔚州左右都押衙李存璋許彥欽等殺其節度使蕭默哩執監城使耿紹忠舉城降遣援兵大至重進軍與遼師轉戰時軍校五獲其四悉已戰死至大嶺惟荆嗣力圖遼師始却遂定蔚州是役也邊民之驍勇者競團結以禦敵或夜入城壘斬取首級來歸帝聞而嘉之曰此等生長邊陲閱習戰鬪若明立賞格必大有應募者乃下詔募民有能糾合應援王師者資以糧食假以兵甲擒酋豪者隨職名高下補署平幽州後願在軍者優與存錄願歸農者給復三年自是應募者益衆初曹彬與諸將入辭帝謂彬曰潘美之師但令先趨雲應卿等以十餘萬衆聲言取幽州且持重緩行毋貪小利以要敵敵聞大兵至必萃勁兵於幽州兵既聚則不暇爲援於山後矣旣而潘美先下寶朔雲應等州田重進又取飛狐靈邱蔚州多得山後要害之地而彬等亦連收新城固安下涿州兵勢大振每捷奏至帝頗訝彬進軍之速且憂契丹斷糧道彬至涿州遼南京留守耶律休格以兵少不出戰夜則令輕騎掠軍弱以脅餘衆畫則以精銳張其勢設伏林莽絕我糧道彬留十餘日食盡乃退師雄州以援供饋帝聞之大駭曰豈有敵人在前而却軍以援獨粟乎何失策之甚也亟遣使止之令勿復前引師緣白溝河與米信軍接援兵奮銳以張西師之勢待美等盡略山後之地會重進東下趨幽州與彬信合以全師制敵必勝之道也時彬所部諸將聞美及重進累戰獲利自以握重兵不能有所攻取謀畫蜂起更相矛盾彬不能制乃憂五十日糧再往攻涿州時遼主次州東五十里令休格與蒲領等以輕兵薄南師南師且行且戰凡四日始得至涿時方爰暑軍士疲乏所攜糧不繼乃復棄之令盧斌

兼擁城中老幼並狼山而南彬等以大軍退無復行伍遂爲休格所躡五月庚午至岐溝關遼兵追及之南師大敗彬等收餘軍宵涉巨馬河營於易水之南李繼宣力戰巨馬河上遼兵始退追奔至孤山方涉巨馬河人畜相蹂踐而死者無算餘衆奔高陽爲遼師衝擊死者數萬人沙河爲之不流棄戈甲若邱陵休格收宋尸以爲京觀丙子宮苑使王繼恩自易州馳騎至帝始聞曹彬等軍敗乃詔諸將領兵分屯於邊召彬及崔彥進米信入朝田重進率全軍駐定州潘美遣代州飛狐嶺在廣昌縣北鴈門在代州固安在雄縣北西陞在鴈門關西也朔州在馬邑西北駝羅口在涿州東北平州永平府也灤河漆水也在涿州北應州直代州東北靈邱在飛狐西雲州大同也在應州北新城在涿州南蔚州在飛狐北大嶺在其東米信駐在新城其東即白河雄縣北境也勿復前引者勿再往涿州也狼山在涿州西岐溝關在其南又南則孤山又南則巨馬河即漆水又即沙河也高陽屬保定府

曹彬等未遑趙普手疏諫曰伏自大發驕雄往平幽餉百萬家之生聚飛輓是供數十州之土田耕桑半失茲所謂以明珠而彈雀爲鼯鼠而發機所失者多所得者少況旬朔之間便涉秋序內地先困邊庭早涼彼則弓勁馬肥我則人疲師老恐當此際或誤指呼願頒明詔速議抽軍臣又思陛下非次興兵必因偏聽小人傾側但解欺君事成則獲利於身不成則貽憂於國昨來議取幽薊未審孰爲主謀虛說誑言總應彰露願推其人置之刑典庶昭聖德以厭羣情臣欲露肺肝先寒毛髮投荒棄市甘俟顯誅帝手詔賜普曰朕昨者興師選將止令曹彬等頓於雄霸裏糧坐甲以張軍聲俟一兩月間山後平定潘美田重進等會兵以進直抵幽州共力驅蹙恢復舊疆此朕之志也奈何將帥等不遵成算各聽所見領十萬甲士出塞遠關速取其郡縣更遣師以

機難重往復勢弊爲敵所乘此實在主將也邊防之事已大爲之備卿勿爲憂初議興兵帝獨與樞密院計議一日至六召中得不預聞及敗召樞密院使王顯副使張齊賢王沔謂曰卿等共視朕自今復作如此事否帝既推誠悔過顯等咸愧懼若無所容知大名府趙昌言上書請斬敗軍將曹彬等帝覽奏嘉歎優詔褒之尋召拜御史中丞曹彬等至闕彬素服待罪深自引咎責彬爲右驍衛上將軍米信以下皆貶官羣臣列校死事及陷敵者錄其子孫初米信傳潛等軍敗衆攔獨李繼隆以所部振旅成列而還卽命繼隆知定州及詔分屯諸軍繼隆令書吏盡錄其詔旬餘有敗卒集城下不知所向繼隆案詔給卷俸各持詣所部帝嘉其有謀以田重進爲馬軍都虞候幽州之役惟重進之師不敗故特命之

遼諸路兵馬都統耶律色珍將兵十萬至安定西知雄州賀令圖遇之敗績南奔色珍追及戰於五臺死者數萬人明日攻陷蔚州令圖與潘美帥師往救與色珍戰於飛狐南師又敗於是潭源應州之兵皆棄城走色珍乘勝入寰州殺守城吏卒千餘人潘美既敗於飛狐乃與楊業引兵護雲朔賀應四州民南徙至朔州狼牙村聞契丹已陷寰州兵勢甚盛業欲避其鋒謂美等曰今敵鋒益盛不可與戰但領兵出大石路先遣人密告雲朔守將俟大軍離代州日令雲州之衆先出我師次應州契丹必悉兵來拒卽令朔州吏民出城直入石碣谷遣強弩千人列於谷口以騎士援於中路則三州之衆保萬全矣監軍蔚州刺史王侁沮其議曰領數萬精兵而畏懦如此但趨鴈門北川中鼓行而往馬邑順州團練使劉文裕亦贊成之業曰不可此必敗之勢也侁曰

君素號無敵今見敵逗撓不戰得非有他志乎業曰業非避死蓋時有未利徒令殺傷士卒而功不立今君責業以不死當爲諸公先耳乃引兵自大石路趨朔州將行泣謂美曰此行必不利業太原降將分當死上不殺寵以連帥授之兵柄非縱敵不殺蓋伺其便將立尺寸功以報國恩今諸君責業以避敵業當先死因指陳家谷口曰諸君於此張步兵強弩爲左右翼以援俟業轉戰至此卽以步兵夾擊救之不然無遺類矣美卽與僉領麾下兵陳於谷口色珍卽業且至遣副都督蕭達蘭伏兵於路業至色珍擁衆爲戰勢業麾幟而進色珍佯敗伏兵四起色珍還兵前戰業大敗退趨狼牙村僉自寅至巳不得業報使人登託邏臺望之以爲遼兵敗走僉欲爭其功卽領兵離谷口美不能制乃緣交河西南行二十里俄聞業敗卽麾兵却走業力戰自日中至莫果至谷口望見無人拊膺大慟再率帳下士力戰身被數十創士卒殆盡業獨手刃數十百人馬重傷不能進匿深林中契丹將耶律希達望見徇影射之業墜馬被擒其子延玉與岳州刺史王貴俱死焉業初爲敵所圖貴親射殺數十人矢盡張空拳擊殺數十人乃遇害業旣被擒因太息曰上遇我厚期捍邊破賊以報而反爲姦臣所執逼令赴死致王師敗績復何面目求活邪乃不食三日而死業不知書忠勇有智謀練習攻戰與士卒同甘苦代北苦寒人多服氈業但挾纈露坐治軍事傍不設火侍者殆僵仆而業怡然無寒色爲政簡易御下有恩故士卒樂爲用其敗也麾下尙有百餘人業曰汝等各有父母妻子無與我俱死衆咸泣無一人生還者帝聞慟惜旋削美三任僉除名配金州文裕登州贈業太尉大同軍節度使厚賜其家錄其子五人及貴

子二人

遼安定縣在今蔚州東十七里五臺山在州南三十里山勢西接代州五臺縣之山澤溫州在大同東南懷安谷縣牙村石碣谷書在朔州南托羅台今曰托羅海寶古言山也交河即灰河出南武縣東至

朔州馬邑入桑乾河大石

路路書作路在應州南

遼主御正殿大勢南征將校十一月丙子南下以休格爲先鋒都統至唐興縣南軍屯於泚海橋北遼選將射之進焚其橋節度使盧補古都監耶律盼戰於秦州敗績甲午奪盧補古告身其都監以下各杖之詔休格等議軍事休格敗南師於望都時都部署劉廷讓以數萬騎並海而出約與李敬源合兵聲言取燕休格聞之先以兵扼其要地進逼瀛州會太后軍至戰於君子館天大寒宋師不能戰弓弩遼兵圍廷讓數重敬源戰死滄州都部署李繼隆失期不救退屯樂壽廷讓全軍皆沒死者數萬人僅以身免先是知雄州賀令圖性貪功生事輕而無謀休格嘗使謀給之曰我獲罪於契丹旦夕願歸朝命圖不虞其詐自以爲終獲大功私遺休格重錦十兩至是休格傳言軍中願得見雄州賀使君令圖先爲所給意其來降卽引麾下數千騎詣之將至其帳數步外休格據胡牀罵曰汝嘗好經度邊事今乃送死來邪麾左右盡殺其從騎反縛令圖而去高陽關部署太原楊重進力戰死之初令圖與父懷浦首謀北伐一歲中父子皆敗當時以爲口實然自後邊將莫敢有議取幽燕者矣

唐興今安州泚海河邊在饒陽縣遼秦州今滿城縣君子館在河間府樂壽今獻縣高陽關在今高陽縣

馬知節監博州軍聞劉廷讓敗恐遼人乘勝復南侵因繕完城壘治器械料丁壯集芻糧十有五日而具始興役吏民皆以爲生事既而敵果至見有備乃引去衆始歎服遼師復自胡谷入薄代州城下神衛都指揮馬正

以所部列州南門外衆寡不敵副都署盧漢懷保壁自固知州張齊賢選偏軍二千出正之右審衆感慨一以當百遼師遂卻走先是齊賢約潘美以并師來會戰其間使爲遼所得齊賢深憂之俄而有候至云美師出并行四十里忽奉密詔東路之師劄於君子館并軍不許出戰已遁州矣於時敵騎塞川齊賢曰敵知美來而不知美退乃聞美使於密室中夜發兵二百人持一幟負一束獨距州城西南三十里列幟然獨遼師遙見火光中有旗幟意謂并師至矣駭而北走齊賢先伏步卒二千於土磴寨掩擊大敗之擒其王子一人帳前錫里一人斬首數百級俘五百餘人獲馬千餘匹車帳牛羊器甲甚衆齊賢悉歸功於漢賢已未漢賢以捷音來上帝優詔褒答後知漢賢未嘗接戰與鈴轄劉宇皆罷爲右監門衛大將軍

博州疑卽博野縣侯考胡谷在定襄東北土磴寨在博縣西北

端拱元年遼主令諸軍備攻具庚寅自將至唐河北諸將欲以詔書從事堅壁清野勿與戰定州監軍袁繼忠曰敵膽在近城中屯重兵而不能翦滅令長驅深入豈折衝禦侮之用乎我將身先士卒死於敵矣辭氣慷慨衆皆服中黃門林延壽等五人猶執詔書止之都部署李繼隆曰關外之事將帥得專焉往年河間不卽死者固將有以報國家耳乃與繼忠出兵拒戰先是易州靜塞騎兵尤驍果繼隆取以隸麾下留其妻子城中繼忠言於繼隆曰此精卒止可令守萬一寇至城中誰與捍敵繼隆不從既而遼師果至易州遂陷卒妻子皆爲所掠繼隆欲以卒分隸諸軍繼忠曰不可但奏升其軍額優以廩給使之盡節可也繼隆從其言衆皆感悅繼隆因乞之隸麾下至是摧鋒先入遼師大潰追擊至曹河捷聞降聖書褒答賜予甚厚

唐河在定州北曹河在瀋城北

歐子博士李覺上言曰夫冀北燕代馬之所生也制敵之用實資騎兵爲急議者以爲欲國之多馬在昭邊人以利使重譯而至然市馬之費歲益而廢牧之數不加者蓋失其生息之理也且邊人畜牧轉徙驅逐水草騰駒遊牝順其物性由是浸以蕃滋豈乎市易之馬至於中國則繫之維之飼以枯葉離析牝牡制其生性元黃虺隤因而減耗宜然矣今軍伍中牝馬甚多而孳息之數尤鮮者何也皆云官給秣飼之費不充又馬多產則羸弱駒能食則使其獨聚馬母愈瘠養馬之卒有罪無利是以駒子生乃驅令羸仄而死其後官司知有此蠹於是隴及養駒之卒盡給賞給其如所賜無幾而尙習前弊今竊量國家所市邊馬直之少者匹不下二十千往來支給賜與復在數外是貨市於邊地而賤竊於中國非理之得也國家縱未暇別擇牝馬以分畜牧宜且減市馬之半直賜養駒之將卒增爲月給俟其後納馬卽止焉則是貨不出國而馬有滋也大率牝馬二萬而駒收其半亦可歲獲萬匹況復牝又生駒十數年間馬必倍矣昔猗頓窮士也陶朱公教以畜五特乃適西河大畜牛羊於猗氏之南十年間其息無算況以天下之馬而生息乎帝覽而嘉之

二年戶部郎中張洎奏曰自幽州用兵累載於茲其故何哉蓋中國失地利分兵力將從中御士不用命故也中國所恃者險阻而已朔塞以南地形重阻深山大谷連互萬里天地所以限中外也今自飛狐以東重關複嶺塞垣巨險皆爲契丹所有燕薊以南平壤千里無名山大川之阻此所以失地利而困中國也國家制御之道在乎審察利害舉萬全之略今河朔郡縣列壁相望朝廷不以城邑小大咸浚隍築壘分師而守及敵騎

南馳長驅深入咸豐城自固莫敢出戰敵人蹙然自得出入燕趙若踐無人之境及其因利乘便攻取城壘國家嘗以一邑之衆當敵人一國之師既聚寡不倖亦敗亡相繼其故無他蓋分兵之過也臣請悉聚河朔之兵於緣邊建三大鎮各統十萬之衆鼎踞而守仍環諸城廣朔新寨俾士馬便於出入然後列烽火謹晨夕之候選精騎爲報探之兵千里之遙若視掌內敵之動靜我必先知仍命親王出臨魏府控河朔之要爲前軍後屏自餘郡縣則選在城丁壯授以戈甲俾官軍統攝而城守焉三鎮分峙隱若長城大軍雲屯虎視燕趙臣知契丹雖精兵利甲終不敢越三十萬之衆南侵貝冀矣軍志曰凡臨敵法令不明賞罰不信聞鼓不進聞金不止雖有百萬之師何益於用又曰將從中制兵無選鋒者必敗臣頃聞涿州之戰元戎不知將校之能否將校不知三軍之勇怯各不相管轄以謹謹自任未聞賞一効用戮一叛命者軍志曰弩不及遠與短兵同射不能中與無矢同中不能入與無鐵同臣頃聞涿州之戰敵人未至萬弩齊張敵騎既還箭如山積乃知戈戟刀劍其用皆然是驅天兵奮空拳而對勦敵也軍志曰三軍耳目在吾旗鼓臣頃聞涿州之戰陳場旣布或取索兵仗或遷移部隊萬口傳呼聲沸騰乃至轍亂塵驚莫知攸往矢石未交奇正先亂軍政如此孰救敗亡軍志曰凡出師臨陣一夫不用命則斬一夫一校不用命則斬一校一隊不用命則斬一隊故穰苴戮莊賈魏絳戮楊干諸葛亮誅馬謖李光弼斬崔眾咸以能舉嚴刑方成大略臣請陛下甲命元帥自裨將以下有違犯命令者並以軍法從事其殺敵將校所得鞍馬財貨等悉以與之仍優加錫賚嚴刑以制其命重賞以誘其心示金鼓

進退之宜謹三令五申之號將不中御衆知向方而不能震大宋之天聲者未之有也又沿邊郡縣久被焚掠臣乞陛下悉與放免秋夏兩稅直俟寧甯之日方仍舊實朝廷所失租賦未及豪芒且以沮敵人誘掖之謀慰貽庶綏懷之望右正言直史館王禹偁奏曰備邊之策在外任其人而內修其德耳在外者一曰兵勢患在不合將臣患在無權請於緣邊要害之地爲三軍以備之若唐受降城之類如國家有兵三十萬則每軍十萬人使互相救援實以成功立功者行賞無功者明誅二曰偵邏邊事能用小臣小臣雖有愛君之名而無愛君之實邊疆塗炭而不盡奏邊民哀苦而不盡言誠用老臣大僚往來宣撫賜以溫顏使盡情無隱則邊事濟矣三曰行間謀以離之因覺隲以取之臣風聞契丹中婦人任政人心不服宜捐厚利啗其部長以離其心四曰邊人自相攻擊中國之利也今國家西有趙保忠折御卿爲國心腹宜敕二帥率麟府銀夏綏五州張其犄角聲言直取勝州則契丹懼而北保矣五曰下哀憫之詔以感激邊民頃歲弔伐燕薊蓋以本是漢疆誠宜收復而邊民不知聖意皆謂貪其土地致契丹南牧陛下宜下哀痛之詔告諭邊民有得一級者賜之帛得一馬者還其價得部帥者與之散官如此則人百其勇而士一其心在內者在省官更慎選舉信用大臣禁止游惰望陛下少度僧尼少崇寺觀勸風俗務田墾則人力強而邊用實矣若軍運勞於外游惰耗於內人力日削邊用日多不幸有水旱之災則寇不在外而在內矣惟陛下熟計之帝覽奏深加嘆賞知制誥田錫奏曰今之禦敵無先於選將帥既得將帥請委任責成不必降以陳國不須授之方略自然因機設變觀變制宜無不成功矣昔

趙充國漢之老將尚云百聞不如一見況今委任將帥而每事欲從中降詔授以方略或賜予陳圖依從則未合宜專斷則違上旨以此制勝未見其長伏乞速命宰臣各舉良將并令素有聞望宿舊武臣自舉其能及舉所知者臣聞前年出師命曹彬取幽州是侯莫陳利用賀令圖之輩熒惑聖聰而李昉等不知去年招置義軍劉配合分趙普等亦不知夫宰相非才則罷之可也宰相可任豈有議邊陲發師旅而不使與聞者哉語云偏信生姦獨任成亂利用令圖等既誤陛下機宜於前無令似此二人者復誤陛下機宜於後兵書曰事莫密於間莫重於間契丹自有諸國未審陛下曾探得凡有幾國與之爲讎若悉知之可以用重賞行間諜間諜若行則契丹自亂契丹自亂則邊鄙自甯昔李靖用間破突厥心腹之人如漢之陳湯傅介子之流則不勞師徒自然歸化此可以緩陛下憂邊之心也凡徵發軍士儲備糧草亦宜鎮靜勿使喧煩臣聞去年於戶稅上折科馬草及官中和買當買納未足之間卽有使臣催督貧下戶婦女有行校科者又聞汴河乾淺欲分南河水添注汴河以通漕道國家計度何在而臨時一至於此昔吳起爲將爲士卒吮癰疽去病爲將漢帝欲爲治第去病曰匈奴未滅何以家爲今之將帥有如吳起霍去病否將帥非才卽無威名何以使敵人望風而懼以臣所見小事不勞陛下用心若以社稷之大計爲子孫之遠圖則在乎舉大略求將相務帝王之大體也邊上動由朝廷動之邊上靜由朝廷靜之任賢相於內則紀綱正委良將於外則邊鄙安矣

國子博士李覺上言曰昔李愬有言曰糴甚貴傷民甚賤傷農民傷則離散農傷則國貧故甚貴甚賤其傷一

也昔爲國君使民無傷而應益勸所謂民者謂士工商也今都下萬衆所聚導河渠達淮海以江湖歲運五百萬斛以資國費而近歲以來都下粟麥至賤倉庾陳陳相因或以充賞給斗直十錢此工賈之利而軍農之不利也竊計運米一斛費不啻三百錢侵耗折復在其外而輓船之夫彌涉冬夏離去鄉舍終老江湖糧之來也至重至艱而官之給也至輕至易倘不幸有水旱之虞卒然有邊境之患其何以救之臣案諸以備人儲日給米二升今若月賦錢三百是一斗爲錢五十計江淮運米工腳亦不減此數望明敕軍中各從其便願受錢者若市價官米斗爲錢三十卽增給十錢裁足以當工腳之直而官始獲利數月之內米價必增農民受賜矣若米價騰踊卽官復給糧軍人糴其所餘亦獲善價此又戎士受賜矣不十年官有餘糧江湖之運亦漸可省也帝覽奏嘉之

寇準承詔極言北邊利害帝器之謂宰相曰朕欲擢用準當授何官宰相請用爲開封府推官帝曰此官豈所以待準邪復請用爲樞密直學士帝沈思良久曰且使爲此官可也嘗奏事殿中語不合帝怒起準輒引帝衣令復坐事決乃退帝嘉之準初知巴東成安二縣其治一以恩信每期會賦役未嘗出符移惟具鄉里姓名揭縣門而百姓爭赴之無稽違者以知代州張齊賢爲刑部侍郎樞密副使先是宰相趙普奏疏言國家山河至廣文軌雖同干戈未息防微慮遠必資通變之才去年北師入邊生靈受弊萬乘軫焦勞之慮千官無翊贊之功同僚共事無非謫畏清嚴唯於獻替之時稍存緘默實濟急須臾見工部侍郎張齊賢數年前特受聖知升

於密地公私識者盡謂當才不期歲月未多出爲外任臣在鄧州日雖聞消息未測緣由向來微有傳聞或云奏對過當齊賢素縝機謀兼全德義從來差遺未盡器能應淹經國之才弗副濟時之用如當重委必立殊功帝納其言故有是命

威魯軍糧饋不繼遼人欲窺取之詔定州路都部署李繼隆發鎮定大軍護送軍糧數千乘遼裕悅耶律休格聞之率精銳數萬騎來邀北面緣邊都巡檢尹繼倫屬領步騎千餘人案行塞上遇之休格不戰而過徑襲大軍繼倫謂麾下曰彼視我猶魚肉耳彼捷還則乘勝驅我北去不捷亦且泄怒於我我輩無遺類矣爲今日計當卷甲衝校襲其後彼銳氣前趨不虞我之至力戰而勝足以自樹縱敗猶不失忠義豈能泯然爲北地鬼乎衆皆憤激從命繼倫因令軍中秣馬會夜遣人持短兵潛襲其後行數十里至唐州徐河天未明休格去大軍四五里繼倫列陳於城北以待之敵方會食既食將進戰繼倫出其不意急擊之殺其大將一人衆遂驚亂休格食未竟棄匕箸走爲短兵中其臂創甚乘善馬先遁遼師望見大軍遂潰自相蹂踐死者無數繼倫與鎮州副都部署范廷召追奔過徐河十餘里俘獲其衆定州副都部署孔守正又與遼人戰於曹河之斜村斬其帥大盈等遼人自是數年不大舉南下以繼倫面黑相戒曰當避黑面大王

徐河在滿城曹河在安肅南三十里下入徐河

初命李繼隆等發兵護送威魯軍糧餉戶部郎中張洎復奏封事曰古者築城聚衆蓋所以控要害之地制邊圉之便故周城朔方漢取河湟唐築受降臨涇等城卽其事也今威魯軍等置在平川地非險阻帶甲之士不

滿萬人徒分兵勢何益邊防今敵兵入境阻絕糧道而王師遠出三鎮之衆胥受酷涉郊圻充防護軍備之役本無關心以援送怠惰之師當北敵輕揚之騎且行且戰必貽敗衄一軍小却衆或隨之則威勢等軍望風而自下矣安危事勢昭然可觀宜因此時乘大軍之勢保全士旅拔壘而旋如是則三鎮之衆出既有名威勢等取免覆亡之禍矣方今河朔未甯控禦之方宜舉其要臣以爲凡在邊境壘其甲卒不滿三萬人以上者宜從廢罷既省供給又免吞侵以所管之師外隸緣邊大鎮甲兵既聚士馬自強與夫分兵邊邑坐薪待然豈可同年而語也

自河北用兵切於饋餉始令商人輸芻糧塞下酌地之遠近而優爲其直執交券至京師償以緡錢或移文江淮給茶鹽謂之折中有言商人所輸多弊濫者因罷之歲損國用殆百萬計冬十月復令折中如舊又置折中倉聽商人輸粟京師而請茶鹽於江淮命膳部員外郎范正辭等掌其出納每百萬石爲一界祿仕之家及形勢戶不得輸入粟御史臺糾之會歲旱罷

鎮州都都署宣徽南院使郭守文卒守文沈靜有謀自曹彬等敗契丹乘勝深入命守文鎮常山以經略之守文既卒有中使適從北邊來言武夫悍卒咸爲流涕帝曰何以致此對曰守文得俸祿皆市牛酒以犒軍士卒之日家無餘財帝嗟惜良久卽賜其家錢五百萬仍錄其子

〔清化四年〕初何承矩至雄州卽建屯田之議會臨津分蒞懋亦上書言闕地惟種水田緣山導泉借資功力

今河北州軍陂塘甚多引水溉田省功易就三五年內公私必獲大利因詔承矩往河北諸州案視復奏如懋
昌三月壬子以承矩爲制置河北緣邊屯田使懋爲大理寺丞充判官發雄莫諸州平戎破魯順安諸軍戍
卒萬八千人給其役興堰六百里置斗門引淀水灌溉河北霜早初年稻不成懋乃取江東早稻種七月熟者
課令種之是年八月稻熟始承矩建水田之議沮者頗衆武臣亦恥於營葺佃作旣而種稻不熟羣議益甚幾
罷其事及是承矩載稻種數車遣吏送闕下議者乃息自是葺補麻蛤之饑民賴其利

平戎軍涿州破魯軍霸州順安軍瀋州臨津唐

南津

先是緣江多盜詔以內殿崇班楊允恭督江南水運因捕寇黨行及臨江軍驍卒擊輕舟伺下江賊所止夜
發軍出城三鼓遇賊百餘拒敵久之悉梟其首又趨通州境上躡海賊賊繫衆舟張幕發勁弩短礮允恭兵刃
所向多爲幕所繫礮中允恭左肩流血及袖容色爛壯徐遣善泅者以繩連鐵鈎散擲之壞其幕士卒爭進賊
赴水死者大半擒數百人自是江路無剽掠之患以功轉洛苑副使管句江淮兩浙都大發運擊劄茶鹽捕賊
事賜紫袍金帶錢五十萬

四川都巡檢使張玘與王小波戰於江源縣玘射中小波頰旣而玘爲小波所殺小波亦病創死衆推其黨李
順爲帥張玘之死也其麾下兵四百餘人奔歸四川轉運使樊知古不受縱使亡去賊勢由是日盛衆至數萬
攻陷蜀中諸州殺官吏無數

〔五年〕初右諫議大夫許驥知成都府及還言於帝曰蜀土雖安其民浮窳易擾願謹擇忠厚者爲長吏使鎮撫之時東上閤門使吳元載實代驥爲成都元載頗尙苛察民有犯法者雖細罪不能容又禁民游宴行樂人用胥怨王小波起僞盜元載不能捕滅於是李順搆亂東上閤門使郭載受命知成都行至梓州有日者潛告載曰成都必陷公往亦當受禍少留數日則可免載怒曰天子詔吾領方面貼危之際豈敢遷延遂行先是李順引衆攻成都燒西郭門不利去攻漢州彭州連陷之載既入城賊攻愈急已城陷載與轉運使樊知古斬關而出帥餘衆奔梓州李順入據成都遣兵四出侵掠北抵劍關南距巫峽郡邑皆被其害

青城民王小波衆衆作亂在淳化四

年江源今崇慶州

靈州及通遠軍皆言趙保吉攻國諸堡寨侵掠居民帝聞之大怒決意討之命馬步軍都指揮使李繼隆爲河西兵馬都部署尙食使尹繼倫爲都監以討保吉帝聞李順攻剽劍南諸州命昭宣使河州團練使王繼恩爲西川招安使率兵討之軍事委繼恩制置不從中覆

通遠軍今蒙昌府

吏部尙書宋琪上書言邊事曰臣頃任延州節度判官經涉五年邊境之事熟於聞聽大約党項吐蕃風俗相類其帳族有生熟戶接連漢界入州城者謂之熟戶居深山僻遠者謂之生戶我師如入夏州之境宜先招到接界熟戶使爲鄉導其疆壯有爲者令去官軍三五十里踏白先行而步卒多持弓弩槍鎗隨之以三二千人登山偵邏俟見坦途甯靜可傳號勾馬遵路而行我皆嚴備保無虞也党項號爲小蕃非是勦敵誠如雞肋若

得出山布陳止勞一戰便可盪除深入則饋運艱難窮追則窟穴幽邃莫若緣邊州鎮分屯重兵俟其入界使
漁方可隨時掩擊非惟養勇亦足安邊矣又臣曾受任西川數年經歷江山備見形勝要害利州最是咽喉之
地西過枯柏江去劍門百里東南去閬州水陸二百餘里西北通白水清川是龍州入川大路鄧艾於此破蜀
其外三泉西縣興鳳等州並爲要衝請選有武略重臣鎮守之奏入帝寔寫其奏令李繼隆王繼恩擇利而行
左正言直昭文館王禹偁言淳化二年任商州團練副使之日故團練使翟守素兩曾夏州駐泊守素與臣同
看報狀見李繼遷進奉事因謂臣曰此賊未是由衷必恐終懷反側又言繼遷曾被左右暗箭射之面上創痕
尙存臣自聞此語存於心以爲此賊不必力除自可計取語曰重賞之下必有勇夫伏望曉諭蕃戎及部下逼
脅之徒邊上驍雄之士多署賞賜高與官資使左右生心蕃戎并力繼遷身首不梟卽擒恐小蕃力所不加則
少以官軍應援何必苦煩睿略多舉王師且自陝以西歲非大稔加之餽餉轉恐彫殘河北雖是豐登須修邊
備況此賊通連北敵朝廷具知周亞夫所謂擊東南而備西北正在此時也不可忽茲小豎弗顧連關利州今
廣元縣
枯柏渡嘉陵江之渡也在其西南過江而西南由牛頭白衛諸山則至大小劍山東南由驪堆玉女諸山則至
保嶺西北由白水關入龍安府景爲道北則留羌州三泉故縣在其西北又北則沔縣古西縣也其西北則略
陽古興州又東北則鳳縣矣

帝始聞成都陷召宰相謂曰豈料賊勢猖熾如此忍令隴蜀之民陷於塗炭朕當部分軍馬旦夕討平之遂命
少府少監雷有終監察御史裴莊並爲峽路隨軍轉運使工部郎中劉錫職方員外郎周渭爲峽路西至西川

隨軍轉運使馬步軍都軍頭王杲帥兵趨劍門崇儀使尹元帥兵由峽路以進並受招安使王繼恩節度李順分遣數千衆北攻劍門劍門疲兵纔數百都監開封上官正奮厲士卒出禦之會成都監軍宿翰領麾下投劍門與正兵合遂迎擊賊衆大破之斬馘幾盡餘三百人奔還成都順怒其殘衆悉命斬於京門外初朝廷深以棧路爲憂正等力戰破賊自是閣道無壘以正爲劍州刺史充劍門兵馬部署翰爲昭州刺史昭州疑舊置於昭化縣也趙保忠聞王師來討保吉乃先攜其母及妻子卒吏壁野外上言已與保吉解仇買馬五十四乞罷兵帝怒立遣中使命李繼隆移兵擊保忠於是繼隆兵壓境保吉反國保忠夜襲之保忠僅以身免走還城中資財器用保吉悉奪之初保忠遣其指揮使趙光嗣入貢光嗣頗輸誠款詔補供奉官再遷禮賓副使保忠勸靜光嗣必以聞及保忠陰結保吉光嗣潛知之因出家財散士卒誓以效順保忠既還光嗣執之幽於別所丁丑開門納我師繼隆入夏州擒保忠檻車送闕下收獲牛羊鎧甲數十萬保吉引衆遁去裨將侯延廣等議誅保忠及出兵追保吉繼隆曰保忠凡上肉耳當請於天子今保吉遠竄千里窮嶺難於轉餉宜養威持重未易輕舉也延廣等伏其言

帝聞趙保忠擒詔以趙光嗣爲夏州團練使高文舉爲綏州團練使削保吉所賜姓名復爲李繼遷初保吉徙綏州民於平夏文舉擊走之以綏州內屬故有是命帝以夏州深在沙漠本姦雄竊據之地將墮其城遷民於銀綏間因問宰相夏州建置之始呂蒙正等對曰昔赫連勃勃僭稱大夏蒸土築城號曰統萬順與關右爲

患若遂廢毀萬世之利也詔墮夏州故城遷其民於綏銀等分給官地長吏倍加安撫李繼隆聞朝議欲墮夏州遣其弟洛苑使繼和與監軍秦翰等入奏以爲朔方古鎮賊所窺覷之地存之可依以破賊并請於銀夏兩州南界山中增置保戍以扼其衝且爲內屬番部之蔽而斷賊糧運皆不報

平夏卽夏州

以右諫議大夫張雍仍知梓州盧斌領成州刺史陳世卿爲掌書記雍初聞李順亂西川卽謀爲城守計訓練城中兵又募彊勇共四千餘令官屬分主之輦綿州金帛以寶幣藏銷銅鐘爲箭鏑伐木爲竿紉布爲索守械悉備遣官請兵於朝旣而斌以十州之衆援成都弗克而雍卽委以監護之任子城先爲江水所毀斌諭民掘塹深丈引河水注之以環城李順遣其黨相貴帥衆二十萬來攻斌遂突出與賊戰賊大設梯衝夜攻城雍命發機石碎之火箭雜下賊稍卻復治攻具於城西北隅雍給曰軍士趨治裝吾將開東門擊賊賊陽遣步騎五百臨東門賊升牛頭山瞰城中見之謂雍必出乃設伏於山之東隅以待雍卽召敢死士百輩繼而下焚其攻具殆盡一日北風晝晦賊乘風縱火急攻北門雍與斌等領兵據門立矢石固守不動賊不能進世卿素習射當城一面親中數百人賊浸盛同募者皆謀自全世卿正色謂曰食君祿當委身報國奈何欲避難爲它圖邪亟白雍曰此輩皆怯懦存之適足惑衆不若遣出求援雍從其言時賊圍城凡八十餘日會王繼恩遣內殿崇班石知容分數千兵來救賊始潰去斌出兵追擊之降者二萬餘又破賊數萬衆解圍州圍斬三千人平達州於是雍使謂馳騎入奏帝手詔褒美自雍以下悉加賞

以少府少監田有終爲諫議大夫知成都府有終由峽路入蜀調發兵食規畫戎事皆有節制師行至峽中遇盜格鬪且行且戰進至廣安軍賊衆奄至鼓譟舉火士伍恐懼有終安坐櫺牀神氣自若賊既合圍有終引奇兵出其後擊之賊驚擾赴水火死者無算王繼恩之克劍州也西京作坊使周知節實爲先鋒繼恩賊其不附已遣守彭州配以募兵三百州之舊卒悉召還成都賊十萬衆攻城知節率兵力敵遠莫退守州靡慨然嘆曰死賊手非壯夫也卽橫槊潰圍而出休於郊外黎明救兵至復鼓譟以入賊衆敗去帝聞而嘉之曰賊盛兵少知節不易當也授益州鈐轄時繼恩雖拔成都郭門十里外猶爲賊黨所據僑帥張餘復嘯聚萬餘衆攻陷嘉戎遽渝涪忠萬開八州開州監軍江甯彝傳序死之初賊衆奄至傳序將士卒晝夜拒戰嬰城既久長吏皆奔投賊傳序謂士卒曰盡死節以守郡城吾之職也安可苟免乎城中乏食傳序盡出囊橐服玩市酒肉犒士卒而勉之衆皆感泣力戰旣而賊勢日盛傳序爲蠟丸帛書遣人間道上言臣盡死力戰誓不降賊城旣壞傳序投火死賊乘勢攻夔州列陝西津口矢石如雨先是帝遣如京使白繼賢爲峽路都大巡檢統精卒數千人晨夜兼行助討遺寇是月庚午繼賢入夔州出賊不意與巡檢使解守容腹背夾擊之賊衆大敗斬首二萬餘級流骸塞川而下水爲之赤丙子礮李順謀八人於鳳翔市六月白繼賢等捷聞帝降詔嘉獎奏傳序家寄荆湘聞其子與沂峽求其父尸比至夔州船覆而死咸謂父死於忠子死於孝至帝嗟惻久之錄傳序次子煦爲殿直以錢十萬賜其家

廣安軍今順慶府廣安縣戎今敘州渝今重慶萬今萬縣西津口在夔州府西

王小波李順之初作亂也朝議欲遣大臣慰撫參知政事趙昌言獨請發兵捕斬議久不決賊連陷邛蜀等州始命王繼恩等分路進討繼恩握重兵久留成都專以宴飲爲務每出入前後奏音樂又令騎兵持博局棊枰自隨縱所部剽掠子女金帛餘賊進伏山谷間郡縣有復陷者帝屢遣使督戰意頗厭兵先是參知政事蘇易簡薦樞密直學士張詠可屬西川事於是詔詠知益州得便宜從事是月張詠始至益州先是陝西課民運糧以給蜀師者相屬於路詠亟問城中所屯兵數凡三萬人而無半月之食詠訪知民間舊苦鹽貴而私鹽尙有餘積乃下鹽價聽民得以米易鹽民爭趨之未踰月得好米數十萬斛軍士驩騰時四郊尙多賊壘城門盡閉王繼恩日務宴飲不復窮討官支芻粟餉馬詠但給以錢繼恩怒曰馬豈能食錢邪詠曰草場焚蕩芻粟取之民間公今閉門高會芻粟何從而出若開門擊賊何慮馬不食粟乎詠已具奏矣繼恩乃不敢言會衛紹欽以書來督捕餘寇繼恩始令兵四出紹欽等連破賊衆達克州繼恩寄送賊三十餘輩請詠治之詠悉遣令歸業繼恩怒詠曰前日李順僑民爲賊今日詠與公化賊爲民何有不可哉繼恩有帳下卒恃勢掠民財或訴於詠詠密戒曰得卽縛置井中勿以來也更如其戒繼恩不敢恨其黨亦自斂戢云繼恩既分兵四出詠計軍食可支二歲乃奏罷陝西運糧帝喜曰此人何事不能了朕無慮矣

王繼恩御軍無政其下恃功暴橫張詠恐軍還日有意外之變乃密奏請遣腹心近臣可以彈厭主帥者亟來办屯師旅命樞密直學士張鑑西京作坊副使馮守規偕往召對後苑門面授方略鑑曰益部新復卒驍不和

若即使者曠至易其戎伍慮或猜懼變生不測請假臣安撫之名帝稱善鑑之行帝付以空名宣頭及廷臣數人鑑至興師即遣部戍兵出境繼恩麾下使臣亦多遣東還舊繼恩討捕殘寇而鑑等招輯反側蜀民始安

〔至道元年〕度支判官陳堯舉堯鼎上言自漢魏晉唐以來於陳許鄧穎暨蔡宿毫至於壽春用水利墾田陳迹具在望選務古通方之士分爲諸州長吏兼管農事大開公田以通水利發江淮下軍散卒及募民以充役每屯十人人給牛一頭治田五十畝雖古制一夫百畝今且墾其半俟久而古制可復也畝約收三斛歲可得十五萬斛凡七州之間置二十七屯歲可得三百萬斛因得益之數年必致倉廩充實可省江淮漕運其民田之未闢者官爲種植公田之未墾者募民墾之歲登所取其數如民間主客之例此又敦本勸農之要道也帝覽奏嘉之即遣大理寺丞皇甫選光祿寺丞何亮乘傳往諸州案視經度其事

遼招討使韓德威率數萬騎自振武南侵永安節度使折御卿率親騎邀之大敗其衆於子河汭悉委其輜重而遁捷聞帝謂左右曰契丹輕進易退朕常誠邊將勿與爭鋒待其深入分兵以邀其歸必無遺類今果如吾

言

永安軍今府谷縣子河汭
疑在歸化城土默特南

李繼遷遣銀州五部押衙張浦來貢帝令衛士數百輩射於崇政殿庭召浦觀之先是李延信遣帝賜繼遷動弓三皆力一石六斗繼遷意欲示威戎裔非有人能輓也至是士皆引滿平射有餘力浦大駭帝笑問浦戎人敢敵否浦曰蕃部弓弱矢短不敢敵也帝因謂浦曰戎無可戀繼遷何不束身自歸永保富貴

永安節度使折御卿被病遼講知之韓德威復爲李繼遷所誘遂率衆入邊以報子河欽之役御卿與疾而行德威聞其至頓兵不敢進會疾甚其母遣親信召御卿歸就醫藥御卿曰世受國恩疆寇未滅御卿之罪也臨敵安可棄士卒自便死於軍中乃其分耳爲白太夫人無念我忠孝豈得兩全言訖泣下翼日卒帝聞痛悼久之贈侍中以其子惟正爲洛苑使知府州事御卿累世邊將習知蕃夷情狀常欲立功以報恩朝廷亦以麟府逼近戎裔倚爲一面捍蔽自子河欽之戰邊部喪氣不敢深入

（二年）帝初命白守榮護送獨粟四十萬於靈州李繼遷邀擊於浦洛河守榮衆潰還餉盡爲繼遷所奪帝怒夏四月甲戌以李繼隆爲環慶十州都部署將兵討之李繼遷帥萬餘衆寇靈州圍城歲餘地震二百餘日城

中糧輒皆絕中使賈神寶潛遣人市糴河外宵運以入聞出兵擊賊卒全其城

蒲洛河靈州東南

遼太妃之領兵撫定西邊也委軍事於招討使蕭達蘭

舊作捷覽今改

達蘭留意人才時耶律昭坐兄國留事流西北

都達蘭與語愛之禮致門下欲召用以疾辭達蘭問曰今三邊晏然惟準布

舊作阻卜今改

伺隙而動討之則路遠難

至縱之則邊民被掠增戍兵則糧餉不給欲苟一時之安不能終保無變計將安出昭以荅曰夫西北諸部

每當農時一夫爲僕候一夫治公田二夫給糶官之役大率四丁無一室處芻牧之事仰給妻孥一遭寇掠貧

窮立至春夏賑卹更多雜以糠粃重以倍克不過數月又復告困且畜牧者富國之本有司防其隱沒衆之一

所不得各就水草營地兼以逃亡戍卒隨時補調不習風土故日瘠月損馴至耗竭爲今之計莫若賑窮薄賦

給以牛種使墾耕獲量游兵以防盜掠頒俘獲以助伏臘散畜牧以就便地期以數年富強可望然後練簡精兵以備行伍何守之不固何動而不克哉然必去其難制者則餘糧自畏若會大而謀小避強而攻弱非徒虛費財力亦不足以服其心此二者利害之機不可不察昭聞古之名將安邊立功在德不在衆故謝元以八千破苻堅十萬休格以伍隊敗曹彬十萬夏由恩結士心得其死力也遼蘭從其言卒能成功

潘布疑即今科布多

太常博士直史館陳靖上言古者疆幹弱枝之法必先富實於內今京畿周環二三十州幅員數千里地之藝者十才二三稅之入者又十無五大國用不充民食不足望擇大臣一人有深識遠略者兼領大司農事典領於中又於郡吏中選才智通明能撫民役衆者爲副執事於外自京東西擇其膏腴未耕之處申以勸課借開曠之地募游惰之民別置版圖便宜從事酌民力之豐寡相廩畝之礪瘠均配畀之無煩督課耕桑之外更課令益種雜木蔬果孳畜羊犬雞豚俟至三五年間生計成立有家可戀有土可懷卽計戶定征畧田輸稅斯實敦本化人之宏略也帝覽奏召對獎諭令條奏以聞尋以靖爲勸農使案行陳許蔡潁襄鄧唐汝等州勸民墾田以大理寺丞皇甫選光祿寺丞何亮副之未幾三司以爲費官錢多水旱恐遂散失其事遂寢

夏州延州行營言兩路合勢破賊於烏白池斬首五十級生擒二千餘人賊首李繼遷遁去先是帝部分諸將攻討李繼隆自環州范廷召自延州王超自夏州丁罕自慶州張守恩自麟州凡五路率兵抵烏白池皆先授以方略師已有期銀夏鈐轄盧斌求對懇言曰蕃族馬騁兵悍來往無定敗則走他境疾戰沙漠非大兵所利

不若堅保靈州於內地多積芻粟以師援送苟其至也虜兵首尾擊之庶幾無枉費且不失固圉之策帝不從改授斌環慶鈐轄領兵二萬爲繼隆前鋒斌謂繼隆曰靈州趨烏白池月餘方至若自環州窺馳路才十里程耳繼隆因遣其弟繼和馳驛上言赤檀路回遠乏水請自清岡峽直抵繼遷巢穴不及援靈州帝怒召繼和於便殿詰之曰汝兄如此必敗吾事矣因手書切責繼隆命引進使瀛州周瑩詣軍前督之瑩至繼隆已便宜發兵矣既而與罕兵合行數十日不見賊引軍還張守恩見賊不擊率兵歸本部獨超廷召至烏白池與賊大小數十戰雖頻克捷而諸將失期士卒困乏終不能擒賊焉時超子德用年十七爲先鋒部萬人戰鐵門關斬首十三級俘掠畜產以萬計及進師烏白池賊銳甚超不敢進德用請乘之得精兵五千轉戰三日賊既卻德用曰歸師迫險必亂乃領兵距夏州五十里先絕其險下令曰敢亂行者斬一軍肅然超亦爲之案轡敵驕其後望見隊伍嚴整不敢近超撫其背曰王氏有子矣

烏白池在靈州南自環縣北案駝路又北曰清岡嶺又北美利寨漸入戈壁入平夏路北卽蒲洛河矣赤檀路在靈州東南鐵門關宜在池東北

（三年）戶部使張鑑調陝西諸州軍儲鑑上疏曰伏見關輔之民數年以來併有科役畜產蕩盡室廬頓空今若復有差率益致流亡縱使驅迫而前復恐逗撓而潰願陛下特垂詔旨無使重勞因茲首春俾務東作況靈州一方僻居塞外雖曰西陲之要地實爲中夏之藪區竭物力以供須困甲兵而援送事當慮深患宜預防若待川決而後隄火熾而方戢則焚溺之患深矣雖欲拯救其可得乎

八月西川戍卒劉旻叛攻掠蜀漢等州益州鈐轄馬知節領兵三百追擊之招安使上官正飛符召知節還成都計議知節曰賊已數千少緩之勢費必倍不如急擊破之必矣即率所部前進正亦尋至共擊旻旻其黨悉平旻自起至滅凡十日正始籌出兵意知益州張詠以言激正將行仍盛爲供帳餞之酒酣畢詠謂諸軍校曰爾旻俱有親屬在京畿國厚恩無以報此行當亟殄賊無使越逸若師老曠日卽此地爲死所矣正由是倍道力戰及凱旋詠迎勞大出金帛行賞衆皆悅服

知揚州王禹偁奉詔上疏言五事其一曰謹防邊邊盟好使羣運之民有所休息方今北有契丹西有繼遷戍兵餽餉固難緩停關輔之民倒懸尤甚宜敕封疆之吏致書遼人請尋釁好下詔赦繼遷罪復與夏臺彼必感恩內附且使天下知陛下屈己而爲人也其二曰減冗兵併冗吏使山澤之饒稍流於下當乾德開寶之時土地未廣財賦未豐然而擊河東備北鄙國用亦足兵威亦彊自後盡取東南數國又平河東土地財賦可謂廣矣而兵威不振國用轉急其義安在兵冗而不盡銳將衆而不自專故也臣愚以爲急經制兵賦如開寶中則可高枕而治矣開寶中設官至少一州止有刺史一人司戶一人當時未嘗闕事自後有團練推官一人又有通判副使判官推官而監庫監酒樞稅算又增四員曹官之外更益司理問其租稅減於曩日也問其人民逃於昔時也冗吏耗於上冗兵耗於下此所以盡取山澤之利而不能足也夫山澤之利不可棄也亦不可盡卽如茶法從古無稅唐元和中以用兵齊蔡始建其法唐史稱是歲得錢四十萬實東師以濟今則數百萬矣民

何以堪三曰艱難選舉使入官不濫太祖之世每歲進士不過三十八人經學五十人諸侯不得奏辟士大夫罕有資蔭故有終身不獲一第沒齒不獲一官者先帝在位將逾二紀登第殆近萬人不無俊秀之才亦有容易而得臣愚以爲數百年之艱難故先帝濟之以泛取二十載之需澤陛下宜糾之以積章望以舉場還有司如故事至於吏部銓官亦非帝王躬親之事太祖以來始令後殿引見因爲常例以至先朝調選之徒多求僥幸宜以吏部還有司依格敕注擬其五曰親大臣遠小人使忠良蹇諤之士知進而不疑姦險傾巧之徒知退而有憾疏奏卽召禹偁還朝既用其策以夏綬銀宥靜五州賜趙保吉翼日命禹偁守本官復知制誥

（真宗咸平元年）直集賢院田錫出知泰州未之任會是變錫上疏言李繼遷不合與夏州又不合呼之爲趙保吉以臣愚蒙料彼變詐必不肯久奉朝命永保塞垣是時事外誤之大者又言密院公事宰相不得與聞中書政事樞密使不得與議致兵謀不精國計未善去年靈州之役關西民無辜而死者十五萬餘咎將誰執此政化壅蔽之大者也疏奏卽日召對謂曰卿第去不半歲召卿歸矣事當面論者聽乘傳赴闕再遣中使賜與甚厚

遼裕悅舊作于越今改宋國王耶律休格舊作休哥今改薨輟朝五日休格有公輔器及膺邊要重任知略宏遠料敵如神每戰勝驍功諸將故士卒樂爲用身更百戰未嘗戮一無辜高粱河之捷尤爲南軍所畏白溝以南欲止兒啼輒曰裕悅至矣休格以燕民疲弊省賦稅恤孤寡戒戍兵無犯宋境雖馬牛逸於北者悉還之邊境以甯遼主詔

立祠南京

（二）五月辛樞密使曹彬第聞疾賜白金萬兩問以後事對曰臣無事可言臣子瓌瑋材器皆堪任將帥又問其優劣曰瓌不如瑋先是知雄州何承矩奏邊謀入邊帝以問彬對曰太祖英武定天下猶委孫全興經營和好陛下初登極時承矩常發書道意臣料北鄙終復成和好帝曰此事朕當屈節爲天下蒼生然須執紀綱存大體卽久遠之利也嘗有詔聽民越拒馬河抵契丹中市馬承矩言緣邊戰權司自淘河至泥姑海口屈曲九百里許天設險固其地利也太宗置塞二十八鋪百二十五命廷臣十一人戍卒三千餘部舟百艘往來巡警以屏姦詐則緩急之備大爲要害今聽公私買市則人馬交度深非便宜若然則塞鋪爲虛設矣帝納其言

卽停前詔

甘淘河自山西平定州流入井陘縣爲治河泥姑在天津縣

樞密使兼侍中曹彬卒帝臨其喪哭之慟贈中書令追封濟陽郡王諡武惠彬仁恕清謹被服雅同儒者尤疏財未嘗聚蓄伐二國秋毫無所取位兼將相不以等威自異造其門者皆爲掛客不名下吏每白事不冠不見其爲藩帥遇朝士於途必引車避之過市則戒囑御不令傳呼北征之失律也趙昌言表請行軍法及昌言知杭州還因事被劾不得入見彬在宥密達爲帝請乃許朝謁彬歸休閉閣門無雜賓保功名守法度近代良將稱爲第一

祕書丞何亮初通判永興軍詔與轉運使陳緯同往靈州經度屯田及還乞召對因上安邊書曰臣竊料今之

讓邊事者不出三途以靈武居絕塞之外宜廢之以休中國飛輓之費一也輕議興師深入窮追二也厚之以恩守之以信姑息而羈縻之三也臣以爲靈武連隔塞外有飛輓之勞無毫髮之利然地方千里表裏山河水甘土厚草木茂盛真牧放耕戰之地一旦捨之以資西戎則以豺狼之心據廣饒之地以梗中國此西戎之患未可量者一也自環慶至靈武僅千里西域戎人剖分爲二故地險勢弱不能爲中國之大患如捨靈武則西域戎人合而爲一此西戎之患未可量者二也冀之北土馬之所生自契丹分據之後無匹馬南來備征帶甲之騎獨取於西戎之西偏如捨靈武復使西戎合而爲一夏賊桀黠服從諸戎俾秦涇儀渭之西北戎人復不得貨馬於邊郡則未知中國戰馬從何而來此西戎之患未可量者三也若夫深入窮追則夏賊度勢不能抵抗必奔遁絕漠王師食盡不能久留師退而賊復擾此輕議興師之不利者一也寇至而不戰則邊郡被其害寇至而戰則邊郡之兵不足以當西戎之衆此輕議興師之不利者二也清遠西北曰旱海蓋靈武要害之路而白馬二將奔敗之地也如王師薄伐無功而還則夏賊必據要害之路以阻絕河西糧道此輕議興師之不利者三也自國家有事於西戎關右之民未能息肩而一旦薄伐無功河西路阻則必幹運飛輓大興征討以通糧道疲民重困盜賊多有此輕議興師之不利者四也若示恩信姑息而羈縻之則戎人貪狃無厭雖存臣事之名終多反覆之志必將服從諸戎爲中國大患此不可一也自白馬二將奔敗之後夏賊得志擇靈武山川之險而分據之使河外膏腴之地而環關之逼近城池意在吞噬譬猶伏虎見便則動如國家止以恩信羈縻

之則一朝之患卒然而作此不可二也夫以三患四不利二不可爲防邊之重既未見其可則在臣愚慮不出二策自清達至靈武有薄樂有離德蓋水草之地爲河西之糧道而悉有古城之迹存焉夏賊西掠諸戎則此其要害之路故每揚言曰朝廷如修薄樂城我必力爭如以修清達爲名而時納修城形字之具延環清達多積軍儲且以數歲漸計之使民無所傷而賊不能知一旦興師數萬以城薄樂朝發清達日未中而至其師則戰士三居其一以備寇也役卒三居其二以荷器具而齎軍儲也計城之功不過十日而使戰士自齎三日糧則城畢功而食有餘矣又曰國家之城薄樂也必潛師于延環清達以觀賊之變宜分環州清達爲二道一道傍山而北軍于賊之後一道過長嶺直趨薄樂軍于賊之前而使城薄樂之兵軍其中賊以薄樂孤軍悉衆來寇而卒然三軍鼎峙則其心駭矣又令延州之師入其境毆其畜產俘其老弱而空其巢穴靈武之衆收河外之地復賀蘭之境杜三山之口以斷其奔路則其衆必起擁蹙之志其將必無制勝之方而獨使保吉筌點志在決戰能無敗乎破而擒之此萬世之功也

永興軍今西安府備州今平涼府華亭縣清達在甯夏府東此清達恐作通遠今環縣也自環縣東北過青岡嶺其北美利寨

寨北則戈壁也古曰離海即皋海其東北趨夏州北則鹽州西北則羅德城又西北則清遠城又西北則靈州薄樂即蒲洛河今甜水堡北之河古高平河東之支流也

遼主如南京以皇弟梁王隆慶爲先鋒率師南伐樞密都承旨王繼英以契丹大入請北巡帝納之九月丙戌命繼英馳傳詣鎮定高陽關路親行宮頓置宣慰將士初傅潛遣先鋒田紹斌石晉等戍保州曹瑒與知州楊嗣謙出兵擊敵及夜曹嗣未還紹斌疑其敗卽領衆援之曹嗣果爲敵所困渡嚴涼河頗喪師徒及紹斌至

卽合勢疾戰斬首二千餘級獲馬五百匹遼師攻遂城城小無備衆兇懼楊廷朗策丁壯護守時沍寒延朗命汲水注城外及旦冰堅不可攻遼師解去蕭繼遠攻狼山鎮石砦破之如京使柳開上言臣蒙陛下自代州移知忻州每見北界賊明人言契丹排比南侵又聞河北邊上屯結甚衆數侵犯雁門甯化等軍度其陰謀必不輕退深恐大寒之際轉肆衝突臣愚乞陛下速起聖駕徑至鎮州躬御六師奮揚威武勿生遲疑之慮勿聽猶豫之謀周世宗及我太祖太宗近事皆可法也況陛下諒陰三年禮無違者復此順動其誰敢當聖駕若過河北契丹當自引退四方無思不服正在此舉矣詔以邊境驛驢取來月暫幸河北以宰相李沆爲東京留守潁州刺史李著爲大內都部署權知開封府魏羽判留司三司鹽鐵使陳恕爲隨駕轉運使甲寅車駕發京師辛酉宴從臣於行宮以王超等爲先鋒仍示以陳圖俾識其部分甲子次大名府帝御鐵甲於中軍樞密使王顯副使宋遶分押後陳橫亙數十里

鎮定卽眞定保州今保定府嚴涼河卽清苑河遶城在安肅西鎮山在昌平州東北四十里疑太迂遠恐在今安肅縣界

初河北轉運使裴莊屢條奏傳潛無將略恐失機會樞密使王顯庇之奏至輒不報潛屯於定州緣邊城堡悉飛書告急潛畏懼閉門自守將校請戰者輒醜言晉之遼師既破狼山寨遂引兵趨甯邊軍及邢趙大縱鈔劫游騎出邢洛間百姓驚擾攜挈老幼爭入城郭鎮定路不通者踰月朝廷屢問遣使督潛會諸路兵合擊其都監秦翰及定州行營都部署范廷召等屢促之皆不聽廷召怒因詰潛曰公恒怯乃不如一驅耳促之不已潛乃分騎八千步二千付廷召令於高陽關逆擊仍許出軍爲援卒還適不發丙子詔百官各上封章直詣邊

事于是工部侍郎集賢院學士錢若水言傅潛領數萬雄師閉門不出坐視契丹俘掠生民上則辜委注之恩下則挫銳師之氣軍法曰臨陣不用命者斬今若申明軍法斬潛以徇然後擢取如楊廷朗楊嗣哲五七人增其爵秩分授兵柄不出半月可以坐清邊塞然後鑾輦還京則天威懾於四海矣右司諫梁顥亦言用兵之道在明賞罰兵法曰罰不行則譬如驕子不可用也昨者命將出師乘秋備塞而傅潛奉明詔擣賊兵還境無謀還延既寇以致邊塵震驚聖主櫛沐此所謂以賊遺君父者也以軍法論合斬潛以徇軍中降詔以示天下

軍情野語也

(三年)益州戍卒趙延順等爲亂擊殺鈐轄符昭壽據甲仗庫取兵器是日益州官吏方賀正旦聞變皆奔竄知州牛冕及轉運使張適緝城出奔惟都巡檢使劉紹榮冒刃格鬪延順等即欲率紹榮爲帥紹榮擐弓大罵曰我燕人也比歸大朝肯與汝同逆邪亟殺我延順等亦不敢加害都監王澤開雙召王均謂曰汝所部兵亂曷自往撫之延順見均至即率衆踴躍奉均爲主指揮使孫進不從殺之紹榮縊死均僞號大蜀署置官稱以小校張錡爲謀主率衆陷漢州牛冕等奔東川

遼師至瀛州范廷召自中山分兵禦敵結方陳以出遼梁王隆慶問諸將誰敢當者蕭柳曰若得駿馬則願爲之先隆慶授以中騎柳擐帶謂諸將曰陳若動諸君急攻遂馳而前陳少移隆慶乘勢攻之廷召軍遂亂柳中流矢翼創而戰衆皆披靡先是廷召乞援於高陽關都部署洛陽康保裔即選精銳赴之至瀛州西南襲邳廷

召約以詰朝合戰及夕廷召潛師遁保裔不之覺通明遼師圍之數重左右請易甲突圍出保裔曰臨難無苟免此吾效死之日矣遂大呼決戰凡數十合兵盡矢窮士卒以勁弩擊敵殺傷甚衆而援兵不至與都將宋順俱被執高陽關鈐轄張凝高陽關副都署李重貴率援兵從後至亦爲遼師所圍力戰乃得出遼師遂自獮掠濟河掠淄齊而去行營都部署傅潛都鈐轄張昭允並削奪官爵潛流房州昭允通州錢若水等譴潛等罪當斬詔特貸其死中外無不憤惋遼師退帝使員冀行營副都署王榮以五千騎追躡之榮受命惓快數日不敢行伺遼師渡河而後發遼師剽淄齊者數千騎尙屯泥沽榮不欲見敵遂以其騎略河南岸而還范廷召遣使告捷言大破契丹於莫州奪還所掠老幼及鞍馬兵仗無算廷召以功加檢校太傅餘將校恩賜有差李重貴歎曰大將陷歿而吾輩計功何面目也

王均自漢州引衆攻綿州不能克直趨劍門先是知劍州李士衡聞寇作以城難守卽焚倉庫運金帛東保劍門是日均至士衡與劍門都監裴瓌逆擊敗之斬首數十級揭榜招降脅從者得千餘人悉置麾下均衆乏食疲弊不敢由故道徑由陰平還成都帝聞均反以工部侍郎雷有終知益州兼提舉川峽兩路軍馬并命李惠石普李守倫並爲川峽兩路捉賊招安使帥步騎八千往討之初知蜀州楊懷忠聞成都亂卽調鄉丁會諸州巡檢兵刻期進討攻成都先鋒自北門入遂燒子城時王均從劍門還猶未至懷忠與賊將崔照曹麻胡等陳於江濱廟前自晨至夕戰數合懷忠兵勢不敵引衆退保江原楊懷忠檄嘉州七州調軍士民丁再攻成都時

均方遣趙延順攻邛蜀州懷忠逆擊之賊稍却懷忠與轉運使陳緯退軍梓潼背水列陳禦於楷木橋南以捍邛蜀之路賊黨三道來攻出官軍後焚江原神祠斷邛蜀援路懷忠三道分兵以抗之斬首五百餘級驅其衆入皂江獲甲弩甚衆乘勝逐賊至成都南十五里寨於雞鳴原以姚王師均亦開成都東門以自固緇漢龍劍都巡檢使張忠鈞引兵克復漢州留有終等與忠鈞帥大軍進討列寨升仙橋賊衆來襲有終擊走之均開益州城僞爲遁狀有終與上官正石普等率兵徑入李繼昌疑有儲亟止之不聽因獨還官軍多分剽民財部伍不肅賊閉關發伏布牀榻於路口官軍不得出頗爲賊所殺李惠死之有終等緣操而墜獲免遂退保漢州益州民人逃走邨落賊皆遺騎追殺或囚繫入城支解族誅以恐衆均又脅士民僧道之少壯者爲兵先刺手背次髡首次黥面給軍裝令乘城與舊賊黨相間有終乃揭榜招脅從者至則於其衣袂署字釋之日數百計楊懷忠度賊衆復南出引所部屯於合水尼浣花等處樹機石設籠離以拒之有終等復入漢州遣軍列寨彌牟鎮賊黨來攻有終擊敗之斬首千餘級

江漢廟卽江原神祠梓潼橋木橋早江雞鳴原舊在成都城南升仙橋在城北合水星在西南浣花在城西彌牟鎮在新都縣北三十里

帝以手詔訪知開封府錢若水備禦邊之策若水上言曰臣聞唐室三百餘祀魏博一鎮戍兵少於今時而無邊患者何也蓋當日幽薊爲唐北門命帥屯兵扼其險阻是以邊馬不敢南牧自晉祖創地之後朝廷自定州西山東至滄海千里之地皆須應敵是以設三關分重兵以鎮之少失隄防則戎人內侵晉末直渡長河漢初

屢侵邊徼周祖在位復擬中山世宗臨朝來寇上黨此皆見於史氏陛下之所明知也臣愚以爲不得幽州城

敵不可滅今之急務一曰擇郡守二曰募鄉兵三曰積芻粟四曰革將帥五曰明賞罰略陳大綱如可施行則當詳具條奏

知雄州何承矩上言曰臣聞兵家有三陳日月風雲天陳也山陵水泉地陳也兵車士卒人陳也今用地陳而設險以水泉而作固建設陂塘互連滄海縱有邊騎何懼奔衝昨者契丹入邊高陽一路東負海西抵順安土庶安居卽屯田之利也今順安至西山地雖數軍路才百里縱有邱陵岡阜亦多川瀆泉源備因而廣之制爲塘隄則可戢敵騎恩邊患矣今緣邊守將多非其才伏望選擇疆吏出牧邊民厚之以俸祿使悅其心借之以威權使嚴其令然後深溝高壘秣馬厲兵爲戰守之備來則禦之去則備之如此則邊地安堵矣且邊鄙之人多負壯勇識外蕃之情僞知山川之形勢望於邊郡置營召募不須等其人才止求少壯武力令及萬人俟契丹有警任知勇將統而用之乃中國之長策也

順安軍今高陽縣也

初供備庫副使李允則知潭州將行帝召謂曰朕在南衙畢士安道卿家世今以湖南屬卿允則始至州大火民無居舍多凍死允則亟取官竹假民爲屋及春而償民無流徙官用亦不乏焉氏暴斂州人歲出絹謂之地稅及潘美定湖南計屋每間輸絹三尺謂之屋稅營田戶給牛歲輸米四斛牛死猶輸絹之枯骨稅民輸茶初以九斤爲一大斤後益至三十五斤允則請除之稅茶則以十三斤半爲定制又山田可以時禾而民惰不耕乃下令月給馬芻皆輸本色由是山田悉墾會歲饑欲發官廩先賑而後奏轉運使以爲不可允則曰須報必

踰月則饋者無及矣不聽明年又饋復欲先服轉運使因執不可允則請以家貲爲質乃得發饋贖因募餉民堪征役者錄軍籍得萬人轉運使請發所募兵禦邵州豐允則曰今豐不擾無名益戍是長邊患也且兵皆新募饑瘠未任出戍遂奏罷之至是民列允則治狀詣安撫使者請留使者以聞詔書嘉獎帝曰畢士安不隱知人矣

鄆州今
實慶府

王均自升仙橋之敗撤橋塞門雷有終等率官軍直抵城下造梯衝獨車攻具遣諸將分路攻城賊盡驅凶黨以拒官軍趙延順中流矢死然每攻城則雨甚城滑不能上官軍爲洞屋以攻城賊鑿地道出掩之多溺礮中死軍勢小衄賊大宴其陳吹之聲達於城外時方暑瀉攻城者多被疾有終市藥他州自合以療之詔復遣入內副都知秦翰爲兩路捉賊招安使翰既至與有終協議於城北魚橋別築土山是月克城北羊馬城遂設鴈翅勢敵棚覆洞車以進逼其城賊亦對設敵棚號喜相逢樓九月戊寅官軍焚其敵樓賊氣始奪乃築月城自因均多爲藥矢射官軍中者必死有終募敢死士穴城間道殺斃聚燧而入悉焚其守具甲午令東西南寨鼓譟攻城有終與石普分主二洞屋以進普乃穴城爲暗門門成賊攢戟擁路衆未敢進有二卒出請行許以厚饒乃麾戈直衝之賊鋒稍却遂克其城有終登城樓下瞰賊猶以餘衆塞於天長觀前密設礮架於文翁坊高繼勳曰轉運使馬莊願得糴糶油枋合衆執長戟巨斧秉炬以進悉焚之楊懷忠又焚其天長觀前寨迨至大安門復敗之前後殺賊三千餘人是夕均突圍而遁有終疑有伏遣人於街郭縱火諸朝與秦翰登門樓牙

更有受官職者捕得立樓下乃積薪於旁層火其上焚索受僞署者命左右捧投火中自辰至晡焚數百人頗爲冤酷李繼昌嚴戒部下無擾民者獲婦女童幼置空寺中分兵守衛事平遣還其家冬十月均自成都趨富順監所過貧民斷橋塞路焚倉庫而去有終先命懷忠領虎翼軍追之後二日石普繼往以全軍爲後援均黨至富順監將結筏渡江趨戎瀘蠻懷忠距富順六十里於楊家市少憩賊衆在後者邀戰懷忠遣親信五騎登高原覘賊懷忠語左右曰縱賊渡江後悔無及石侯將至當以奇兵取之乃臨江列陳擊之賊衆散走有擊舟將渡江而遁者懷忠合彊弩射之溺者數艘懷忠張旂鳴鼓入城均方在監署其黨多醉均竊感益死虎翼軍校魯斌斬其首以詣懷忠又獲僞僞法物旌旗甲馬甚衆擒其黨六十餘人逆徒殲焉懷忠旋軍出北門石普始至率均首馳歸成都梟於北市有終遣官馳奏益州平是役也楊懷忠之功居最爲石普所掩帝廉得

其狀擢懷忠崇儀使領恩州刺史

富順監今富順縣

初濮州有盜夜入城略知州王守信監軍王昭度知黃州王禹偁聞之以爲國家武備不修故盜賊竊發近輔因奏疏曰易曰王公設險以守其國又曰重門擊柝以待暴客傳曰預備不虞古之善教也自五季亂離各據城壘繕治兵甲豆分瓜剖七十餘年太祖太宗削平僞僞當時讀書者乃令江淮諸郡毀城隍收兵甲撤武備者三十餘年書生領州大郡給二十人小郡減五人以充常從號曰長吏實同旅人名爲郡城蕩若平地雖則尊京師而抑郡縣爲疆縣弱枝之術亦匪得其中道也救弊之道在乎從宜漢高懲秦郡縣之失封建其子弟

及七國勢疆文景乃行削奪唐德宗乘安史厭兵遂有貞元姑息之政憲宗視齊蔡巨猾遂有元和討賊之議
蓋見幾而作爲社稷建國疾若轉規不可膠柱今江淮諸郡大患有三城池墮圯一也甲仗不完二也兵不服
習三也漢賊之興慢防可見望陛下特行神斷參之廟算如且因而修治不欲張皇凡江浙荆湖淮南福建等
郡約民戶聚募城池大小並許量本城守捉軍士三五百人勿令差出止於城中閱習弓劍然後漸募城壘繕
完甲冑郡國張禦侮之備長吏免黜略之虞疏奏帝嘉納之

〔四年〕召西川轉運使兵部員外郎馬亮入朝問以蜀事初留育終既平賊誅殺不已亮多所全活城中米斗
千錢亮出廩米裁其價人賴以濟及至京師會械送爲賊所誑誤者八十九人知樞密院事周瑒欲盡誅之亮
言愚民苟從者衆此特百之一二餘皆竄伏山林若不貸此則反側之人聞風疑懼一唱再起是滅一均生一
均也帝悟悉宥之二月加直史館復遣還部時諸州鹽井歲久泉涸而官督所負課繫捕者州數百人亮盡釋
之而廢其井又除屬郡舊遺官物二百餘萬

遼主如南京冬十月己亥南伐壬寅次鹽溝丁未命皇弟梁王隆慶統先鋒軍以進甲寅北面前陳鈐轄張斌
與遼師遇於長城口時積雨遼人弓用皮弦皆緩濕斌擊敗之漸近界首遼伏騎大起而三路統帥未及進前
陳兵少爲遼師所乘退保威魯軍詔高陽三路兵增騎二萬爲前鋒又命將五人各領騎三千陳於先鋒之
別命莫州都部署桑贊領萬人居莫州順安軍爲奇兵以備邀擊北平寨部署荆嗣領萬人以斷西山之路丙

實遼主以泥湍命班師十一月丙子王顯奏前軍與契丹戰大破之戮二萬餘人獲其統軍鐵林

鐵林營在順天府西南長

城口在易州西南安肅縣西安肅縣即威魯軍也順安軍今高陽縣也

先是邊臣議城綏州大屯兵積穀以遏虜項朝臣互執利害久未決帝以境土遐邇不可適度乃命比部員外郎洪湛閤門祇候程順等同往案視時靈州孤危詔議議守之宜知制誥楊億即日奏疏請棄靈州退保環慶帝訪於左右咸以爲靈武乃必爭之地苟失之則緣邊諸州亦不可保帝頗然之宰相李沆奏曰若繼遷不死靈州必非朝廷所有莫若發單車之使召州將部分戍卒居民委其空壘而歸如此則關右之民愚肩矣閤月洪湛等使還言城綏州其利七而害有二丙戌詔築綏州城

綏州今綏德州

〔五年〕初慶州發兵護駕歸靈州殿中丞鄭文寶素知西邊山川險易上言必爲繼遷所敗已而轉運使曉繼果沒於賊賊進陷清遠軍文寶時居母喪卽命相府召文寶詢其策略文寶因獻河西隴右圖且言靈州可棄於是遣王超西討詔起復文寶爲工部員外郎同勾當陝西隨軍轉運使事

以丁謂爲靈州路轉運副使初王均叛朝廷調施鵬高溪州蠻子弟以捍賊既而熟山川道路反入爲寇攻州縣掠民男女入溪洞久不能定詔以謂爲轉運使委之經制至則命罷兵自入溪洞每渡水輒減從吏卒比至巢自徙者不過三二人蠻人服其恩信皆大喜其首領田彥伊以下送出迎謁以牛酒勞謂謂留與之飲食歡甚喻以禍福且言赦不殺彥伊等感泣願世奉貢謂娶與俱至靈州每渡水亦使之減所從蠻人如謂入時及

館謂與之錦袍銀帛有差盛具燕之饗會皆大悅比數日請歸不許而遇之益厚間使人謂之曰公欲得所掠漢民男女若等誠能自請歸之公必喜遣若去矣蠻酋乃詣歸所掠漢民男女謂與之約每歸一人與絹一匹於是凡得萬餘人及歸又自臨送之蠻酋皆感泣辭訣乃作誓刻石柱立境上謂度峽內至荆南宜備蠻險阨之地悉置寨籍居人使自守有事則皆會禦賊無事則散歸田里留守望者數人而已又以忠萬等州兵食不能自給乃置忠萬等州營於夔州使其軍就食有事則歸於其州峽之諸州施尤近蠻食嘗不足而道狹難饋有鹽井之利而亦難致故售者少謂乃度巫山縣每三十里置鋪鋪置卒三十人使往者負粟以次達施州近者負鹽以次達巫山凡商人之得鹽巫山者比得之他州減勞費半乃令欲巫山鹽者皆入粟於施州於是施州得粟與他州等詔特選謂戶部員外郎時溪蠻別種有入寇者謂遣彥伊等帥其徒討擊且出兵援之凡擒生蠻八百六十得所掠漢口四百餘復上言黔南蠻族多替馬請置館犒給絹帛歲收市之凡謂所經畫其後皆不能變

施州今施南黔州今彭水高溪州疑卽上溪州今龍山縣若高縣之高州則不比矣

李繼遷大集蕃部攻陷靈州知州內客省使順州團練使裴濟死之濟在靈州凡二年謀緝八鎮興屯田之利民甚賴焉及被圍餉道斷絕濟刺指血染奏求救大軍訖不至城遂陷繼遷以州爲西平府尋居之

錢若水上言綏州自賜趙保忠以來戶口凋殘今欲復城之用工計百餘萬又須廣屯戍兵倍於曩日餉糈之給全仰河東其地隔越黃河及大小鐵碣二山又城下有無定河緩急用師輸送艱阻且其地無險若修葺未

備番寇奔衝則難於固守況此州城邑焚毀無尺椽片瓦所過山林材木匱乏乞罷其役若水復詣闕面陳其事帝甚嘉納初若水率衆過河分布軍伍咸有節制深爲成將所服帝知之謂左右曰若水儒臣中知兵者也李繼遷率衆二萬攻麟州四面負板薄城者五日知州閻門祇候衙居寶屨出奇兵突戰及募勇士縋城潛往擊賊賊皆披靡自相蹂踐殺傷萬餘人繼遷拔寨遁去帝聞麟州之捷以衙居寶爲供備庫使通判以下並進秩

遼遣南府宰相耶律諾賽

舊作奴瓜今改

南京統軍使蕭達蘭進攻定州行營都部署王超先發步兵千五百人逆戰

於望都縣殺戮甚衆副部署雲州觀察使開封王繼忠與諾賽等戰康邨自日昃至乙夜敵勢小卻遲明復戰

遼人悉衆攻東偏出陝後焚絕糧道繼忠率麾下躍馬馳赴素衙儀服遼人識之圍數十重士皆重創殊死戰

且戰且行旁西山而北至白城力不能支遂就擒超等卽引兵還定州遣使上聞

康村白城疑皆在定州北

李繼遷攻西蕃取西涼府都首領巴勒結僞降繼遷受之不疑巴勒結連集六谷蕃部及結隆

舊作者龍今改族合擊

之繼遷大敗中流矢奔還靈州丁巳繼遷死其子德明遣使告於遼

西涼府卽涼州府

〔六年〕靜戎軍王能奏於軍城東新河之北開田廣義相去皆五尺許深七尺狀若連鎖東西至順安威魯軍

界必能阻隔戎馬縱或來侵亦易於防捍仍以地圖來上帝召宰相李沆等示之沆等曰沿邊所開方田臣寮

累曾上言朝廷繼亦商榷皆以難於設防恐有奔突諱卽罷議今專委邊臣漸爲之制斯可矣乞并威魯順安

軍皆依此施行且慮興功之際敵或侵軼可選兵五萬人分據險要漸次經度之是日詔靜戎順安威靜界並

駐方田整河以遏敵騎

靜戎今貴州威寧縣在
其西順安今高陽縣

詔給軍中傳信牌先是石晉言北面抗敵行陳間有所號令遣人馳告多失詳審復慮姦詐請令將帥破錢而持之遇傳令則合而爲信帝以爲古者兵符既已久廢因命漆木爲牌長六寸闊三寸腹背刻字而中分之置鑿柄令可合又穿二竅容筆墨其上施紙札每臨陳則分而持之或傳令則署其言而繫軍吏之頸至彼合契乃署而復命焉

景德元年以參知政事吏部侍郎畢士安三司使兵部侍郎寇準並依前官平章事是時契丹多縱遊騎略深祁間小不利卽引去徧徠無闕意準曰是狃我也願朝廷練帥領簡騎銳分據要害地以備之帝謂輔臣曰累得邊奏契丹已謀南侵國家重兵多在河北敵不可狃朕當親征決勝卿等議何時進發畢士安等曰陛下已命將出師委任責成可也必若戎輅親行宜且駐蹕澶淵但郭郭非廣久聚大衆深恐不易況冬候猶遠順動之事更望徐圖寇準曰大兵在外須勞聖駕暫幸澶淵進發期不可緩王繼英等曰禁衛重兵多在河北宜順動以壯兵威仍督諸道進軍臨事得以裁制然不可更越澶州庶合機宜不勝慎重詔士安等各述所見具狀以聞帝每得邊奏必先送中書謂畢士安寇準曰軍旅之事雖屬樞密然中書總文武大政號令所從出卿者李沆或有所見往往別具機宜卿等當詳閱邊奏共參利害勿以事干樞密而有所隱也先是李允則知滄

州巡視州境浚浮陽湖募營壘官舍開掘井城中人厭其煩是月召歸遼師來攻老幼皆入保而水不乏又取冰代砲石以拒敵敵遂解去帝乃謂允則曰頃有言卿浚井葺屋爲擾民者今始知善守備也凡下諸路宣制必屬允則省而後行己未北面都部署王超等引大軍屯唐河樹營柵以備寇癸酉遼主與太后大舉南下以執軍使闕陵郡王蕭達蘭奚六部大王蕭觀音努舊作觀音奴今改爲先鋒分兵掠威魯順安軍魏能石普等帥兵禦之能敗其先鋒又攻北平寨爲田敏等所拒東趨保州攻城不克丁卯達蘭攻遂城擒守將王先知乃與遼主太后合兵攻定州王超等陳於唐河執詔書案兵不出戰敵勢益熾乃帥衆京駐陽城淀時遼師深入急書一夕五至寇準不發飲笑自如明日同列入謁帝大駭以問準準曰陛下欲了此不過五日爾因請幸澶州同列懼欲退準止之令候駕起帝有難色欲還內準曰陛下一入則臣等不得見大事去矣請毋還而行帝乃議親征參知政事王欽若江南人密請帝幸金陵致書樞密院事陳堯叟蜀人又請幸成都帝以問準時欽若堯叟在傍準心知之乃陽曰誰爲陛下畫此策者罪可斬也今天子神武將帥和協若車駕親征敵自當遁去不然則出奇以撓其謀堅守以老其衆勞逸之勢我得勝算矣奈何欲委棄宗社遠之楚蜀邪帝乃止二人由是怨準欽若多智準懼其妄有闕說疑阻大事圖所以去之會帝欲擇大臣使鎮大名準因言欽若可任欽若亦自請行乙亥以欽若判天雄軍府與周瑩同議守禦

澶淵今開州唐河在唐縣西南威魯軍在安肅西順安卽高陽關今高陽縣北平今滿城遼城卽威魯軍也陽城淀卽博

水也在留都東南天雄大名府也

初王繼忠在契丹乘間爲遼人言和好之利太后有厭兵意雖大舉深入然亦納繼忠說於是遣小校四人持信簡以繼忠往詣莫州節度石普且致書奏一封願速遣國下是日普遣使齎其奏至帝發視之即繼忠狀具言臣嘗念昔歲面辭親奉德音唯以息民止戈爲事況北朝欽聞聖德願修舊好必冀寬慈俯從愚懇帝謂輔臣曰朕念往昔全盛之世亦以和戎爲利朕初卽位呂端等建議欲因太宗上傳命使告辭次則何承矩請因轉戰之後邊意遼臣朕以爲誠未交通不可疆致又念自古疆場爲中原疆敵非懷之以至德威之以大兵則曠悍之性豈能柔服此奏雖至要未可信畢士安等曰契丹兵鋒屢挫恥於自退故因繼忠以請諒亦非妄帝曰卿等但知其一未知其二彼以無成請盟然得請之後必有進求若屈己安民特遣使命遺之貨財斯可也所慮者關南之地曾屬彼方以是爲辭則必須絕繼朕嘗治兵書衆躬行討擊耳遂以手詔令石普付小校順繼忠曰朕丕承大寶撫育羣民常思患戰以安人豈欲窮兵而黷武今覽封疏深嘉懇誠詔到日卿可密達茲意果有審實之言卽附邊臣關奏繼忠欲朝廷先遣使命帝未許也丙子以西上閣門使孫全照爲鈐轄帝召全照與語命兼天雄軍及貝冀等州鈐轄仍令察視北面機事全照言若契丹南逼魏城但得騎兵千百必能設奇取勝帝賞其忠果乃詔鑒若全照欲擊敵卽分兵給之是日令河北近南州縣民人入處城寨以敵兵使軼故也己卯付鳳軍使剛封賈宗奏敵騎數萬人寇草城川率兵擊敗之擄日復至又敗之遂北出境有詔嘉獎并代鈐轄高繼勳先率兵來援登萬望草城川謂宗曰敵衆而陳不整將不才也我兵雖少可以奇取勝先

設伏山下戰合必南去爾起乘勝擊之當大潰與戰至寒光嶺伏發敵兵果敗自相蹂躪者萬餘人獲馬牛橐駝甚衆甲申麟府路鈴轄韓守英張志大破遼兵於朔州界殺戮甚衆時遼師方圖尙嵐軍聞敗即遁去

真城川塞

光祿營在晉鳳州東北

王超言遼師引衆沿葫蘆河而東詔諸將整兵爲備仍令尙嵐威魯軍保州北平寨部署等深入敵境腹背縱擊以分其勢丙戌遼師抵瀛州城下晝夜攻城擊鼓伐木之聲聞于四面大設攻具使奚人負版乘牆而上知州李廷渥率州兵驍壯又集員翼巡檢史哲所部拒守發壘石巨木擊之皆棄衆而墜踰十數日多所殺傷遼太后親鼓衆急擊矢集城上如蛾死者三萬餘人傷者倍之竟弗能克乃還

葫蘆河在阜城西北七里渥水也東入交河入辟沱水

命知青州張齊賢兼青淄濰安撫使知鄆州丁謂兼鄆齊濮安撫使令齊賢謂具管內諸州山河道路廣狹形勢畫圖以聞既而遼師稍南民大驚趨楊流渡舟人邀利不時濟謂取死罪囚給爲舟人斬河上舟人懼民悉得濟乃立部分使並河執旂幟擊刁斗呼聲聞百餘里遼師遂引去

楊流渡在東平州

詔王超等率兵赴行在命知永興軍府向敏中兼管鳳州駐泊兵馬以便宣從事帝將北征深念西鄙故有是詔敏中得詔藏之不下視事如它日會大饗有告禁卒欲倚饗爲亂者敏中寢使磨兵被甲伏廊下幕中明日詔發使兵官置酒繼開命饗入至階敏中振袂一揮伏兵出盡擒之果各懷短刃卽席斬焉旣屏其尸以灰沙埽庭張樂宴飲邊藩以安帝由是有再用之意

備西夏也

先是王繼忠得帝手詔卽具奏附石晉以聞言遼已領兵攻瀛州蓋關南乃其舊疆恐難固守乞早遣使議和好帝覽其奏謂輔臣曰瀛州素有備非所憂也欲先遣使固亦無損乃復賜繼忠手詔許爲募神勇軍士李斌持信箭赴遼寨因令樞密院擇可使遼者王繼英言殿直曹利用自陳願往乃授利用閤門祗候假崇儀副使奉遼主書以往又賜繼忠手詔

遣使安撫河北以知瀛州李延渥爲本州團練使獎其守城之功也北面部魯奏契丹自瀛州退去其衆猶二十萬偵得其謀欲乘虛抵貝冀天雄軍詔督諸路兵及瀛州戍卒會天雄軍自遼師南下河朔皆城守右贊善大夫王嶼知冀州常有破敵之志日閱戍兵又集強壯練習之開門櫓采如平日嘗上言寇若至必自邀戰願勿以一郡爲憂於是遼游騎逼城嶼擊走之戊辰以南作坊使張閔爲鈐轄初閔在定州言天道方利客先起者勝宜大舉伐遼并上興師出境之日帝以問輔臣皆言不可乃止於是駕將親征閔方戍并代復奏邊事十餘召還入對帝曰契丹入塞與卿所請北伐之日同悔不用卿策今須守瀛州而未得人如何閔請行帝喜故命爲西面鈐轄先令至瀛州候敵遠近閔卽馳騎往秦翰旣受命亟督衆環城濠溝池以拒邊騎功畢遼師果至至翰不解甲宵七十餘日云天雄軍聞遼師將至闕城惶遽王欽若與諸將議探符分守諸門孫全照曰全照將家子請不探符諸將自擇便利處所不肯當者全照請當之旣而莫肯守北門者乃以命全照欽若亦自分守南門全照曰不可參政主帥號令所出謀畫所決南北相距二十里請覆待報必失機會不如居中央府

署保固腹心處分四面欽若從之全照素教畜勢手射人馬洞徹重甲隨所指麾應用無常於是大開北門下
吊橋以待之遼師攻東門良久會東門趨故城夜復自故城潛師過城南設伏於狄相廟遂南攻德清軍欽若
聞之遣將率精兵追擊伏兵起斷其後天雄兵不能進退全照請於欽若曰若亡此兵是亡天雄也北門不足
守全照請救之乃引麾下出南門力戰殺傷遼伏兵甚衆天雄兵乃復得還存者什三四庚午遼蕭巴雅爾肅
觀音勢率渤海兵攻德清軍城破知軍尙食使張旦及其子三班借職利涉虎翼都虞候胡福等十四人並死
之先是詔王超等率兵赴行在踰月不至遼師益南侵帝駐蹕章城羣臣復有以金陵之謀告帝宜且避其鋒
者帝意稍惑乃召寇準問之將入闕內人謂帝曰羣臣輩欲將官家何之何不速還京師準入對帝曰南巡何
如準曰今敵騎迫近四方危心陛下惟可進尺不可退寸河北諸軍日夜望鑾輿至士氣當百倍若回輦數步
則萬衆瓦解敵乘其後金陵亦不可得而至矣帝意未決準出過殿前都指揮使高瓊謂曰太尉受國恩何以
報對曰環武人願效死準復入對瓊隨立庭下準曰陛下不以臣言爲然試問瓊遂中前議詞氣慷慨瓊仰奏
曰寇準言是且曰隨駕軍士父母妻子盡在京師必不肯棄而南行中道卽亡去耳願陛下亟幸澶州臣等效
死契丹不難破準又言機不可失宜趣駕時王應昌帶御器械侍側帝顧之應昌曰陛下奉將天討所向必克
若遲還不進恐敵勢益張帝意遂決甲戌晨發左右以寒甚進貂裘紉帝却之曰臣下暴寒苦朕獨安用
此邪夕次衛南縣道翰林侍讀學士潘慎修先赴澶州詔澶州北寨將帥及知州不得擅離屯所迎駕帝前賜

王繼忠詔許遣使繼忠復具奏附石晉以達晉自貝州遣指揮使張皓赴行闕道出遼寨爲所得遼主及太后引皓至車帳前問勞久之因令抵天雄以詔促晉利用王欽若等疑不敢遣皓獨遣遼營遼太后賜皓禮幣館設加等使繼忠具奏且請自澶州別遣使建議和好事於是皓以其奏入帝復賜欽若詔又令參知政事王旦與欽若手書俾皓持赴天雄督利用同北去并以詔諭繼忠因謂輔臣曰國家以安民息戰爲念固許之矣然彼尙率衆深入又河冰且合戎馬可度亦宜過爲之防朕已決成算若盟約之際別有邀求當決一戰可再晉諸將帥整飭戎容以便宜從事遼師旣陷德清王申遂進抵澶州圍合三面李繼隆等分伏勁弩控扼要害遼統軍使蕭達蘭恃其勇以輕騎窺地形時威虎軍頭礮光張環掌牀子弩弩潛發達蘭中額仆遼衆號前與奧至寨是夕死太后臨其轎車哭之慟輟朝五日以蕭巴雅爾代掌南面事旋下通利軍達蘭通天文屢著戰功首倡南侵之謀至是死軍中奪氣滋欲讓和矣

德清今清豐縣章城在滑縣東南衛南在滑縣東六十里通利軍今滑縣

車駕發衛南李繼隆等使人告捷又言澶州北城門甚湫隘且於南城駐蹕是日駐南城以驛舍爲行宮將止焉寇準固請幸北城曰陛下不過河則人心益危敵氣未懾非所以取威決勝也且王超領勁兵屯中山以扼其吭李繼隆石保吉分大陳以扼其左右肘四方征鎮赴援者日至又何疑而不往高瓊亦固請食署樞密院事馮拯在傍呵之瓊怒曰君以文章致位兩府今敵騎充斥如此猶責瓊無禮君何不賦一詩退敵邪卽磨衛士進筆扣陛帝遂幸北城至浮橋獨駐車未進瓊乃執繩築壘夫背曰何不亟行今已至此尙何疑焉帝乃命

進軍既至登北城樓張黃龍旗諸軍皆呼萬歲聲聞數十里氣勢百倍帝覽觀營壁召見李繼隆已下諸將撫慰者久之賜諸軍酒食緡錢戊寅移御北城之行營嘗利用自天雄赴遼軍中見其太后與宰相韓德昌同處一車羣臣與其主重行別坐禮容甚簡以版橫車輓上設食器坐利用車下饋之食共議和好事未決遼主乃遣左飛龍使韓杞持國書與利用俱還詔知澶州何承矩郊勞翰林學士趙安仁接伴之凡覲見儀式皆安仁所裁定云十二月庚辰韓杞入對於行宮之前殿跪授書函於開門使使捧以升殿內侍省副都知閻承翰受而啟封宰相讀訖命杞升殿起居其書復以關南故地爲請帝謂輔臣曰吾固慮此今果然將奈何輔臣請答書言關南久屬朝廷不可擬議或歲給金帛助其軍資以固權盟惟陛下裁度帝曰朕守祖宗基業不敢失墜所言歸地事極無名必若邀求朕當決戰耳竇念河北居人重有勞擾備歲以金帛濟其不足朝廷之體固亦無傷答書不必具言但令曹利用與韓杞口述茲事可也趙安仁獨能記太祖時國書體式因命爲答書賜杞襲衣金帶鞍馬器幣杞卽日入辭遂與利用共往杞既受襲衣之賜及辭復左衽且以賜衣稍長爲解趙安仁曰君將升殿受還書天顏咫尺如不衣所賜之衣可乎杞卽改服而入帝又面戒利用以地必不可得若邀求貨財則宜許之是日日有食之帝懼甚司天言主兩國和解帝意稍釋癸未幸北寨又幸李繼隆營命將校從官飲犒賜諸軍有差曹利用與韓杞至遼軍帳還復以關南故地爲言利用輒沮之且謂曰北朝旣興師尋盟若歲希南朝金帛之資以助軍旅則猶可議也其接伴政事舍人高正遠曰今茲引衆而來本謀關南地若不

遼所圖則本國實境多矣利用筭以稟命事對有死而已若北朝不恤後悔恣其邀求地固不可得兵亦未易
患也遼主及蕭太后聞之意稍怠但欲歲取金幣利用許遣絹二十萬匹銀十萬兩歲始定遼主復遣王繼忠
見利用具言南北通和實爲美事主上年少願兄事南朝又慮南朝或於緣邊開移河道廣浚濠塹別有舉動
之意因附利用密奏請立誓并乞遣近上使臣持誓書至彼甲申利用卽與其右監門衛大將軍姚東之持國
誓俱還并獻御衣食物其郊勞館餼並如韓杞之禮命趙安仁接伴乙酉東之入對於行宮中使受其書是日
帝御行宮之南樓觀大河宴從臣召東之與焉丙戌東之入辭命西京左藏庫使李繼昌假左衛大將軍持誓
書與東之俱往報聘稱遼太后爲叔母金帛之數如利用所許其他亦依繼忠所奏云東之又言收衆北歸恐
爲緣邊邀擊乃詔諸路部署及諸州軍勿輒出兵馬以襲遼師利用之再使也面請歲賂金帛之數帝曰必
不得已雖百萬亦可寇準召至轎次語之曰雖有旨許百萬若過三十萬將斬汝利用果以三十萬成約而還
入見行宮帝方進食未卽見使內侍問所賂利用曰此幾事當面奏復使問曰姑言其略利用終不肯言而以
三指加頰內侍入曰三指加頰豈非三百萬乎帝失聲曰太多既而曰姑了事亦可耳帷宮浸迫利用具聞其
語及對帝亟問之利用再三稱罪曰臣許之銀絹過多帝曰幾何曰三十萬帝不覺喜甚故利用被賞特厚戊
子帝作回鑾詩命近臣和幸北寨勞軍壬辰赦河北諸州死罪以下民經遼師蹂躪者給復二年死事官吏退
錄子孫

寇準在澶州每夕與知制誥楊億痛飲謳歌謠謠喧譁達旦帝使人覘知之喜曰準如此吾復何憂時人比之謝安既而嘗利用輿韓杞至行在議和準畫策以進曰如此則可保百年無事不然數十年後敵且生心矣帝曰數十歲後當有扞禦之者吾不忍生靈重困姑聽其和可也準尚未許有譖其幸兵以自取重者準不得已許之初準處分軍事或違帝旨及是謝曰使臣盡用詔令茲事豈得速成帝笑而勞焉

二年以馬知節知定州知節先在鎮州方遼師入塞民相攜入城知節與之約有盜一錢者斬俄有竊童兒錢二百者即戮之自是無敢犯者每中使齎詔諭邊郡知節慮為敵所掠因留之募捷足者聞道達詔旨會發洺魏邢洛等六州軍儲赴定州水陸並進時兵交境上知節曰是資敵也因告諭郡縣凡公家輸輦之物所在納之敵欲剽劫皆無所得車駕幸洺州大將王超擁兵數十萬屯定州逗遛不進知節屢諷之超不為動復移書謂讓超始出兵猶辭以中渡無橋徒涉為患知節先已命工度材一夕而具上聞手詔褒美召輔臣觀瀛州所獲遼人攻城戰具皆制度精好鋒鋸銛利梯衝竿牌悉被以鐵城上懸版才數寸集矢二百餘其後李繼宣渡高陽鐵得遺矢凡四十萬遼人攻城不遺餘力如此

初安陽陳氏喜習兵咸平中大將楊瓊王榮喪師質上書言前日不斬傅潛張昭遠使瓊輩畏死不畏法令不嚴其制後當益弛請立法凡合戰而奔者主校皆斬大將戰死裨校無傷而還與奔軍同軍紐城團別部力足救而不至者以逗遛論如此則誅罰明而士卒厲矣帝嘉納之又書上形勢選將練兵論三篇大略言地有要

害今北邊既失古北之險然自威魯城東距海三百里其地沮澤塹塢所謂天墮天陷非敵所能輕入由威魯西極狼山不百里地廣平利驍突此必爭之地先居則佚後趨則勞宜有以待之昔李漢超守瀛州敵不敢視關南尺寸地今將帥大槩用恩澤進雖謹重可信然卒與敵遇不知所以爲方略故敵勢益張兵折於外者二十年此選將得失之效也國家收天下材勇以備禁旅賴賜予屬給而已恬於休息久不識戰當以衛京師不當以戍邊戍邊莫若募土人隸本軍又籍丁民爲府兵使北面捍遼西面捍戎不獨審練敵情熟習地形且皆樂戰鬪無驕心遼人既和復上言敵數入塞驅掠良民數十萬今乘其初通宜出內府金帛以贖之敵嗜利必露吾民自河之北戴德澤無窮矣於是貢舉進士帝識其姓名曰是數言邊事者擢置第二等賜及第

史言將帥不當

用恩澤進及謹重可信者

知鎮戎軍曹瑋言軍境川原夷曠便於騎戰非中國之利請自隴山以東循古長城塹以爲限從之又言邊民應募爲弓箭手者皆習墜塞險隘解羌胡語耐寒苦有警可參正兵爲前鋒而官未嘗與器械資糧雖資其死力請給以境內閒田永蠲其租春秋耕斂州爲出兵而護作之詔人給田二頃出甲士一人及三頃者出戰馬一匹設堡戍列部伍補指揮使以下校長有功勞者亦補軍都指揮使置巡檢以統之其後鄜延環慶涇原并河東州軍亦各募置

鎮戎軍宋至道初置今固原州

〔三年〕雄州團練使何承矩以老疾累表求解邊任帝令自擇其代承矩薦安撫副使李允則卽命允則知雄

州兼安撫使改授承矩齊州團練使便道之任承矩至齊州才七日卒緣邊泊渰易州民間之皆揮涕有相率詣雄州發哀飯僧者承矩習熟戎事有方略能綏撫異俗其後契丹使至者言國中皆畏服承矩之名嘗於雄州北築愛景園植蓼花日至其處吟詩數十首刻於石人謂何六宅愛蓼花不知其經始塘泊也尤好儒學賓禮賢士大夫初知潭州日李沆王旦竇爲佐屬承矩器以公輔待之絕厚

四年以曹瑋爲西上閫門使賞其捍邊功也瑋在鎮戎嘗出戰少捷偵虜去已遠乃驅所掠牛羊輜重而還頗失都伍其下憂之言於瑋曰牛羊無用不若棄之整衆而歸瑋不答西蕃兵去數十里聞瑋利牛羊而師不整遽還襲之瑋行愈緩得地利處乃止以待之西蕃軍將至逆使人謂之曰蕃軍遠來必甚疲我不欲乘人之怠請懇士馬少選決戰蕃人方苦疲皆欣然嚴軍而歇良久瑋又使人諭之曰歇定可相馳矣於是各鼓車而進一戰大破之蕃師遂棄牛羊而遁徐謂其下曰吾知蕃已疲故爲貪利以誘之比其復來幾行百里矣若乘銳便戰猶有勝負遠行之人若少憩則足癆不能立人氣亦闕吾以此取之

大中祥符三年帝作念邊詩賜近臣和帝謂輔臣曰將帥才難今雖天下無事然兵不可去戰不可忘古之道也馬知節曰將帥之才非可坐而知之顧臨事機變如何耳咸平中將帥才略無聞措置未便不能禦寇蓋以未得其人故也帝曰知節久任邊防何策爲知節曰邊防之地橫互雖長然據要以扼其來路惟順安軍至西山不過二百里若列陳於此多設應兵使其久莫能進衆將疲弊時以奇兵輕騎逼而擾之如散來犯卽

命將深入力戰彼必顛覆不暇今諸將喜用騎兵以多為勝且騎兵之多盡布滿川谷而用之有限苟驕進而前小有不利則莫之能止非所謂節制之師也臣嘗謂善用騎兵者不以多為貴但能設伏觀寇兵之多少度地形之險易多少則進而擊之乘其隙而攻之常依城邑以為旋師之所無不捷矣時遼人已盟大臣方謂符璫知節每不然之嘗言天下雖安不可忘戰因自陳年齒未暮五七年間尚可驅策如邊方有警願預其行但得副部署名目及夏馬數匹輕甲一聯足矣帝以為然乃命製銅鐵鎖子甲賜之

遼主謂羣臣曰康肇弑其君誦而立詢因而相之大逆也宜發兵問其罪羣臣皆曰可國舅詳表舊作詳表今改謂迪

里舊作啟曰國家連年征討士卒玩愒況陛下在敵陰年數不登瘡痍未復高麗小國城壘完固勝不為武

莫一失利恐貽後悔不如遣一介之使詰問其故彼若伏罪則已不然興師未晚遼主狃於南伐之勝不聽

諸道繕甲兵以備東征遼主自將伐高麗以皇弟楚王隆祐留守京師北府宰相駙馬都尉蕭巴雅爾舊作排押今改

為都統北面林牙蕭僧奴舊作僧奴今改為都監李允則以遼人舉兵伐高麗事上聞帝謂王旦等曰契丹伐高麗萬

一高麗窮蹙或歸於我或來乞師何以處之旦曰當顧其大者契丹方固盟好高麗貢奉累歲不一至帝曰然

可諭登州待其旭如高麗有使來乞師即語以累年貢奉不入不敢趨於朝廷如有歸投者第存恤之不須以

聞遼主自將步騎四十萬就義軍十一月乙酉渡鴨綠江康肇率師禦之戰敗退保銅州遼主封書於簡諭高

麗曰朕以前王誦服事朝廷久矣今逆臣康肇弑君立幼故親率精兵已臨國境汝等能縛送康肇即可班師

丙戌擊分兵爲三隔水而陳一營於州西據三水之會華居其中一營於近州之山一附城而營擊以劍車排

陳遼師進攻之屢却擊遂有輕敵之心與人驕悍丙戌遼先鋒耶律敏諸書作益詳襄耶律達魯書作敏擊

破三水寨擒斬擊及副將李立追亡數十里獲所竊糧餉鎧仗不可勝計辛卯王詢遣使上表請朝遼主亟於

成功許其朝遂蔡軍士俘掠先是詢遣中郎將智蔡文援西京而遼令盧頭劉經入西京諭降其守將已繕降

表矣蔡文至焚其表殺頭經城中疑臥蔡文出屯城南會東北界都巡檢使卓思正率兵至與蔡文合兵入城

守遼又使韓杞等往諭思正出驍騎突殺杞等思正以蔡文爲先鋒出拒保佑伊闕等敗走又圍高正使館正

與麾下壯士突圍出餘卒多死遼主怒復遣伊闕擊之蔡文屢戰皆敗思正佯言出戰夜開門遁蔡文奔還高

麗王詢乃夜掘後宮及吏部侍郎蔡忠順等遁去巴雅爾敏諸等破開京焚宮廟民居皆盡追至清江而還

朝鮮無
可考

〔九年〕以馬軍副都指揮使張閔爲宣徽南院使兼樞密副使先是閔被旨選兵下令太峻兵懼謀欲爲變有

害以聞者帝召二府議之王旦曰若罪閔則自今帥臣何以御衆急捕謀者則震驚都邑此尤不可帝曰然則

奈何旦曰陛下數欲任閔以樞密臣未敢奉詔今若權用使解兵柄反側者自安矣帝從其言軍果無他

翰林學士李迪召對龍圖閣命草詔毋徐謂迪曰曹瑋在秦州屢請益兵未及遣遽辭州事誰可代瑋者對曰

瑋知嘉勒斯表欲入寇且竊關中故請益兵爲備非怯也且瑋有謀略諸將皆非其比何可代陛下重發兵豈

非將上玉皇聖號惡兵出宜秋門邪今關右兵多可分以赴瑋帝因問關右幾何對曰臣向在陝西以方寸小册書兵糧數備調發今猶懸佩璽中帝令自採取目內侍取紙筆具疏某處當留兵若干餘悉赴塞下帝顧曰真所謂頗牧在禁中未幾嘉勒斯賚果犯邊秦州方出兵復召問曰瑋戰克乎對曰必克及瑋捷并至帝謂迪曰卿何料之審也迪曰嘉勒斯賚大舉入寇使謀者聲言以某日下秦州會食以激怒瑋瑋勒兵不動坐待其至是則以逸待勞臣用此知其決勝也

宜秋門即紫門宋都裏城西北門也

以禮部郎中李及爲太常少卿知秦州時瑋數上章求解州事帝問王旦誰當代瑋者旦薦及可任帝卽命之衆議皆謂及非守邊才祕書監楊億以告旦旦不答及至秦州將吏亦心輕之會有屯駐禁軍白蠻軍婦人金釵於市中吏執以聞及方坐觀書召之使前略加詰問其人服罪及不復下吏亟命斬之復觀書如故將吏皆驚服不日聲譽達京師億見旦具道其知人之明旦笑曰禁軍戍邊白晝爲盜於市此固當斬烏足爲異旦之用及者其意非在此也夫以曹瑋知秦州戎羌服邊境之事瑋處之已盡其宜使他人往必矜其聰明多所變置敗壞瑋之成績且所以用及者但以及厚重必能謹守瑋之規而已

(天禧三年)遼以東平郡王蕭巴雅爾爲都統殿前都點檢蕭庫哩

舊作盧烈今改

副之東京留守耶律巴格

舊作巴哥今改

爲都監伐高麗仍諭高麗官吏能率衆自歸者厚資堅壁相拒者追悔無及蕭巴雅爾攻高麗興化鎮高麗遣其臣姜邯贊姜民瞻禦之先期設伏山谷以大繩貫牛皮塞城東大川以待之遼師至決塞發伏遼師戰不利

巴雅爾乃由慈州直趨王城進至新恩縣去王城百里耶贊等遣兵來援巴雅爾度王城不可下乃大掠而還十二月師至茶陀二河耶贊等追兵大至諸將皆欲使高麗渡兩河而後擊之都監巴格獨以爲不可曰敵若渡兩河必殊死戰此危道也不若戰於兩河之間巴雅爾從之及戰高麗以強弩夾射相持未決忽風雨自南來旌旗北指高麗兵乘勢攻之遼師大敗巴雅爾率甲仗而走詳衰多戰死天雲及皮室二軍傷陷略盡

詳慈州其平壤東北之慈山縣

以李允則爲客省使知鎮州兼鎮定鈐轄允則在雄州十四年河北既罷兵允則治城壘不輟遼人疑違誓約旣而有以爲言詔詰之允則奏言初通好不卽完治他日復安敢動乎帝以爲然城北舊有壘城允則欲合大城爲一先建東嶽祠出黃金百兩爲供器導以鼓吹居人爭獻金銀久之密自撤去聲言盜自北至遂下令捕盜三移文北界乃興版築揚言以護祠而卒就闕城浚壕起月隄自此壘城之人悉內城中始州民多以草覆屋允則取材木西山大爲倉廩營舍教民陶瓦壁標里閭沿廊市城上悉累甃下環以溝塹時麻植榆柳廣闊承輪所修屯田架橋引水作石梁列隄道以通安肅廣信順安軍歲修禋事召界河戰棹爲競渡縱北人遊觀潛寓水戰州北舊設陷馬院城上起樓爲斥堠望十里自罷兵人莫敢登允則曰南北旣講和矣安用此爲命撤樓夷坑爲諸軍蔬圃浚井疏洫列畦墾築短垣縱橫其中植以荆棘而其地益險阻因治坊巷徙浮圖北垣上登望三十里下令安撫司所治境有隙地悉種榆久之榆滿塞上下元舊不然燈允則結采山聚優樂使民

繼游明日偵知遼將欲間行入城觀之允則與同僚伺郊外果有紫衣人至遂與俱入傳舍不交一言出女奴羅侍左右劇飲而罷且置其所乘驢廐下使遁去即遼之南京統軍也後數日其人得罪薨燕軍中而甲仗庫火允則作樂行酒不輟少頃火燭命悉瘞所焚物密遣使持檄瀛州以茗籠運器甲不泆旬兵數已完人無知者樞密院移詰之對曰兵械所藏燬火甚嚴方宴而燭必姦人所爲會宴救焚事或不測矣一日民有訴爲遼人毆傷而遁者允則不治與傷者錢二千衆以爲怯逾月遼人以其事來詰答以無有蓋他謀欲以毆人爲質喻比得報以爲妄乃殺謀雲翼卒亡入北界允則移文督還遼人報以不知所在允則曰在某所遼人駭不敢隱即歸卒乃斬以徇後無敢亡者允則不事威儀間或步出遇民可與語者延坐與語以是洞知人情盜發輒獲人亦莫知其由身無兼衣食無重羞不蓄資貨當時邊臣鮮能及之者

廣信軍節度使
軍在安肅縣西

